

वेदामृत

प्रो० वेद घई

प्रकाशक

डोगरी संस्था, जम्मू

वेदामृत

प्रो० वेद घई

प्रकाशक

डोगरी संस्था, कर्ण नगर, जम्मू

VEDAMRIT

by

Prof. Ved Ghai

© लेखक

पैहले पुज्ज

300

*

प्रकाशन ब'रा

2017

*

मुल्ल

₹ 200/-

*

प्रिंटर्ज

क्लासिक प्रिंटर्ज

नेशनल हाइवे, बाड़ी ब्राह्मणां, जम्मू

दूरभाष-(01923)-220243, 94191-49293

संपादकी

भारती ज्ञान-साधना दे मूलस्रोत 'वेद' दा म्हत्तव सिर्फ धर्म-कर्म जां पही कर्म-कांड दी द्रिष्टी कन्नै गै नेई (जि'यां के आम जन-साधारण दी धारणा ऐ), बल्के मनुक्ख जाति दे सारें शा प्राचीन इतिहास-धर्म, दर्शन, साहित्य, विज्ञान, कला, जोतश, आयुर्वेद यानि उसदी समूलची रहत-बैहत, कम्म-पद्धति आदि विशें दे ज्ञान सरबंधी ओंकर वैदिक साहित्य च थाहरें-थाहरें द्रिष्टीगोचर होंदे न। भगवान मनु दी एह उक्ति 'सर्वज्ञानमयो हि सः' सिद्ध करदी ऐ जे मनुक्ख जाति दा आद-कदीमी ते समूलचा जीवन यापन ते उसदी जीवन पद्धति सरबंधी हर चाल्ली दा ज्ञान वेद-साहित्य च विद्यमान ऐ। इ'यै वजह ऐ जे भारती संस्कृति दे मूल स्रोत दे तौरा पर 'वेद' दा थाहर सभनें शा उप्पर बी ऐ ते म्हत्तवपूर्ण बी।

वैदिक संस्कृति च जित्थै इक-ईश्वरवाद दी धारणा दा प्रवर्तन ऐ उत्थै द्यु, अंतरिक्ष ते पृथिवी लोक दे देवते दे रूपा च बहुदेवतावाद दा बखान उससै इक अदृष्ट शक्ति गी उसदे नेकें रूपें (महद्देवानां सुरत्वमेकम्) च दिक्खने दी द्रिष्टी प्रदान करदा ऐ। तुआहीं देवे दे कन्नै असुरें दे अस्तित्व गी मन्नने च बी वैदिक संस्कृति च निहित समन्वय दी अंतर्धारा गी बल थोंदा ऐ। इससै चाल्ली समाजी जीवन गी अनुशासत करने आस्तै वर्ण ते आश्रम दी व्यवस्था ते कर्म दी म्हत्ता गी समझदे होई कर्म दे आधार उप्पर वर्णों दी बंड करना ते पही हर-इक वर्ण दे अपने-अपने कर्तव्ये दा निर्देश ते हर-इक आश्रम दे उद्देश्यें गी निर्दिष्ट करना सुचारू समाजी व्यवस्था ते जीवन-यापन प्रति व्यवहारक सोझ दा प्रमाण ऐ। इन्ना गै नेई, सगोआं इस सुचारू समाजी जीवन दी नींह गी होर पुख्ता बनाने लेई आचार, शील ते संस्कारें दा विधान कदम-कदम उप्पर माहनु दे स्रेष्ठ सभाऽ, उसदे स्रेष्ठ आचरण लेई स्हेई बत्त प्रशस्त करदे होई

उसगी बक्ख-बक्ख समें पर बक्ख-बक्ख संस्कारें लेई प्रवृत्त करने च सिर्फ मददगार गै नेई उपयोगी बी साबत होंदा ऐ।

इस्सै चाल्ली हर द्रिष्टी कन्नै इक भरपूर जीवन लेई दरकार परवारक, आर्थक, न्याऽ, शासन, शलैपा, कला, मनोरंजन आदि कन्नै सरबन्धत खेतरेँ बारै बी समुचित ज्ञान ते दिशा-निर्देशें करी वैदिक साहित्य ते संस्कृति दा म्हत्तव नां सिर्फ भारत च बल्के विदेशें च बी मन्नेआं गेआ ऐ, जिसदी प्रासंगिकता अपने दौर च ते ही पर इक व्यस्थित ते उत्तम जीवन जीने लेई अजै दे दौर च इसदी मान-म्हत्ता होर बी बधी जंदी ऐ। की जे इष्ट प्राप्ति ते अनिष्ट निवारण दे उपाऽ दा रहस्य जिस माध्यम थमां हासल होई सकदा ऐ, ओह वेद ऐ ते ओह आपूँ गै इसदा माध्यम ऐ। इस लेई वेद दे अध्ययन (स्वाध्याय) गी अत-उपयोगी समझेआ जंदा ऐ। एह अध्ययन इक नित्त नीम जां नित्त कर्म गै नेई बल्के इसदा अक्षय (कदें खीन नेई होने आह्ला) फल बी ऐ। वेदें दा म्हत्तव इस गल्ला करी बी ऐ जे कर्म सिद्धान्त ते ज्ञानमार्ग दा प्रतिपादन करने आहले दर्शन बी वेदें पर गै आधारत न। यानि वेदें च जित्थै आध्यात्मकता दी स्थिति दा वर्णन-बखान ऐ उत्थै कर्म-मार्ग पर चलियै इस संसारी जीवन दी सार्थकता दी रम्ज सुझाई गेदी ऐ। आखने दा मतलब एह ऐ जे वैदिक साहित्य इक ऐसे ज्ञान दी लोई दा पुंज ऐ जिस कन्नै मनुक्खी जीवन हर द्रिष्टी कन्नै समुन्नत होइयै अपनी होंद अपने अस्तित्व गी सफल, सार्थक ते बामकसद बनाई सकदा ऐ।

साढ़ी इस डुग्गर धरती ते डोगरा समाज च केई ऐसे लोक बी न जेहड़े वेदें दे नांऽ कन्नै ते वाक्फ़ होडन पर वेदें च वर्णत जीवन-जगत दे तत्थ ते ज्ञान बारै उ'नेंगी कोई जानकारी नेई होनी। ऐसे जन-साधारण गी नजरी च रखदे होई वेद मंत्रें दे डोगरी अनुवाद पर आधारत एह पुस्तक 'वेदामृत' नांऽ कन्नै सम्पादत ते प्रकाशत कीती गई ऐ। इस च अग्नि सूक्त, उषा सूक्त, हिरण्यगर्भ सूक्त, पुरुष सूक्त, संवनन सूक्त, वागाम्भृणी सूक्त, पृथिवी सूक्त, काल सूक्त, सांमनस्य सूक्त, शिवसंकल्प सूक्त, यज्ञ (यजुर्वेद), महानाम्यार्चिक (सामवेद संहिता), दूआ भाग-यजुर्वेद दे दसमें ते छत्तीमें ध्या दे मन्त्रें दा, अथर्ववेद दे प्राणसूक्त ते ब्रह्मचर्य सूक्त दा, ऋग्वेद दे दो सरस्वती सूक्तें ते

मन आवर्तन सूक्त दा, सामवेद दे पूर्वार्चिक दे किश मन्त्रें दा ते यज्ञ, दान, सत्य, ऋत आदि कई विशें दे वेदमन्त्रें दा डोगरी पद्य च भावानुवाद कीते दा ऐ। डोगरी च काव्य-अनुवाद बड़ी सैहज, सरल ते आम-फैहम भाशा च कीता गेदा ऐ जिसदा श्रेय डुग्गर प्रदेश ते इसदी भाशा कन्नै हिरख करने आहली सुप्रसिद्ध विदुषी प्रो. वेद कुमारी घई होरें गी जंदा ऐ। उ'नें एह अनुवाद बड़े मन-चित कन्नै कीता ऐ। मिगी पूरा विश्वास ऐ जे डुग्गर दी सरल-भलोकी जनता गितै 'वेदामृत' नांऽ दी एह पुस्तक सिर्फ उपयोगी गै नेई कल्याणकारी बी सिद्ध होग।

वीणा गुप्ता

महामंत्री

डोगरी संस्था, जम्मू

1874

1875

1876

1877

1878

1879

1880

1881

1882

1883

दो शब्द

वेद भारती संस्कृति दा गै नेई विश्वसंस्कृति दा मूल स्रोत मन्ने गेदे न। भारती परम्परा ते वेदेँ गी वेदोऽखिलो धर्ममूलम् आखियै इंदा म्हत्तव बखानदी गै ऐ, पच्छमी जगत बी अपनी संस्कृति दे मूल दी तपाश इंदे च करदा ऐ। मैक्समूलर हुंदा गलाना ऐ-विश्वसाहित्य च वेद दा जेहका थाहर ऐ ओहका थाहर कुसै होर भाशा दा साहित्यक ग्रन्थ प्राप्त नेई करी सकदा। जदूं तगर माह्नू दी दिलचस्पी अपनी जाति दे आदिम इतिहास गी जानने दी बनी रौहग तदूं तगर प्राचीन ग्रन्थें दी लम्मी पंगति इच ऋग्वेद दा पैह्ला थाहर रौहग। वेदेँ बारै विन्टरनिट्ज हुंदा आखना ऐ-जेकर अस अपनी संस्कृति दे मुंढ गी जानना चाहन्ने आं, जेकर अस सभनेँ थमां परानी भारोपीय संस्कृति गी समझना चाहन्ने आं तां असेँ भारत दी शरण लैनी पौग जित्थै भारोपीय जाति दा सभनेँ थमां पराना साहित्य सुरक्खत ऐ। मते पच्छमी विद्वानें तुलनात्मक भाशाशास्त्र प्रक्रिया राहें वेदेँ दे अर्थ करने दा जतन कीता ऐ। विल्सन दा अनुवाद सायणभाष्य दे आधार उप्पर ऐ जिसने ज्यादातर मन्त्रें दे अर्थ कर्मकाण्ड परक कीते न। यास्क दे निरुक्त इच वेदार्थ प्रक्रिया दे नौ प्रकार दस्से गेदे न-अध्यात्मम्, अधिदैवतम्, आख्यानसमयः, ऐतिहासिकाः, नैदानाः, नैरुक्ताः, परिव्राजका, पूर्वैयाज्ञिकाः, याज्ञिकाः। वेदेँ दी भाशा प्रतीकात्मक ऐ उस करी मन्त्रें दे अर्थ आध्यात्मिक, आधिदैविक आधियाज्ञिक होई सकदे न। महाभाष्यकार पतंजलि ने चत्वारि शृंगा त्रयो अस्य पादाः आदि च 'ऊं' सिंगें आहले त्र'ऊं पैरें आहले नोखे बैल दी व्याख्या व्याकरणपरक कीती ऐ। पर इस्सै मन्त्र दी व्याख्या दूई चाल्ली बी कीती जंदी ऐ।

जि 'नें' रिशियें वेदमन्त्रें दे दर्शन कीते हे ओह साक्षात् कृतधर्माणः हे अर्थात् सिश्टी गी धारण करने आहले अटल निजमें गी परतक्ख दिक्खने आहले हे। भाष्यकारें अपनी-अपनी समझा मताबक मन्त्रें दी व्याख्या कीती ऐ। आधुनिक

समें इच स्वामी दयानन्द, अरविन्द, सातवलेकर, विद्यानन्द विदेह, रामगोविन्द त्रिवेदी आदि विद्वानें दे भाष्य थ्होंदे न।

में अपने गुरु प्रो. सूर्यकान्त ते प्रो. वासुदेवशरण अग्रवाल हुंदे थमां प्रेरणा लेइयै थोह्ड़ा मता अध्ययन वेदमन्त्रें दा कीता हा। डोगरी दे पाठकें लेई किश मन्त्रें दा डोगरी भावानुवाद उस्सै प्रेरणा दा फल ऐ। में डोगरी संस्था दी महा मन्त्री प्रो. वीणा गुप्ता हुंदी अभारी आं जे उ'नें इस दा सम्पादन कीता ते इस गी छापियै डोगरी पाठकें तगर पजाने दा जतन कीता ऐ।

वेदकुमारी घई

भाग - I

अग्नि सूक्त

ऋग्वेद दी शुरुआत अग्निरूप परमात्मा दी स्तुति कन्नै होई दी ऐ। पैह्ले मण्डल दे पैह्ले सूक्त दे न'में मन्त्रें राहें इस अग्नि दा वर्णन करदे होई दस्से दा ऐ जे ओह हर थाहर सामनै मजूद ऐ, उस्सै ने स्त्रिष्टी-यज्ञ रचे दा ऐ ते 'ऐ सब धन-दौलत देने आह्ला ऐ। नमें-परानें रिशियें उसी गै पूजेआ ऐ ते उस्सै दी किरपा नै धन, जस, बल प्राप्त होए न।

सभनें जीबें इच आत्माग्नि दे रूपै इच अग्नि गै विद्यमान ऐ जेहड़ा साढे जीवन-यज्ञ गी चलाऽ करदा ऐ। आत्माग्नि गै माहनू गी सब ज्ञान-विज्ञान सुख-शान्ति दी प्राप्ति करोआंदा ऐ। माहनू दा सोचना, दिक्खना, सुनना, सब्भै कर्म इस्सै अग्नि करी चलदे न। इस आत्माग्नि गी पूजने आह्ले दा म्हेशां भला गै होंदा ऐ ते ओह सभनें दा भला गै करदा ऐ। स'ज सवैरै हर बेल्लै आत्मा दी बुआज पछानने आह्ला माहनू कदें मन्दे राह् नेई दुरदा। जि'यां स्त्रिष्टी परमात्मा दे बनाए दे निजमें इच बज्झी दी चलदी ऐ उ'आं गै माहनू बी निजमें दी पालमां करदे होई तरक्की करदा ऐ ते जस, कीरत, धन-दौलत, सुख-सन्तोख सब किश प्राप्त करी लैंदा ऐ।

ऋग्वेदसंहिता, मण्डल। सूक्त। मन्त्र 1-9

अग्निमीले पुरोहितं यज्ञस्य देवमृत्विजम्।

होतारं रत्नधातमम् ॥ 1 ॥

ब्रह्माग्नि दी स्तुतियां करचै, हर पाससै जो सामनै लब्धै।
जीवन-यज्ञ दा देव ओह ऋत्विक्, सदियै दौलत रखदा गब्धै ॥

अग्नि पूर्वेभिर्ऋग्भिरीड्यो नूतनैरुत।

स देवां एह वक्षति ॥ 2 ॥

जि'नें जानेआ उ'नें पूजेआ रिशियें-मुनियें नमें परानें।
उ'ऐ सुआरै जीवन यज्ञ ते उ'ऐ देवताएं गी आहनै ॥

अग्निना रयिमश्नवत् पोषमेव दिवे-दिवे ।

यशसं वीरवत्तमम् ॥ 3 ॥

उस अग्नि थमां थोए हर दिन लौकक ते परलौकक दौलत ।

दौलत इ'यै जनेही जो देए शूरवीरता जस ते कीरत ॥

अग्ने यं यज्ञमध्वरं विश्वतः परिभूरसि ।

स इद् देवेषु गच्छति ॥ 4 ॥

माहनू दा जीना यज्ञ ऐ जेहदे बिच ब्रह्माग्नि ब्यापै ।

उस ब्रह्माग्नि कनै जुड़ियै जाई रलै देवें इच आपै ॥

अग्निर्होता कवि क्रतुः सत्यश्चित्रश्रवस्तमः ।

देवो देवेभिरागमत् ॥ 5 ॥

ब्रह्माग्नि गै यज्ञ दा होता

उ'ऐ सच्चा कवि बचित्तर ।

उ'ऐ शुभ कर्म दा प्रेरक

देवें कनै आए निरन्तर ॥

यदङ्ग दाशुषे त्वमग्ने भद्रं करिष्यसि ।

तवेत्तत् सत्यमङ्गिरः ॥ 6 ॥

अग्निदेव ! जिस अपना आप्पा

तुं दे अग्नें अर्पण कीता ।

तुसें भला गै ओहदा करना

सच्चे उस भगति रस पीता ॥

उप त्वाग्ने दिवे-दिवे दोषावस्तर्धिया वयम् ।

नमो भरन्त एमसि ॥ 7 ॥

अग्निदेव ! अस स'ज-सर्वेरे

हर दिन बौहचै तुं दे नेडै ।

नमस्कार करी ध्यान लगाचै

तां लगन नेई अड्डो-खोड़े ॥

राजन्तमध्वराणां गोपामृतस्य दीदिविम् ।
वर्धमानं स्वे दमे ॥ ८ ॥

सज्जनताई दे रखवाले
स्निग्घटी निजमें दे परकाशक ।
अन्तःकरण इच म्हेशां बस्सो
तुस गै इस घरै दे मालक ॥

स नः पितेव सूनवेऽग्ने सूपायनो भव ।
सचस्वा नः स्वस्तये ॥ ९ ॥

पुतर जि'यां बब्बै दे मूँढै
चढ़ियै सुखै दे झूटे लैंदे ।
उ'आं अस बी नंद भोगचै
रौहचै म्हेशां नेड़े तुन्दे ॥



उषा सूक्त

द्युलोक दी धी उषा सब जोतें दी उत्तम जोत ऐ. उसदे गास इच औने थमां पैहलें केई नखत्तर रातीं दे न्हरे इच अपनी लिश्क दस्सा करदे हे पर जेल्लै उषा आई पुज्जी तां ओह सब्भै खीन होई गे। न्हरे दे चोले गी परै सु 'द्वियै लोई दा चोला लाइयै ते अपने बरदानें दी टोकरी लेइयै उषा सुत्तें गी जगान आई पुजदी ऐ। एह सूरजै दी लाड़ी सूरजै दे अगें-अगें टुरदी ऐ। चन्नै दे रथै अगें सनैहरे चमचम चमकदे घोड़े जोतियै एह अटल सुहागन अपनी लोऽ कन्नै धरती ते अम्बर दा न्हारा दूर नठांदी ऐ। ऋत थमां जरमी दी एह सच्ची-सुच्ची ऋत दा पालन करदी ऐ। ऋत दा अर्थ ऐ सच्चाई-भलाई ते ओह सारे अटल निजम जि 'न्दे करी सिष्टी चलदी ऐ। अंग्रेजी दा राइट शब्द ऋत थमां गै निकले दा ऐ। उषा ज्ञान दी लोऽ ते सच्चे-सुच्चे बचारें दी देवी ऐ। एह सिर्फ साढ़ी धरती गी गै नेई सारे भुवनें गी प्रकाशत करदी ऐ। आपूं बी एह चतन्न ऐ ते सभनें लोकें गी बी चतन्न करदी ऐ। उषा सनैहरी ऐ। तेजस्विनी ऐ, प्राणें दा संचार करने आहली ऐ।

ऋग्वेद संहिता, मण्डल 1, सूक्त 113, मन्त्र 1-20

इदं श्रेष्ठं ज्योतिषां ज्योतिरागाच्चित्रः प्रकेतो अजनिष्ट विभ्वा ।

यथा प्रसूता सवितुः सवाय एवा रात्र्युषसे योनिमारैक् ॥ 1 ॥

सब जोतें दी उत्तम जोत

आई पुज्जी ऐ धरमी उषा।

जि 'यां रात जरमी सविता थमां

उ 'आं रात थमां जरमी उषा ॥

रुशद्वत्सा रुषती श्वेत्यागादारैगु कृष्णा सदनान्यस्याः ।

समानबन्धू अमृते अनूची द्यावा वर्णं चरत आमिनाने ॥ 2 ॥

काली रात गई घर अपने
लाल गुलाबी उषा ऐ आई।
इक-दूए दा रंग बदलियै
दौनें भैनें दौड़ ऐ लाई॥

समानो अध्वा स्वस्त्रोरनन्तस्तमन्यान्या चरतो देवशिष्टे।
न मेथेते न तस्थतुः सुमेके नक्तोषासा समनसा विरूपे॥ 3 ॥

सूरजै दी दस्सी दी बत्ता
दौऐ भैनां चलै करदियां।
रूप बक्खरा ब, मन इक्कै
लीक थमां नेई थिड़ै करदियां॥

भास्वती नेत्री सूनृतानामचेति चित्रा विदुरो न आवः।
प्राप्यां जगद्वयु नो रायो अख्यदुषा अजीगर्भुवनानि विश्वा॥ 4 ॥

सच्चें दी अगुआ एह उषा
भित्त दौलत दे खोहल्ला करदी।
अगगे-पिच्छें चौनें बक्खीं
भुवनें गी लोई नै भरदी॥

जिह्मश्ये चरितवे मद्योन्याभोगय इष्टये राय उ त्वम्।
दभ्रं पश्यद्भ्य उर्विया विचक्ष उषा अजीगर्भुवनानि विश्वा॥ 5 ॥

ढिल्लम ढिल्ले सुत्ते दें गी
कार कमाने लेई जगांदी।
लोऽ करियै सारे भुवनें बिच
सब किश दिक्खने जोग बनांदी॥

क्षत्राय त्वं श्रवसे त्वं महीया इष्टये त्वमर्थमिव त्वमित्यै।
विसदृशा जीविताभिप्रचक्ष उषा अजीगर्भुवनानि विश्वा॥ 6 ॥

ताकत, अन्न ते जगग करन लेई
मूंह मंगी दौलत पाने गी।
लोऽ करदी सारे भुवनें बिच
केई चाल्ली कार कमाने गी॥

एषा दिवो दुहिता प्रत्यदर्शि व्युच्छन्ती युवतिः शुक्रवासाः।
विश्वस्येशाना पार्थिवस्य वस्व उषो अद्येह सुभगे व्युच्छ ॥ 7 ॥

दुद्ध-चिट्टे टल्लें गी लाइयै
दिक्खो एह् अम्बर दी जाई।
धरती दी दौलत दी मालक
न्हैरा दूर नठाने आई ॥

परायतीनामन्वेति पाथ आयतीनां प्रथमा शश्वतीनाम्।
व्युच्छन्ती जीवमुदीरयन्त्युषा मृतं कंचन बोधयन्ती ॥ 8 ॥

बीती गेई दियें चा खीरली
पैहली अगले समें दियें दी
सुत्ते जीव जगाइयै दिक्खो
न्हैरा दूर नठांदी जंदी

उषो यदग्निं समिधे चकर्थ वि यदावश्चक्षा सूर्य्यस्य।
यन्मानुषान् यक्ष्यमाणां अजीगस्तद्देवेषु चकृषे भद्रमप्यः ॥ 9 ॥

उषा जगांदी जजमानें गी
यज्ञाग्नि प्रज्ज्वलत करदी।
सूरजै दी लोऽ लेइयै कन्नै
यज्ञ-कुण्ड देवें दे भरदी ॥

किंयात्या यत्समया भवाति या व्यूषुर्याश्य नूनं व्युच्छान्।
अनु पूर्वा कृपते वावशाना प्रदीध्याना जोषमन्याभिरेति ॥ 10 ॥

कदूं रम्भेआ कम्म एह्कड़ा
कदूं तगर इस करदे रौहना।
केई उषा इस बता टुरियां
केइयें अगें टुरदे रौहना ॥

ईयुष्टे ये पूर्वतरामपश्यन्व्युच्छन्तीमुषसं मर्त्यासः।
अस्माभिरू नु प्रतिचक्ष्याऽभूदो ते यन्ति ये अपरीषु पश्यान् ॥ 11 ॥

इस उषा गी दिखदे-दिखदे
लंघी गेइयां केई पीढ़ियां।
असें बी दिक्खी अगें टुरना
दिखदियां रौहडन केई पीढ़ियां ॥

यावयद्धेषा ऋतपा ऋतेजाः सुम्नावरी सूनृता ईरयन्ती।
सुमङ्गलीर्बिभ्रती देववीतिमिहाद्योषा श्रेष्ठतमा व्युच्छ ॥ 12 ॥

ऋत थमां जरमी ऋत दी पालक
सच्ची-सुच्ची उलकै उषा।
देवें दे नित यज्ञ रचांदी
मंगलमयी एह चमकै उषा ॥

शश्वत्पुरोषा व्युवास देव्यथो अद्येदं व्यावो मघोनी।
अथो व्युच्छादुत्तरां अनु द्यूनजरामृता चरति स्वधाभिः ॥ 13 ॥

महेशां इस ने चानन दिता
अज्ज सवाया कल भी दूना।
मौत नेई इसदे नेडै पुज्जनी।
इसी बढेपै कदे नेई छूहना ॥

व्यज्जिभिर्दिव आतास्वद्यौदप कृष्णां निर्णिजं देव्यावः।
प्रबोधयन्त्यरुणोभिरश्वैरोषा याति सुयुजा रथेन ॥ 14 ॥

जोती रथ दे सूहे घोड़े
सुत्ते माहनूं आई जगांदी।
न्हरे दी स्याही गी पूंझी
गासै दियां चूहकां चमकांदी ॥

आवहन्ती पोष्या वार्याणि चित्रं केतुं कृणुते चेकिताना।
ईयुषीणामुपमा शश्वतीनां विभातीनां प्रथमोषा व्यश्वैत् ॥ 15 ॥

सोच ते सगोसारी बंडदी
कैसी सोहल ऐ उषा आई।

पिछली स्हेलडियें आंगर गै
औंदियें दी करदी अगुआई ॥

उदीर्घ्व जीवो असुर्न आगादप प्रागात्तम आ ज्योतिरेति ।
आरैक्पन्थां यातवे सूर्यायागन्म यत्र प्रतिरन्त आयुः ॥ 16 ॥

सूरजै लेई उन्न वत्त बनाई
न्हेरा गुआचा लोऽ हून आई ।
जागो जीव तुस प्राणशक्ति लेई
जो टुरेआ उस आपूं पाई ॥

स्यूमना वाच उदियति वह्निः स्तवानो रेभ उषसो विभातीः ।
अद्या तदुच्छ गृणते मधोन्यस्मे आयुर्नि दिदीहि प्रजावत् ॥ 17 ॥

लोऽ करदी दियां स्तुतियां करियै
सब स्तोता सुख मंगा करदे ।
भरे भंडारें आहली देवी शा
अन्न ते परजा नै घर भरदे ॥

या गोमतीरुषसः सर्ववीरा व्युच्छन्ति दाशुषे मर्त्याय ।
वायोरिव सूनृतानामुदर्के ता अश्वदा अश्वनवत्सोमसुत्वा ॥ 18 ॥

किरणें आहलियां वीरें आहलियां
उषा एह भ्यागासार गै औन्दियां ।
बहाऊ लेखा तौलै पुजियै
जजमानें गी सब किश दिंदियां ।

माता देवानामदितेरनीकं यज्ञस्य केतुर्बृहती विभाहि ।
प्रशास्तकृद् ब्रह्मणे नो व्युच्छा नो जने जनद विश्ववारे ॥ 19 ॥

देवें दी मां जोतीरूप तुस
ज्ञान यज्ञ दा देओ मन इच ।
सर्वकल्याणी भगते गी
जस कीरत देओ जन-जन इच ॥

यच्छित्रमग्न उषसो वहन्तीजानाय शशमानाय भद्रम् ।
तन्नो मित्रो वरुणो मामहन्तामदितिः सिन्धुः पृथिवी उत द्यौः ॥ 20 ॥

जजमानें लेई जो धन-दौलत
दित्ती तुसें ओह सब सुखदाई ।
होन देवता मित्र वरुण धरती
अकाश बी तुन्दे सांही ॥

ऋग्वेद संहिता, मण्डल 3, सूक्त 61, मन्त्र 1-7

उषो वाजेन वाजिनि प्रचेताः स्तोमं जुषस्व गृणतो मघोनि ।
पुराणी देवि युवतिः पुरंधिरनुव्रतं चरासि विश्ववारे ॥ 1 ॥

गांदे दियां भेटां स्वीकारो
ज्ञान अन्न दी दातिए उषा ।
पक्क निजम ते अटल जुआनी
सभनें दी मनभांदी एह उषा ॥

उषो देव्यमर्त्या वि भाहि चंद्ररथा सूनृता ईरयंती ।
आ त्वा वहंतु सुयमासो अश्वा हिरण्यवर्णा पृथुपाजसो ये ॥ 2 ॥

देवी एह सच्च दी प्रेरक
चन्न दा रथ चलाइयें औंदी ॥
रंग सनैहरी चम-चम चमकन
घोड़ें दी नेई झाल झलोंदी ॥

उषः प्रचीती भुवनानि विश्वोर्ध्वा तिष्ठस्यमृतस्य केतुः ।
समानमर्थं चरणीयमाना चक्रमिव नवस्या ववृत्स्व ॥ 3 ॥

सभनें भुवनें बिच ब्यापी दी
अमृत दी तूं उच्चा नशानी ।
उ'ऐ बत्त ते उ'ऐ चक्के
रूप नमां ते चाल परानी ॥

अव स्यूमेव चिन्वती मघोन्युषा याति स्वसरस्य पत्नी ।
स्व र्जनन्ती सुभगा सुदंसा आन्तादिवः पप्रथ आ पृथिव्याः ॥ 4 ॥

न्हरे दी चादर तुआरियै
आवा दी सूरजै दी लाड़ी ।
लोई दी मां बुड्ड सुहागन
अम्बर धरती उसदी बाड़ी ॥

अच्छा वो देवीमुषसं विभातीं प्र वो भरध्वं नमसा सुवृक्तिं ।
ऊर्ध्वं मधुधा दिवि पाजो अश्रेत्प्ररोचना रूचे रणवसंदृक् ॥ 5 ॥

ड'लकां मारा दी इस सोहनी
देवी दे आओ गुण गाचै ।
अम्बर जिस लिशकाई दिता
उस लोई दे दर्शन पाचै ॥

ऋतावरी दिवो अर्कैरबोध्या रेवती रोदसी चित्रमस्थात् ।
आयतीमग्न उषसं विभातीं वाममेषि द्रविणं भिक्षमाणः ॥ 6 ॥

ध्रुव सच्चे निजमें आहली गी
अम्बरै दे गै गीत जगांदे ।
अग्निरूप एह् प्राण उस थमां
नमीं चेतना हर दिन पांदे ॥

ऋतस्य बुध्न उषसामिषण्यन्वृषा मही रोदसी आ विवेश ।
मही मित्रस्य वरुणस्य माया चंद्रेव भानुं विदधे पुरुत्रा ॥ 7 ॥

उषा दे कन्नै सूरजै ने बी
गैं रक्खी धरती गासा पर ।
मित्र वरुण दी माया धरती
लिशकी चमकी सुन्ने आंगर ॥



हिरण्यगर्भ सूक्त

ज्हारें ब'रें थमां माहनू स्त्रिष्टी दे डूंहगे रहस्यें दी तपाश इच लगगे दा ऐ। इस स्त्रिष्टी दा बस्तार किन्ना ऐ ? इसी कु'न बनाया ते कु'न चलाऽ करदा ऐ ? विज्ञानकें केइयें सूरजें, सौरमण्डलें, नखत्तरें दी खोज करी लैती ऐ पर अजें इक्कै ग्रैह चन्न तगर ओह पुज्जे न। उत्थै केह-केह ऐ इसदी पूरी तपाश इच केइयें देशें दे विज्ञानक लगगे दे न। उ'नेंगी एह जानकारी ते थ्होई ऐ जे रोशनी दी चाल इक सकिंट इच इक लक्ख छेआसी ज्हार मील होंदी ऐ ते ब्रह्माण्ड इच नेकां प्रकाशपिण्ड न जि'न्दी रोशनी साढ़ी पृथ्वी तगर पुजदे चाली करोड़ ब'रें लगदे न। इक-इक नखत्तर साढ़ी पृथ्वी कोला केई लक्खां करोड़ां गुना मते बस्तार आह्ले न।

इस्सै स्त्रिष्टी दे किश रहस्यें बारै एह हिरण्यगर्भ सूक्त दसदा ऐ जे सभनें थमां पैहलें एह हिरण्यगर्भ जां प्रकाश दा पिण्ड हा जेहदे इच अनन्त ब्रह्माण्ड समोए दे हे। इस्सै चा केई ब्रह्माण्ड निकले न ते पता नेई किन्ने होर इस्सै थमां जन्म लैंदे रौहडन। इस हिरण्यगर्भ दा सुआमी बी ऐ जेहड़ा भूतमात्र दा, सभनें जीबें दा सुआमी ऐ। उस्सै ने पृथ्वी ते द्युलोक गी धारण कीते दा ऐ। उ'ऐ माहनुएं पशु-पखेरुएं कीड़ें-मकोड़ें सभनें जीबें दा सुआमी ऐ। उस्सै दे बनाए दे सन्तुलन दे निजमें च बज्झे दे एह सब लोक लोकान्तर ग्रैह नखत्तर चला करदे न। उस्सै दियें रची दियें लक्खें-करोड़ें जूनें इच जीवन जन्म लै करदे न। चरासी लक्ख जूनें दी चर्चा ते साढ़े पुराणें इच बी थ्होंदी ऐ पर हून अमरीकी विद्वानें दऊं करोड़ थमां बद्ध-जूनें दी खोज कीती ऐ। किश जूनें च जीब सकिंट भर जींदा ऐ ते किश इच मिंट घेंटे ते दिन। इ'यै जनेहियां जूनां बी सनोदियां न जि'न्दी उमर ज्हारां-लक्खां ब'रें ऐ। एह सब जीब उस्सै दे निजमें इच न। ओह देव सभनें दा पति कः जां आनन्दरूप ऐ, उस्सै दी पूजा करनी लोड़चदी ऐ।

हिरण्यगर्भः समवर्तताग्रे भूतस्य जातः पतिरेक आसीत्
स दाधार पृथिवीं द्यामुतेमां कस्मै देवाय हविषा विधेम ।

जनमदाता ते सुआमी सभदा आद जुगाद तेजै दा पिण्ड
धरती अम्बर उस्सै धारै उस्सै धारेआ एह ब्रह्माण्ड ।
कु'न ऐ होर देवता जिसगी औहत देइयै करचै पूजा
उ'ऐ इस सिश्टी दा मालक उ'ऐ देव होर नेई दूजा ॥

य आत्मदा बलदा यस्य विश्व उपासते प्रशिषं यस्य देवाः ।
यस्यच्छायामृतं यस्य मृत्युः कस्मै देवाय हविषा विधेम ॥ 2 ॥

सब गी जीवन देने आह्ला दिन्दा उ'ऐ शक्ति दा दान ।
उस्सै दी आज्ञा बिच रौहन रिशी देवजन ते विद्वान् ।
किरपा उस दी छां अमरत दी भुल्लना उस गी मौत समान ॥
कु'न ऐ होर देवता जिसगी औहत देइयै करचै पूजा ।
उ'ऐ इस सिश्टी दा मालक उ'ऐ देव होर नेई दूजा ॥

यः प्राणतो निमिषतो महित्वैक इद्राजा जगतो बभूव ।
य ईशे अस्य द्विपदश्चतुष्पदः कस्मै देवाय हविषा विधेम ॥ 3 ॥

अपनी मैहमा करी बने दा प्राणमयी सिश्टी दा सुआमी ।
माहनू पशु-पखेरुएं दा बी उ'ऐ सच्चा मालक नामी ॥
कु'न ऐ होर देवता जिसगी औहत देइयै करचै पूजा
उ'ऐ इस सिश्टी दा मालक उ'ऐ देव होर नेई दूजा ॥

यस्येमे हिमवन्तो महित्वा यस्य समुद्रं रसया सहाहुः ।
यस्येमा प्रदिशो यस्य बाहू कस्मै देवाय हविषा विधेम ॥ 4 ॥

जेहदी बड़ेआई दस्सार्दे सागर ते बर्फानी परबत ।
दिशां चबक्खी बाहमें जेहदियें दे बिच रौहदी सारी खलकत ॥

कु'न ऐ होर देवता जिसगी औहत देइयै करचै पूजा।
उ'ऐ इस सिश्टी दा मालक उ'ऐ देव होर नेई दूजा॥

येन द्यौरुग्रा पृथिवी च दृढा येन स्व स्तभितं येन नाकः।
यो अन्तरिक्षे रजसो विमानः कस्मै देवाय हविषा विधेम॥ 5॥

धरती गास अन्तरिक्ष गी उस्सै पक्का करी थ'म्मे दा।
पूरे गासा गी मापै दा ग्रैह् नखत्तरें गी थ'म्मे दा॥
कु'न ऐ होर देवता जिस गी औहत देइयै करचै पूजा।
उ'ऐ इस सिश्टी दा मालक उ'ऐ देव होर नेई दूजा॥

यं क्रन्दसी अवसा तस्तभाने अभ्यैक्षेतां मनसा रेजमाने।
यत्राधि सूर उदितो विभाति कस्मै देवाय हविषा विधेम॥ 6॥

धरत शमान जिसी आले दिंदे जेहदी रक्ख च दिक्खा करदे।
जेहदी शरनीं सूरज देव रिश्में कन्नै लिशका करदे॥
कु'न ऐ होर देवता जिस गी औहत देइयै करचै पूजा।
उ'ऐ इस सिश्टी दा मालक उ'ऐ देव होर नेई दूजा॥

आपो ह यद् बृहतीर्विश्वमायनार्भं दधाना जनयन्तीरग्निम्
ततो देवानां समवर्ततासुरेकः कस्मै देवाय हविषा विधेम॥ 7॥

इस सिश्टी दे चार-चफेरे पुज्जा पानी सभनें थाहरें।
उस्सै पानी अग्नी सिरजेआ उस्सै देवप्राण बी धारे॥
कु'न ऐ होर देवता, जिस गी औहत देइयै करचै पूजा।
उ'ऐ इस सिश्टी दा मालक उ'ऐ देव होर नेई दूजा॥

याश्चिदापो महिना पर्यपश्यद्दक्षं दधाना जनयन्तीर्यज्ञम्।
यो देवेष्वधि देव एक आसीत् कस्मै देवाय हविषा विधेम्॥ 8॥

जिसदी अपनी मैहमा कन्नै चार-चफेरे पानी लब्धै।
जि'नें पानियें दक्ष धारेआ जि'नें टकाया यज्ञगी गब्धै॥

उ'ऐ देव देवें दा जिसगी औहत्त देइयै करचै पूजा ।
उ'ऐ इस स्रिष्टी दा मालक उ'ऐ देव होर नेई दूजा ॥

मा नो हिंसीज्जनिता यः पृथिव्या यो वा दिवं सत्यधर्मा ज्ञान
यश्चापश्चन्द्रा बृहतीर्ज्जान कस्मै देवाय हविषा विधेम ॥ 9 ॥

सतधर्मी जिस धरत बनाई रचेआ चन्न ते द्युलोक गी ।
शैल पानियें गी बी रचेआ कदेनिं देऐ दुक्ख सोग गी ॥
कु'न ऐ होर देवता जिस गी ओहत्त देइयै करचै पूजा ।
उ'ऐ इस स्रिष्टी दा मालक उ'ऐ देव होर नेई दूजा ॥

प्रजापते न त्वदेतान्यन्यो विश्वा जातानि परिता बभूव ।
यत्कामास्ते जुहुमस्तन्नो अस्तु वयं स्याम पतयो रयीणाम् ॥ 10 ॥

प्रजापति खलकत दे पालक तुस सभनें जीबें बिच ब्यापे
जे किश साढ़ी तांहग मनैदी भरी भंडारे पूरेओ आप्पे ॥



पुरुष सूक्त

ऋग्वेद दे दसमें मण्डल दा न'ब्बेमां सूक्त पुरुष सूक्त ऐ जेह्दे सोह्लें मन्त्रें इच विराट आदिपुरुष परमात्मा दा वर्णन ऐ। ज्हारें सिरें, ज्हारें अक्खियें ते ज्हारें पैरें आह्ला ओह् सारे ब्रह्माण्ड गी घेरियै बी दस आँगला अगें रौह्दा ऐ। सारा जगत उसदी इक गें इच गै समोई जंदा ऐ। इस स्रिष्टी दी रचना कि'यां होई इसदा वर्णन इस सूक्त इच थ्हांदा ऐ। विराट पुरुष दी नाभि थमां अन्तरिक्ष, सिर थमां द्युलोक, कर्नें थमां दिशां ते पैरें थमां धरती बनी। मनै थमां चन्द्रमा, अक्खियें थमां सूरज, मुहें थमां इन्द्र ते अग्नि जरमे। स्रिष्टी यज्ञ इच बसन्त घियो बनेआ, सोहा समिधा ते स्याला हव्य बनेआ। उससै स्रिष्टी यज्ञ थमां पशु-पखेरू सब जरमे। मनुक्खी समाजबारै बी आखेआ गेदा ऐ जे सारा समाज उस विराट पुरुष दा शरीर ऐ। ब्राह्मण मूंह ऐ, खत्री बाहमां न, वैश्य ज'डां न ते शूद्र पैर। इ'यां सारा समाज गै परमात्मा दा रूप ऐ जेह्दा ज्हारां अर्थात् अनगिनत रूप लेइयै साढ़े सामनै खड़ोते दा ऐ। पूरे समाज दी सेवा गै परमात्मा दी सच्ची पूजा ऐ। जि'यां शरीर दे सारे अंगें दा अपना-अपना म्हत्तव होंदा ऐ उ'आं गै समाज दे सारे वर्णें दा म्हत्तव ऐ। कोई बी अंग कमजोर जां बमार नेई होना चाहिदा। अपनी-अपनी इच्छेआ अनुसार बंडियै कम्म करना लोड़चदा ऐ तां जे समाज दी व्यवस्था बनी र'वै। अध्यापकें दा कम्म पढ़ाना ऐ ते फौजियें दा कम्म ऐ देसै दी रक्खेआ करना, बपारियें दा कम्म ऐ धन-दौलत पैदा करना ते ओह्दी ठीक बंड करना। शिल्पियें मजदूरें दा कम्म ऐ उद्योग धन्धें गी बधाना। समाजै दा बकास सभनें दी सांझी जिम्मेदारी ऐ। इस सूक्त दा इ'यै सन्देश ऐ।

ऋग्वेद संहिता, मण्डल 10, सूक्त 90, मन्त्र 1-16

सहस्रशीर्षा पुरुषः सहस्राक्षः सहस्रपात् ।

स भूमिं विश्वतो वृत्वात्यतिष्ठद्दशान्जुलम् ॥ 1 ॥

ज्हारां सिर जे ज्हारां अक्खां ज्हारां पैर विराट पुरख दे ।
मापियै पूरी धरती गी बी गैं उस दी दस ओंगल अगें ॥

पुरुष एवेदं सर्वं यद्भूतं यच्च भाव्यम् ।
उतामृतत्वस्येशानो यदन्नेनातिरोहति ॥ 2 ॥

विराट पुरख गैं सब्भै किश ऐ जे किश होना जे किश होआ ।
उ'ऐ स्वामी अमरत दा ते उसदा अन्न जो खाई मठोआ ॥

एतावानस्य महिमातो ज्यायांश्च पूरुषः ।
पादोऽस्य विश्वा भूतानि त्रिपादस्यामृतं दिवि ॥ 3 ॥

इस दी मैहमा इन्नी बड्डी आपूं इस थमां बी उच्चा ओह ।
इक्कै गैं अन्दर जग सारा बाकी त्र'ऊं दा पता न थौह ॥

त्रिपादूर्ध्व उदैत्पुरुषः पादोऽस्येहाभवत्पुनः ।
ततो विष्वङ् व्यक्रामत्साशनानशने अभि ॥ 4 ॥

त्र'ऊं गैं कनै उप्पर पुज्जा इक गैं नै जगत मापेआ ।
ओह विराट अपने इक पैरे जड़ चेतन दे बिच ब्यापेआ ॥

तस्माद्विराडजायत विराजो अधि पूरुषः ।
स जातो अत्यरिच्यत पश्चाद् भूमिमथो पुरः ॥ 5 ॥

उस विराट थमां महत् जरमेआ पुरुष जीव प्रगटाए ।
उस विराट ने सिरजी धरती पुर शरीर बनाए ॥

यत्पुरुषेण हविषा देवा यज्ञमतन्वत ।
वसन्तो अस्यासीदाज्यं ग्रीष्मः इध्म शरद्धविः ॥ 6 ॥

देवें मानस यज्ञ रचाया पुरुष गी हवि बनाया ।
घ्यो बसन्त ते सोहा समिधा स्याला हव्य बनाया ॥

तं यज्ञं बर्हिषि प्रौक्षन्पुरुषं जातमग्रतः ।
तेन देवा अयजन्त साध्या ऋषयश्च ये ॥ 7 ॥

देवें रिशियें सिद्धें सभनें मानस यज्ञ रचाया ।
जीव पुरुष गी अगें लाइयें यज्ञ एह करने लाया ॥

तस्माद् यज्ञात्सर्वहुतः सम्भृतं पृषदाज्यम् ।
पशून्तांश्चक्रे वायव्यानारण्यान्ग्राम्याश्च ये ॥ 8 ॥

उस्सै सिश्टी यज्ञ थमां सिरजे गे प्राणी सभ्भे ।
पशु-पखेरू गासा जंगलें ग्राएं-ग्राएं लब्भे ॥

तस्माद् यज्ञात्सर्वहुत ऋचः सामानि जज्ञिरे ।
छन्दांसि जज्ञिरे तस्माद् यजुस्तस्मादजायत ॥ 9 ॥

उस्सै यज्ञ थमां प्रगटोए सुंभ ज्ञान दे सारे ।
रिशियें राहें ऋगथर्व ते साम यजु एह चारे ॥

तस्मादश्वा अजायन्त ये के चोभयादतः ।
गावो ह्व जज्ञिरे तस्मात्तस्माज्जाता अजावयः ॥ 10 ॥

ख'लके उपरले दन्दें आहले पशु बी उस विराट थमां जरमे ।
घोड़े घोड़ियां, भिडुं बकरियां गवां-बच्छे सभ्भे जरमे ॥

यत्पुरुषं व्यदधुः कतिधा व्यकल्पयन् ।
मुखं किमस्य कौ बाहू का ऊरू पादावुच्येते ॥ 11 ॥

उस विराट दे अंग एह सारे किन्ने किस चाल्ली हे रेहड़े ।
मूंह हा केहड़ा बाहमां केहड़ियां जंघा पैर हे केहड़े ॥

ब्राह्मणोऽस्य मुखमासीद् बाहू राजन्यः कृतः ।
ऊरू तदस्य यद्वैश्यः पदभ्यां शूद्रो अजायत ॥ 12 ॥

ओहदा मूंह बनेआ हा ब्राह्मण खत्री बाहमां आंगर ।
वैश्य बपारी जंघा बनी गे सेवक चरणें आंगर ॥

चन्द्रमा मनसो जातश्चक्षोः सूर्यो अजायत ।
मुखादिन्द्रश्चाग्निश्च प्राणाद्वायुरजायत ॥ 13 ॥

चन्न जरमेआ मनै थमां ते अक्खियें सूरज होआ ।

इन्द्र ते अग्नि मूंह् थमां जरमे प्राण ब्हाऊ शा थ्होआ ॥

नाभ्या आसीदन्तरिक्षं शीर्ष्णो द्यौ समवर्तत ।

पद्भ्यां भूमिर्दिशः श्रोत्रात्तथा लोकां अकल्पयन् ॥ 14 ॥

अन्तरिक्ष नाभि थमां बनेआ सिरै थमां द्युलोक ।

पैरें थमां धरत, कन्नें थमां दिशां ते बाकी लोक ॥

सप्तास्यासन्परिधयस्त्रिः सप्त समिधः कृताः ।

देवा यद्यज्ञं तन्वाना अबघ्नन्पुरुषं पशुम् ॥ 15 ॥

जेल्लै देवें यज्ञ बनाया पुरुष पशु गी बन्नन लाया ।

सत मर्यादा इक्की समिधां इंदे कन्नै यज्ञ रचाया ॥

यज्ञेन यज्ञमयजन्त देवास्तानि धर्माणि प्रथमान्यासन् ।

ते ह नाकं महिमानः सचन्त यत्र पूर्वे साध्याः सन्ति देवाः ॥ 16 ॥

पूजा मेल दान यज्ञ ऐ देवें यज्ञ एह् कीता ।

पैह्ले नेमधरम नै इ'यै पालियै स्वर्ग ऐ लैता ॥



संवनन सूक्त

ऋग्वेद दा एह खीरला सूक्त दुनिया गी शान्ति दी बत्त दसदा ऐ। पैहले मन्त्र इच सुख-समृद्धि आस्तै प्रार्थना कीती गेदी ऐ ते अगले त्र 'ऊं मन्त्रें इच इस सुख-समृद्धि ते शान्ति गी हासल करने दे उपाएं दी चर्चा ऐ। संसार इच सुख-दुख दा मूल भाव ते बचार गै होंदे न। द्वेश भाव ते स्वार्थी बचार लड़ाइयां-झगड़े पैदा करदे न, प्रेमभाव ते उत्तम बचार सुख-शान्ति दा बस्तार करदे न। कुसै बी समाज दे माहनों जे इक-दुए दा भला सोचन, इक-दुए दे मनै दी भावना गी समझने दा जतन करन, सुख-साधनें गी रली-मिलियै बरतन तां लड़ाई-झगड़ें दा मौका गै नेई औग। इस लेई पूरी मनुक्खता दी सुख-शान्ति आस्तै इ 'थै उपाऽ ऐ जे सारें दे हिरदे निर्मल होई जान। निर्मल मन-चित्त होने पर इक्कै जनेहा पवित्तर चाल-चलन, इक्कै जनेह पर-उपकारी बचार, रली-मिलियै कमाने ते खाने-लाने दी भावना, समस्याएं गी इक-दुए कनै सलाह-मशवरा करियै सुलझाने दी मंशा एह सब्भै गल्लां सुख-शान्ति दी जिन्दगी दिंदियां न। जे सारी दुनिया दे देश बी इक-दुए दी धन-सम्पत्ति लुटने दे थाहर मेल-मलाप राहें इक-दुए देश दी मदद करन ते सारें दा भला होई सकदा ऐ ते सारी दुनिया इच सुख शान्ति आई सकदी ऐ।

ऋग्वेद संहिता, मण्डल 10, सूक्त 191, मन्त्र 1-4

सं समिद्युवसे वृषन्नग्ने विश्वान्यर्य वा।

इडस्पदे समिध्यसे स नो वसून्त्या भर॥ 1 ॥

सुखें दी बरखा तुस बर्हांदे शैल मलांदे नित सभनें गी।

बाणी राहें चमको-प्रगटो झोली भरी देओ सभनें दी॥

सं गच्छध्वं संवदध्वं सं वो मनांसि जानताम्।

देवा भागं यथा पूर्वे सं जानाना उपासते॥ 2 ॥

मिलियै चलो ते मिलियै बोलो समझो इक-दुए दे मन गी।

जि 'यां ज्ञानियें देवें पाएआ तुस बी पाइयै बंडो धन गी॥

समानो मन्त्रः समितिः समानी समानं मनः सह चित्तमेषाम् ।
समानं मन्त्रमभिमन्त्रये वः समानेन वो हविषा जुहोमि ॥ 3 ॥

- तुन्दे मन-चित्त रलियै सोचन सभा समितियां करन बचार ।
- मिलियै बंडियै खाओ बरोबर जो में देआं, इ'यै सार ॥

समानी व आकूतिः समाना हृदयानि वः ।

समानमस्तु वो मनः यथा वः सुसहासति ॥ 4 ॥

तुंदे हिरदे इक्क समान होन भाव बी इक्क समान ।
मनें दी इच्छेआं इक्क समान सुखै च रौहना इक्क समान ॥



वागाम्भृणी सूक्त

वेदें इच मन्त्रें दा दर्शन करने आहले रिशियें दा वर्णन थ्होंदा ऐ जि'नें अपनी तपस्या राहें मन्त्रें दा दर्शन कीता ते साढ़े तगर पजाया जि'यां विश्वामित्र, गौतम, दधीचि, गृत्समद, वसिष्ठ बगैरा। पुरुष रिशियें आंगर किश नारियां बी रिशिका हियां जि'दे दिक्खे दे मन्त्र वेदें इच थ्होंदे न। उंदे चा इक ब्रह्मवादिनी रिशिका वागाम्भृणी ही। अम्भृण रिशि दी इस बेटी दा नांऽ वाक् हा। ऋग्वेद दे दसमें मण्डल दा इक सौ पं'जीमां सूक्त उससै दा ऐ। इसी देवी सूक्त बी आखेआ जंदा ऐ। वागाम्भृणी परमेश्वर दी भगति इच इन्नी लीन होई गेदी ही जे उसी अपने ते परमेश्वर दे कम्में इच फर्क नेई हा लभदा। इस सूक्तै इच ओह आखदी ऐ जे अ'ऊं सारें देवतें मित्र, वरुण, इन्द्र, अग्नि, अश्विनी कुमार, सोम, पूषा, भग गी धारण करा करनी आं। इस स्रिष्टी दे सब्भै प्राणी मेरे स्हारै गै साह लेंदे, दिखदे-सुनदे ते खंदे-पींदे न भाएं उ'नेंगी एह पता नेई होऐ। में जिसी रिशि, विद्वान बनाना चाह उसी बनाई दिन्नी आं। ब्रह्मद्वेशी शत्रुएं दे नाश लेई में गै रुद्र गी धनुश दिन्नी आं। में गै राष्ट्र दी देवता, राष्ट्र दी बाणी आं। में समुन्द्र इच बी आं ते द्युलोक इच बी। इ'यां इस सूक्त इच ब्रह्मसरूपा वाग्देवी ने अपने आपै गी सर्वात्मा रूपै इच बरनेआ ऐ।

अहं रुद्रेभिर्वसुभिश्चराम्यहमादित्यैरुत विश्वदेवैः।

अहं मित्रावरुणोभा बिभर्म्यहमिन्द्राग्नी अहमश्विनोभा ॥ 1 ॥

रुद्र वसु विद्वानें दे कन्नें अ'ऊं टुरदी
ब्रह्मचारियें आदित्यें दी जीभा चढ़दी।
सब्भै देवता मित्र वरुण इन्द्र ते अग्नि
अश्विनियें दौने गी अ'ऊं गै धारण करदी ॥

अहं सोममाहनसं बिभर्म्यहं त्वष्टारमुत पूषणं भगम्।

अहं दधामि द्रविणं हविष्मते सुप्राव्ये यजमानाय सुन्वते ॥ 2 ॥

में गै धारेआ शत्रुमारक सोम देव गी
 में गै धारे दे त्वष्टा पूषण ते भग बी।
 जग्ग कराने आहले धरमी जजमानें लेई
 सांभी दी एह दौलत दिन्दे बिन्द नेई संघदी ॥

अहं राष्ट्री सङ्गमनी वसूनां चिकितुषी प्रथमा यज्ञियानाम्
 तां मा देवा व्यदधुः पुरुत्रा भूरिस्थात्रां भूर्यावेशयन्तीम् ॥ 3 ॥

में राष्ट्र दी परिषद् दौलत पैदा करदी
 म्हाड़ी रोज मलाटी विद्वानें दे कन्ने।
 देवें दुनिया दे हर कोने मिगी पजाया
 म्हाड़ा बासा थाहरें-थाहरें बन्नै बन्नै ॥

मया सो अन्नमत्ति यो विपश्यति यः प्राणिति य ईं शृणोत्युक्तम्
 अमन्तवो मां त उपक्षियन्ति श्रुधि श्रुतं श्रद्धिवं ते वदामि ॥ 4 ॥

जो जीन्दे साह लैन्दे दिखदे-सुनदे इत्थे
 ओह् खन्दे न अन्न म्हाड़ी गै किरपा कारन।
 सुनी लौ सारे अ'ऊं ते सच्ची गल्ल गलान्दी
 भाएं किश करदे बरोध नेई म्हाड़ी मन्नन ॥

अहमेव स्वयमिदं वदामि जुष्टं देवेभिरुत मानुषेभिः।
 यं कामये तं तमुग्रं कृणोमि तं ब्रह्माणं तमृषिं तं सुमेधाम् ॥ 5 ॥

उ'आं जे किश मन्नन सकल देवते माहन्नू
 अ'ऊं आपै उन्दी मनभान्दी गल्ल गलान्दी।
 जिस-जिस उप्पर होई जा म्हाड़ी नजर सबल्ली
 उसी रिशी विद्वान् तुरत बलवान् बनान्दी ॥

अहं रुद्राय धनुरातनोमि ब्रह्मद्विषे शरवे हन्तवा उ।
 अहं जनाय समदं कृणोम्यहं द्यावापृथिवी आ विवेश ॥ 6 ॥

ब्रह्मद्वेषी शत्रु दा नाश कराने लेई में
 रुद्र लेई ए धनख तैयार करा करनी आं।

अन्तरिक्ष ते पृथ्वी सब थां व्यापक होइयै
लोकें दे एह महा संग्राम रचा करी आं ॥

अहं सुवे पितरमस्य मूर्धन्मम योनिरप्स्वन्तः समुद्रे ।
ततो वि तिष्ठे भुवनानु विश्वोतामूं द्यां वर्ष्मणोप स्पृशामि ॥ 7 ॥

जनम समुन्द्रा दे अन्दरा होए दा म्हाड़ा
उत्थुआं उठियै सारे भुवनें उप्पर पुज्जनीं ॥
उच्चे अन्तरिक्ष गी छूहै काया म्हाड़ी
सभनें दे सिरमौर पिता गी अ'ऊं सिरजनीं ॥

अहमेव वात इव प्र वाभ्यारभमाणा भुवनानि विश्वा ।
परो दिवा पर एना पृथिव्यै तावती महिना संबभूव ॥ 8 ॥

ब्लाऊ लेखा फिरी चलान्दी दुनियां सारी ।
सुरग ते धरती थमां बधीकी महिमा म्हाड़ी ॥



पृथिवी सूक्त

अथर्ववेद दे बाहरमें काण्ड दा एह पैह्ला सूक्त भारत देसै दा सभनें थमां पराना पैह्ला राष्ट्रगीत ऐ। भारत दी धरती ते इस धरती पर जरमे मठोए प्राणियें दा गूढ़ा ते डूंहगा सरबंध इस सूक्तै दे त्रेहठें मैन्तरें दे इक-इक शब्द थमां प्रगट होंदा ऐ। एह सरबंध निरा जिस्मानी नेई दिल-दमाग ते आत्मा दा बी ऐ। चेतना दे इस सुम्भ थमां निकलियां देशभक्ति दियां धारां इत्थुआं दे निवासियें गी इक खास किस्मा दे रंगै च रंगी दिंदियां न। इस रिश्ते दियां रिश्मां उ'नेंगी इक अनोखी लिशका नै लश्काई दिंदियां न। अथर्ववेद दे रिशी दा गलाना ऐ जे 'एह धरती मेरी मां ऐ ते अ'ऊं उस दा पुत्तर आं। "माताभूमिः पुत्रोऽहं पृथिव्याः" इ'नें शब्दे इच किन्ना निग्घा हिरख ते सच्ची-सुच्ची शरधा दा भाव भरोचे दा ऐ ? सागरा थमां डूंहगे ते हिमाला थमां उच्चे इस रिश्ते गी शब्दे राहें बरनना अत्त कठन ऐ। मां-बच्चे कन्नै ते बच्चा मां कन्नै किन्ना हिरख करदा ऐ उसदी पमेश नेई कीती जाई सकदी। मां काली ऐ जां गोरी, मुट्टी ऐ जां लिस्सी, अमीर ऐ जां गरीब, एह सब दुए होर लोक सोची सकदे न पर निक्के ज्याणे आस्तै ते उसदी मां दुनियां दी सभनें शा बड्डी नेमत ऐ। उस थमां शैल खूबसूरत कोई नेई होई सकदा। इस्सै चाल्ली माऊ आस्तै अपने बच्चे थमां बद्ध शैल सरोखड़ होर कोई नेई होंदा। मां जिस ममता प्रीता कन्नै बच्चे दी पालमां करदी ऐ उसदा बदला ओह कदे मकाई नेई सकदा। इस अटल सच्च गी पछानियै गै रिशियें धरती ते उस दे निवासियें दा रिश्ता माऊ ते बच्चे दा रिश्ता मिथेआ ऐ। एह धरती कामदुद्धा गौ ऐ, जेहड़ी अपने बच्छू दी हर कामना पूरी करदी ऐ। एह सील सभाऽ दी गौ अटल खड़ोती अमरत दुब्धै दी धार बच्छू लेई निरन्तर चुआंदी रेंहदी ऐ।

इस धरती दी बाहरली स्थूल काया दा ते इसदे संस्कृति रूपी हिरदे दा सरोखड़ बरनन पृथिवी सूक्त दे मैन्तरें च थहोंदा ऐ। चौनें बक्खीं इस दा रूप मन मोही लैंदा ऐ। पूरब, पच्छिम, उत्तर, दक्खन सब्भै दिशां सुख देने आहलियां न (यास्ते प्राचीः प्रदिशो या उदीचीः 31) बर्फू कन्नै खटोए दे चिट्टे उच्चे पर्वत, खु'ल्ले मदान, उच्चे-उच्चे रुक्खें भरोचे जंगल, कुतै काली, कुतै भूरी, कुतै

लाल, कुतै पीली, रंग-बरंगी मिट्टियां-एह सब विश्वरूपा धरती दा शैल सन्हाकड़ा रूप देसदे न। (गिरयस्ते पर्वता हिमवन्तोऽरण्यं...11)। फ़ाड़ें थमां सर-सर बगदे नाड़ ते नदियां खेतरें गी पानी दिंदे न। इस धरती दियां रुतां-ब्हारां बी समें मताबक थाहरे-थाहरे रंगबरंगियां बक्खरियां-बक्खरियां न (ग्रीष्मस्ते भूमे वर्षाणि शरद्धेमन्तः शिशिरो वसन्तः॥ 36) कदे परसीना कड़ुने आह्ला सोहा, कदे जिन्दू गी थर-थर कम्बाने आह्ला स्याला, कदे लौहकियां फुहारां ते कदे परनाले सु'ट्टने आहली बरखा, कदे सैल्ले रुक्खें गी रुण्ड-मरुण्ड करी टकाने आहली पतझड़, ते फिरी सब किश सैल्ला-पीला करी देने आह्ला बसैन्त, एह सब्भै धरती दी शोभा बधांदे न। त्रिकिखयें धुपें कन्नै तपी दी धरती उप्पर जेल्लै बरखा दिया बूदा पौंदियां न उस बेल्लै मिट्टी दी खशबोई मन मोही लैंदी ऐ। बरसान्तीं डिडुएं दी टर्-टर् दा बी अपना संगीत सनोचदा ऐ।

इस मातृभूमि दियां नदियां, सरोवर, समुन्दर सब्भै साढ़े लेई पवित्तर तीर्थ न। उच्चें फ़ाड़े थमां ढलदियां नदियां खेतरें गी पानी दिंदियां, जंगलें-जाड़ें गी हरा-भरा करदियां, ग्राएं-नगरें दे बसनीकें दी त्रेह बझांदियां खीर समुन्दरें च जाई रलदियां न। महाभारत दी नदी सूची च इक सौ सट्ट नदियें दा जिकर ऐ। इ'यां ते एह सब्भै नदियां पवित्तर न पर गंगा, जमना, गोदावरी, सरसती, नर्मदा, सिन्ध ते काबेरी एह सत्त नदियां रोज गै न्हौने मौकै चेतै कीतियां जंदियां न। उत्तर ते दक्खन दियें इ'नें नदियें दा रोज जाप करियै चेता रक्खना मातृभूमि दी एकता दा सरोखड़ प्रमाण ऐ। उत्तर भारत दे पर्वतें ते दक्खन भारत दे सागरें दा आपसी रिश्ता बढ़लें ते नदियें राहें जुड़े दा ऐ। दक्खन दे समुन्दरें दा पानी भाफ बनाइयै लैंदे शमानै च उडुरदे बढ़ल उस पानियै गी बरखा ते बर्फू दी शकली च मदानें ते फ़ाड़ें उप्पर ब्रहांदे न। इ'यै बरखा दा पानी ते फ़ाड़ें दी प्रिग्घली बर्फ नदियें राहें सारे देसै दे जंगलें-खेतरें गी जीवन दिंदी ऐ। इ'यै पानी बूहटें-वनस्पतियें च पुज्जियै घना होई जम्मियै कनक, धान, जौ, दालां आदि केई बक्खरियें-बक्खरियें शकलें च थहोंदा ऐ (यस्यां समुद्र उत सिन्धुरापो यस्यामन्नं कृष्टयः संबभूवुः। 3) (यस्यामन्नं व्रीहियवौ यस्या इमाः पञ्च कृष्यः। भूम्यै पर्जन्यपत्न्यै नमोस्तु वर्षमेदसे। 42)।

एह धरती रुक्खें वनस्पतियें, जड़ियें-बूटियें दी बी मां ऐ (विश्वस्य मातरमोषधीनां 17) फ़ाड़ें दे लम्मे-उच्चे चीड़ देआर ते शाल, मदानी लाके दे चैड़े घेरे आहले बोहड़ी ते पिप्पलै जनेह झांगरे रुक्ख, ढल्लन, अम्ब नरेल

जनेह नेकां फलदार बूहटे सब जुगै-जुगै थमां इस धरती दी गोदा फला-फुल्ला करदे ध्रुव खड़ोते दे न। भाएं एह सब लौहके-बड्डे बूहटे पोंगरदे, उस्सरदे ते अपनी-अपनी उमर भोगियै खीर सुक्की जंदे न बो उंदे बीऽ ते उंदियां नसलां म्हेशां चलदियां रौहदियां न। इस्सै करी ओह ध्रुव न। (यस्यां वृक्षा वानस्पत्या ध्रुवास्तिष्ठन्ति विश्वहा। 27) उंदे सुक्कने थमां पैहलें गै धरती उंदे बीऽ अपनी गोदा च सम्हालियै रखदी ऐ तां जे बरखा औने पर ओह मुड़ियै पोंगरी पौन। एह सिलसिला लक्खें-ज्हारें ब'रें थमां चलदा आवा करदा ऐ। इ'यै ऋत दा निजम ऐ। पर जे माहनू निजमें गी त्रोटियै सैल्ले-सैल्ले बूहटें गी बड़िढ्यै जंगल बरान करी ओड़न ते चीड़-देआर बेस्हाबे कप्पी-कप्पियै प्हाड़ें गी रुण्ड-मरुण्ड कुप्पड़ बनाई देन तां धरती दा केह कसूर ? निजम-धर्म गै धरती गी धारदे न इस करी उंदा पालन जरूरी होंदा ऐ, तां गै चपासम सुखदाई बने दा रौहदा ऐ।

एह धरती मणियें, रत्नें, हीरें, जवाहरें दी खान ऐ। सुन्ना चांदी सब धातां इस्सै दी छातिया धरी दियां न। बड्डे-बड्डे खजानें दी मलकीयत इसदे कच्छ ऐ। इन्नी सगोसार ऐ जे पूरी खलकत गी पाली सकदी ऐ। बच्चे अगें गंडूं खोहल्लियै रक्खने आहली धरती कोला मंगने दी गै लोड़ ऐ (विश्वम्भरा वसुधानी प्रतिष्ठा हिरण्यवक्षा जगतो निवेशनी 6) परसिन्न होई दी धरती सब धन समृद्धि देने लेई त्यार रौहदी ऐ। उसी ग्रैहण करने ते बरतने दे पात्तर उद्दमी बच्चे अगड़े ते औन।

खनिज सम्पत्ति आंगर जां उस थमां बी बद्ध म्हत्तव आहली होंदी ऐ पशु-सम्पत्ति। इस धरती उप्पर रौहने आहले पशु, पखेरू, जनौर सभनें दा अपना-अपना म्हत्तव ऐ। गवां, साहन, ब'क्करियां, भिड्डू, घोड़े, खच्चरां, ऊंट सब्भै खेतीबाड़ी दे कम्में इच ते माल ढोने आस्तै मनुक्खें दी मदाद करदे न। भारती संस्कृति इच गवै दी इन्नी मानता ऐ जे इसी माऊ दा दर्जा दिता गेदा ऐ। इस राष्ट्र दे बाल-बच्चे ज्हारें ब'रें थमां गवै दे दुद्ध-घ्यवै पर मठोंदे, रेह न ते अज्ज बी मठोआ करदे न। हर धार्मिक ते शुभ कारजै इच 'पञ्चगव्य' बरतेआ जंदा ऐ। धी ब्याहने मौकै कन्यादान दे कन्नै गोदान बी दिता जंदा ऐ ते मरने शा पैहलें बी गौ मनसाने दा रवाज मते थाहरें ऐ। गवै दा गूतर केइयें बमारियें च दुआई आंगर बरतोंदा ऐ ते गोहा खेतरे लेई खाद ते चु'ल्ले बालने लेई गोहटे दिंदा ऐ। इ'यां गोधन देसै दी धार्मिक आस्था कन्नै ते

समाजक ते आर्थक उन्नति कन्नै जुड़े दा ऐ। इससै करी अथर्ववेद दे पृथिवी सूक्त दे केई मैन्तरें च धरती दा बरनन गौ रूपै च कीते दा ऐ जेहड़ी सभनें बच्चें गी दुब्बै दियां अनगिनत धारां चुंघांदी रौहदी ऐ (सा नो भूमिभूरिधारा पयो दुहामथो उक्षतु वर्चसा 9)।

एह धरती गवें, घोड़ें, पखेरुं सभनें गी रौहने दा थाहर दिंदी ऐ। पालतू पशु ते मनुक्खें दे लागै गोढ़ बगैरा इच सौदे-बौहदे न बो शेर, चित्तरा, हाथी हिरण बगैरा जंगली जनौर जंगलें-जाड़ें दी शोभा बधांदे न। गासै उडारियां भरने आहले ज्हारें जातियें दे पखेरु इस धरती उप्पर बसांS करदे न। हर बरै मानसरोवर दी यात्रा करियै परतोदे हैंसैं दियां रींघां जेल्लै इस भूमि दे सरोवरें च उतरदियां न उसलै दा सन्हाकड़ा दक्ख दिक्खने जोग होंदा ऐ। इ'नें पखेरुं दा इक दिशा थमां दूई दिशा पाससै उडुरना रितुएं दे बदलने दी जानकारी दिंदा ऐ। सप्प, बिच्चूं, कीड़े, मकोड़े, लक्ख किस्में दे लौहके-लौहके जीS धरती दे चपासम दा हिस्सा न। एह धरती इ'नें सभनें दा ठकाना ऐ (गवामश्वानां वयसश्च विष्ठा 5) (यस्ते सर्पो वृश्चिकस्तृष्टदंशमा...46)

धरती दी स्थूल काया बनी दी ते सि'लें, पत्थरें मिट्टियें कन्ने गै, पर मनुक्खें दे हत्थें पैरें दे हुनर ने इसदा रूप-शलैपा बधाया ऐ। नदियें, सरोवरें दे कंढै जित्थै-जित्थै माहनुएं दे पैर टिके उत्थै-उत्थै गां, नगरोटे, नगगर ते शैहर बनदे रेह। इंदे च केइयें दी बनौट-सजौट इन्नी शैल ऐ जे मनुक्खें दी नेई, देवें दी रचना बझोंदे न (यस्याः पुरो देवकृताः 43)। इस धरती दा शलैपा माहनुएं गी जिद्धर-जिद्धर खिच्ची लेई जंदा ऐ उद्धर-उद्धर गै नमियां बस्तियां बनदियां जंदियां न। धरती दी हर दिशा मती सुंदर ऐ ते रिशी दी कामना ऐ जे इस धरती दा शलैपा दिक्खने लेई साढ़े नैनें दी रोशनी घटै नेई सगुआं बधदी जा (आशामाशां रण्यां 43) यावत् तेऽभिपश्यामि भूमे सूर्येण मेदिना...33)।

चौनें बक्खीं खिल्लरी दी धरती दी चमुखी शोभा गी दिक्खने आस्तै जिद्धर-जिद्धर मनुक्खें दे पैर पौंदे न उद्धर-उद्धर रस्ते बनदे जंदे न। पैरें दे नशान जंगले-जाड़ें फ्हाड़ें च बी पगडंडियां बनाई ओड़दे न। पृथिवी सूक्तै च इस धरती उप्पर बनाए गेदे राजमार्गें दी चर्चा ऐ जि'न्दे उप्पर रथ द्रौड़दे न। चंगे-माड़े सब्भै इ'नें रस्ते पर टुरदे न। रिशी दी मन्शा ऐ जे डाकू-चोर

इ'नें रस्ते पर नेई लब्धन। (ये ते पन्थानो बहवो जनायना रथस्य वत्मानसश्च यातवे...41)। धुरोधुर पूरब-पच्छम ते उत्तर-दक्खन दे नगरें गी जोड़ने आह्ले एह् रस्ते देसै दी एकता दे प्रमाण न। छान्दोग्योपनिषद् च उद्दालक आरुणि अपने पुत्तर श्वेत केतु गी दसदे न जे कुसै मनुक्खै दी अक्खियें उप्पर पट्टी ब'न्नियै उसी गंधार देसां थमां आनियै इत्थै पंचाल देसै च पजाइयै पट्टी खोहल्लियै छोड़ी दित्ता जा ते आखेआ जा जे इस बक्खी गंधार देसै गी जा ते ओह् रस्ता पुछदा-पुछदा सिद्धा गंधार पुज्जी जाग। पाणिनि ने इस रस्ते दा नांऽ उत्तरापथ लिखेआ ऐ (छान्दोग्योपनिषद् 6.14.1.2.) अष्टाध्यायी 5.1.77)। इस चाल्ली दे नेकां रस्ते महाभारत ते पुराणें च बरने गेदे न। सारे देसै च फैले दे एह् पथ राजधानियें, नगरें, ग्राएं, तीर्थें, व्यापार केंदरें, विद्या केंदरें ते कला केन्द्रें गी जोड़दे हे।

इस पृथिवी सूक्तै च थाहरें-थाहरें धरती ते धरती दे बसनीकें मझाटै पक्क नेड़में रिश्ते दा वर्णन थहोंदा ऐ। एह् रिश्ता माऊ ते बच्चे दा ऐ जेह्ड़ा उसदे जरम थमां पैहलें गै पक्का होई गेदा होंदा ऐ। आशाबेंती नार दे ढिड्डै च पेदा गर्भ माऊ दी नाभि कनै जुड़ी दी नाड़ राहें उस थमां बल, शक्ति, तेज सब किश ग्रैहण करदा ऐ, इ'यां गै धरती मां दे (नभ्य) शक्ति केंद्र थमां निकलदियां ऊर्जा दियां रिश्मां धरती दे बसनीक बच्चें उप्पर पौंदिया न ते ओह् तेज, ओज ते राष्ट्रभक्ति दी समर्थ पाइयै करिश्मे करी दसदे न। धरती गी मां ते अपने गी पुत्तर मिथदे सार गै एह् ऊर्जा उंदियें नस-नाड़ियें च समाई जंदी ऐ। पिता पर्जन्य बी उत्साह् भरोचे बचारें दियां बूदा ब्रह्माइयै दिलें-दिमागें गी सराबोर करी दिंदे न।

यत् ते मध्यं पृथिवि यच्च नभ्यं
यास्त ऊर्जास्तन्वः संबभूवुः।
तासु नो धेह्यभिः पवस्व
माता भूमिः पुत्रोऽहं पृथिव्याः
पर्जन्यः पिता स उ नः पिपर्तु ॥ 12 ॥

साढ़ी संस्कृति दा इक मुख सिद्धान्त अनेकता इच एकता ऐ जिसी पृथिवी सूक्त दे पंजतालीमें मैन्तरै च मते शैल ढंगै कनै बखानेआ गेदा ऐ। इस मैन्तर दा भाव इ'यां ऐ-एह् धरती भांती-भांती दियें बोल्लियें गी बोलने

आहले, भांती-भांती दे धर्मे गी पालने आहले स'भनें लोकें गी इ'यां धारण करदी ऐ जि'यां इक्कै घरै दे जीएं गी। ओह सील सभाऽ दी गवै आंगर साढ़े लेई सुख-समृद्धि दियां ज्हारां धारां चुआऽ करदी ऐ। बक्खरी-बक्खरी भाशा, वेशभूशा ते रीति-रवाजें आहली जातियें गी राष्ट्रभक्ति दे इक्कै सूतरै च परोई रक्खने आहला एह नुस्खा दुनिया दे कुसै होर देसै दे पराने साहित्य थमां नेई थहोंदा। इक परोआरै दे इक घरै च (यथौकसम्) रौहने आहले जीऽ भाएं बक्खरे कम्में च रुज्जे दे रौहन। कोई खेतारै च राही-बाही करै, दूआ बनज-बपार करै, त्रीआ चक्की चलाऽ, कोई रुट्टी बनाऽ, कोई चरखा चलाऽ, हर कुसै गी छुट्ट ऐ बो मां-बब्ब सभनें दा ख्याल रखदे न ते सब्भै ज्याने-स्याने परोआरै दी तरक्की लेई जतन करदे न की जे परोआरै दी सांझी तरक्की च गै उंदे सभनें दी तरक्की होंदी ऐ। भारती संस्कृति दा एह सनैहरी सिद्धान्त राष्ट्री एकता दा मूल मैन्तर ऐ जिसी हर भारतवासी गी चेतै रक्खना लोड़चदा ऐ। प्रदेश, भाशा, जाति, सम्प्रदायें दा फर्क होंदे होई बी उंदे उप्पर उट्टियै इक्कै मां-भूमि दी ममता दे वरदान असें गी सादा देआ करदे न।

जनं बिभ्रती बहुधा विवाचसं नाना धर्माणं पृथिवी यथौकसम्।

सहस्रं धारा द्रविणस्य मे दुहां ध्रुवेव धेनुरनपस्फुरन्ती ॥ 45 ॥

इ'यै जनेही गल्ल ठाहरमें मैन्तरै च बी आखी गेदी ऐ जे एह धरती सधस्थ (सह + स्थ) ऐ, किट्टे रली-मिलियै रौहने दा बड्डा खु'ल्ला थाहर ऐ। इसदी जिस्मानी ताकत बी मती ऐ ते मनोबल बी उच्चा ऐ। रली-मिलियै हिरख समोध कन्नै रौहने करी पैदा होई दी किट्ट दी ताकत गै शरीरक ते मानसक समर्थ गी जन्म दिंदी ऐ ते राष्ट्र-बल (इन्द्र) उस धरती दी रक्खेआ करदा ऐ।

धरती दे बसन्तीकें च हिरख-समोध कि'यां पोंगरदा ऐ इस दी गल्ल बी केइयें मैन्तरें च कीती गेदी ऐ। मिट्टे बचन बोलने कन्नै एह हिरख-समोध उस्सरदा ऐ, इस करी रिशी धरती अगें प्रार्थना करदा ऐ जे मिगी बोल्ली दी मठास देआं (वाचो मधु पृथिवी धेहि मह्यम् 16) यद् वदामि मधुमत् तद् वदामि (58) आपसी झगड़े अक्सर करखत सभाऽ कशा निकले कौड़े बचनें करी होंदे न। दूई गल्ल ऐ आपसी द्वेश नेई होना। जेकर इक-दुए दी ईड़-पीड़ समझी जा ते कुसै दा सुख दिक्खियै साड़ा नेई कीता जा तां द्वेश नेई होंदा।

मैन्तरें च मुड़ी-मुड़ियै इच्छेआ कीती गेदी ऐ जे साढ़े कन्नै कोई द्वेश नेई करै। (मा नो द्विक्षत कश्चन 18, 24, 25) पुरखें दे पराक्रमें दा चेता रक्खना बी नमीं पीढ़ियें च हिरख बनाई रखदा ऐ (यस्यां पूर्वे पूर्वजना विचक्रिरे 5)। एह बचार जे इससै धरती उपपर साढ़े पुरखें ब्हादरी दे कम्म कीते ते धरती गी शत्रुरैह्त बनाया, इत्थै देवतें असुरें पर जित्त पाई, जित्तू दे खम्भे गड्डे ते जित्तू दे नगाड़े बजाए (यस्यां वदति दुन्दुभिः) एह चेतें राष्ट्री एकता लेई प्रेरणा दिंदे न। रली-मिलियै सभनें दे भले आस्तै यज्ञ कर्म करने, समाजक भलाई दे कम्में दियां योजना बनानियां ते रली मिलियै नच्चना-गाना, खुशियां मनाना एह सब सांस्कृतक एकता गी पुष्ट करदे न (यस्यां गायन्ति नृत्यन्ति भूम्यां मर्त्या व्यैलबाः। युध्यन्ते यस्यामाक्रन्दो यस्यां वदति दुन्दुभिः 41)

एह धारणा बी इस ऐक्य गी बल दिंदी ऐ जे अस भाएं माड़े जां चंगे आं साढ़ा जीन-मरन इससै धरती पर ऐ (संचरन्त्युभये भद्रपापा :...47) मल्वं बिभ्रती गुरुभृद् भद्रपापस्य निधनं तितिक्षुः 48) एह धरती इ 'यै जनेहा नेई त्रुट्टने आह्ला खु 'ल्ला मर्तबान ऐ (त्वमस्यावपनी जनानाम्...61) जेहदे च अस सारे जन समाई जन्ने आं। एहदे च जेकर कोई कमी आई बी जा ते प्रजापति उस कमी गी पूरा करी दिंदा ऐ।

इससै धरती च साढ़ी पन्छान ऐ जेहड़ी द 'ऊं रूपें च मिलदी ऐ। इक रूप ते उस खशबोई दा ऐ जेहड़ी इस धरती दी मिट्टी इच बस्सी दी ऐ। इस धरती दा पानी, जड़ियां-बूटियां, फल-फुल्ल, पशु-पक्खरू सभनें इस खशबोई गी धारण कीते दा ऐ। इस खशबोई दी तांहग देवी-देवतें गन्धर्वें ते अप्सराएं बी कीती ऐ। इस धरती दे ज्याणें स्यानें जागतें-कुड़ियें मर्दे-जनानियें सभनें दे अंग-अंग बिच्च इ 'यै खशबोई रस्सी-बस्सी दी ऐ। इस धरती दे धियें-पुत्तरें अपने शलैपे ते अपनी ब्हादरी इच इस खशबोई गी सम्हाले दा ऐ। ओह दुनिया दे कुसै बी कोने च जान, उंदी पन्छान इ 'यै भारतीयता ऐ, इ 'यै खशबोई ऐ। साढ़े देसै दे विद्यार्थी, बपारी, कुशल कारीगर, कलाकार, लेखक विज्ञानी, ज्ञानी, ध्यानी कुतै बी उठी जान अपनी एह खशबोई कन्नै लेई जंदे न ते इ 'यै उंदी पन्छान होंदी ऐ।

इस पन्छान दा दूआ रूप अग्नि ऐ। अग्नि दा अर्थ ऐ ज्ञान दा प्रकाश जां तेज, धरती दा एह तेज बी धरती दी हर चीजै च ते धरती दे पशु-पक्खेरुं ते

नर-नारियें इच समाए दा ऐ (19) धरती आपूं बी तेजोमयी ऐ कीजे उसदा अगन-ओडनू तेजोमय ऐ। अपने गोडे मुंड बैठे बच्चें गी बी ओह तेजोमय बनाई ओड़दी ऐ। जिसलै जनता दे मनै च भावना दी जोत जगी पौंदी ऐ, देशभक्ति दी अग्नि बली उठदी ऐ, उसलै मरनहाकें लोकें च बी जान पेई जंदी ऐ ते ओह बड्डी थमां बड्डी मसीबत गी बी पार करी सकदे न। ओह मरनहार नेई रौहदे। अमर होई जंदे न। प्राणें दा एह संचार धरती थमां गै थ्हांदा ऐ। (सा नो भूमि: प्राणमायुर्दधातु 22) जनगणमन दी भावना रूप एह अग्नि जित्थै-जित्थै पुजदी ऐ उत्थै-उत्थै मातृभूमि दी सांस्कृतिक जित्थू दे झंडे झुल्लन लगी पौंदे न। इस सूक्तै दे पैहले मैन्तर च धरती थमां जिस “उरुलोक” दी मंग कीती गेदी ऐ ओह विशाल सांस्कृतिक साम्राज्य गै ऐ जिसी शस्त्रें राहें नेई ब्रह्मज्ञान राहें जित्तेआ जंदा ऐ।

पृथ्वी सूक्तै दे पैहले मैन्तर च गै सत्तें-तत्तें जां सिद्धांते दा जिकर ऐ जेहड़े धरती दी धारण करदे न ते जिं'न्दे उप्पर चलिगै कुसै बी धरती दे बसनीक अपनी मातृभूमि दे सांस्कृतिक साम्राज्य दा बस्तार करी सकदे न। एह सत्त तत्त न:-

बृहत् सत्य	-	सभनें कालें ते सभनें थाहरें रौहने आहली सच्चाई
ऋत	-	सभनें कालें ते सभनें थाहरें चलने आहलें निजम
उग्र	-	बहादरी, त्रिक्खापन,
दीक्षा	-	कुसै शुभ कम्मै लेई व्रत लैना
तप	-	तपस्या
ब्रह्म	-	ज्ञान
यज्ञ	-	यज्ञ

जिस धरती दे बसनीक मन, बचन, कर्म इच सच्चाई गी बरतदे न उस धरती उप्पर भ्रष्टाचार दी गल्ल सोची बी नेई जाई सकदी। अपने फर्ज गी सच्चाई ते इमानदारी कन्नै नभाने दा फल व्यक्ति दा अपना बकास ते होंदा गै, कन्नै गै जिस समाज दा ओह अंग ऐ उस समाज दा बकास बी पक्क होंदा ऐ। थोहड़े चिरै आसतै भाएं सच्च दा पैंडा बिक्खड़ा नजरी आवै बो खीर जित्त सच्च दी गै होंदी ऐ। रिशी दा गलाना ऐ जे धरती दा हिरदा सच्चै ने घेरे दा ऐ ते ओह उच्ची भावना दे उच्चे गासा कन्नै जुड़े दा अमर ऐ। सच्चाई दी बता गै चलिगै उत्तम राष्ट्र इच तेज ते बल नजरी औंदे न। (यस्या हृदयं परमे

व्योमन्तसत्येनावृतममृतं पृथिव्याः सा नो भूमिस्त्वपि बलं राष्ट्रे दधातुत्तमे ॥ ८ ॥)

इ'यां गै जिस धरती दे बसनीक स्त्रिष्टी दे निजमें मताबक चलदे न, धरती थमां बरदान लैंदे मौके उसी नकसान नेई पजांदे अ'न्ने-बाह सैल्ले रुक्खें दी कट्ट-बड्ड नेई करदे, उस धरती उप्पर चपासम ठीक-ठाक बने दा रौंहदा ऐ ते सोका-हाड़ जनेहियां कुदरती मसीबतां घट्ट गै औंदियां न। सच्चाई दी बत्ता पर चलने लेई ते कुदरत दे निजमें दे पालन लेई पक्का निश्चा होना लोड़चदा ऐ ते ब्रत लैने दी जरूरत होंदी ऐ। इसी गै दीक्षा आखदे न। कुसै शुभ कम्मै आस्तै दीक्षा जां ब्रत लैता जा ते उसी पूरा नभाने आस्तै तपस्या करनी पौंदी ऐ, साधना करनी लोड़चदी ऐ। पृथिवीपुत्र विश्वकर्मा धरती उप्पर जनकल्याण दियां नेकां योजनां बनांदे ते जनकल्याण यज्ञ रचांदे न। बौलियां, तलाऽ बनाने, नदियें नाडुएं दियां धारां मोड़ियै खेतरे च पानी लाना, ब'न्न बनाने, बूहटे लाने, शिड़कां बनाइयै ग्राएं-नगरें गी जोड़ना, इ'यै जनेह केई भगीरथ जतन करना धरती दे पुत्तरे दा तप होंदा ऐ। इस तपस्या आस्तै लोड़चदा ऐ ज्ञान (ब्रह्म)। आर्थक, समाजक, अध्यात्मक सभनें खेतरे च बकास लेई ज्ञान जरूरी ऐ भाएं ओह ज्ञान पदार्थे दी बाहरली जां उपराहली सतह दा होऐ जां उंदी अन्दरली सतह दा। साहित्य, दर्शन, गणित, आयुर्वेद, ज्योतिष आदि विज्ञान दे खेतरे च धरती दे पुत्तरे किन्नियां बड्डियां खोजां कीतियां ते करा करदे न? कुसै इक लौहके जनेह थाहरा पर कीती गेदी खोजा दा असर उस्सै थाहर नेई रुकदा, दूर-दूर जाई पुजदा ऐ। कृष्ण दी गीता दा उपदेश कुरुक्षेत्र दे मदान तक सीमत नेई, बुद्ध दे बचन कपिलवस्तु जां बोध गया तक सीमत नेई, उंदा प्रकाश दूरा-दूरा तक ताई पुज्जा ऐ, इ'यै धरती दा उरुलोक ऐ। इस धरती दे विद्वान् ते उंदी विद्वता दुनिया दे जिस-जिस कोने च पुज्जी उत्थै ब्रह्मविजय दे झंडे गड्डे गे। कम्बोज, मध्येशिया, चीन, अफगानिस्तान चौनें पास्सै भारत दा सांस्कृतिक बस्तार होआ। धरती गी धारण करने आह्ला सतमां तत्त ऐ यज्ञ जिस दा अर्थ देवपूजा, संगतिकरण ते दान आखेआ जंदा ऐ पर इसी कुसै दूर्इ भाशा च अनुवाद राहें बखानना मता कठन ऐ। एह पूरी स्त्रिष्टी बी प्रजापति दा यज्ञ ऐ। साढे सारे कर्म यज्ञ दे अंग होने लोड़चदे न। ओह यज्ञ कर्म सभनें थमां उच्चे देव दी पूजा च अर्पित करने लोड़चदे न। हिरदे दी पवित्तर भावना कन्नै ते ज्ञानपूर्वक कीते गेदे इ'यै जनेह यज्ञ कर्म सभनें दी भलाई करदे न। धरती उप्पर रौहने आहले माहनुएं गी यज्ञ राहें गै अन्न-जल थहोंदा ऐ जिसी खंदे- पोंदे

ओह लम्मी उमर भोगदे न (भूम्यां देवेभ्यो ददति यज्ञं हव्यमरंकृतम्। भूम्यां मनुष्या जीवन्ति स्वधयात्रेण मर्त्या। सा नो भूमिः प्राणमायुर्दधातु जरदष्टिं मां पृथिवी कृणोतु ॥ 23 ॥)

अथर्ववेद संहिता, काण्ड 12, सूक्त 1, मन्त्र 1-63

सत्यं बृहदृतमुग्रं दीक्षा तपो ब्रह्म यज्ञः पृथिवीं धारयन्ति।
सा नो भूतस्य भव्यस्य पत्न्युरुं लोकं पृथिवी नः कृणोतु ॥ 1 ॥

बड्डा सच्च निजम ते ज्ञान तप ब्हादरी यज्ञ ते दीक्षा
इस धरती गी धारण करदे जेहड़ी साढ़ी पालमां करदी।
बीते दा ते औने आह्ला सब किश पेदा इस दी गोदा
खु'ल्ला थाहर देऐ रौहने गी कन्नै मालोमाल ऐ करदी ॥ 1 ॥

असंबाधं बध्यतो मानवानां यस्या उद्वतः प्रवतः समं बहु।
नाना वीर्या ओषधीर्या बिभर्ति पृथिवी नः प्रथतां राध्यतां नः ॥ 2 ॥

उच्चे फाड़ इंहगियां खड्डां दब्बड़ खु'ल्ले चैड़े पद्धरे
माहनूं मनमरजी नै बिचरन सभनें थाहरे कोई नेई रोकै।
धरती थीं नित थ्होन औशधां असरदार अतिऐन्त बूटियां
पौन बकास दी बत्ता बासी बधदे जान नेई कोई टोकै ॥

यस्यां समुद्र उत सिन्धुरापो यस्यामन्नं कृष्टयः संबभूवुः।
यस्यामिदं जिन्वति प्राणदेजत् सा नो भूमिपूर्वपेये दधातु ॥ 3 ॥

सर-सागर नदियां ते नाडू जिस धरती पर सोभन म्हेशां
जिस धरती दे सैल्ले खेतर दाना फक्का दिंदे म्हेशां।
जिस धरती दे बेहड़ै प्राणी टुरदे फिरदे नंद मनांदे
ओह धरती पैहलें आंगर गै दिंदी र'वै अन्न-जल म्हेशां ॥

यस्याश्चतस्रः प्रदिशः पृथिव्या यस्यामन्नं कृष्टय संबभूवुः।
या बिभर्ति बहुधा प्राणदेजत् सा नो भूमिर्गोष्वप्यन्ने दधातु ॥ 4 ॥

जिस धरती पर चौनें बक्खीं दाने लेई करसानी होंदी।
सभनें दी ओह पालनहारी अन्न बी दिंदी गवां दी दिंदी ॥

यस्यां पूर्वे पूर्वजनां विचक्रिरे यस्यां देवा असुरानभ्यवर्तयन् ।
गवामश्वानां वयसश्च विष्टा भगं वर्चः पृथिवी नो दधातु ॥ 5 ॥

जिस धरती पर साढ़े पुरखें ब्हादरियें दे कम्म कमाए
जिस धरती पर देवी देवते राकस दुश्मन मार-मकाए ।
घोड़े गवें पक्खरूएं गी नित आसरा देने आहली
एह धरती मां असें गी शक्ति देइयै माहनूं बीर बनाए ॥

विश्वंभरा वसुधानी प्रतिष्ठा हिरण्यवक्षा जगतो निवेशनी
वैश्वानरं बिभ्रती भूमिरग्निमिन्द्र ऋषभा द्रविणे नो दधातु ॥ 6 ॥

जिस धरती दी गंडी सुन्ना जिस धरती कच्छ सारी दौलत
जिस धरती ने पालेआ सब गी जिस धरती ने धारी खलकत ।
जिस धरती ने इन्द्र ऋषभ वैश्वानर अग्नि धारण कीते
उ'ए धरती गंडां खोहल्ली अन्न भंडारें इच पाऽ बरकत ॥

यां रक्षन्त्यस्वप्ना विश्वदानीं देवा भूमिं पृथिवीमप्रमादम्
सा नो मधु प्रियं दुहामथो उक्षतु वर्चसा ॥ 7 ॥

जिस दाती दी रक्खेआ खातर करन देवते पैहरेदारी ।
ओह धरतीमां असें गी देऐ नित्त मठास ते ताकत भारी ॥

यार्णवेऽधि सलिलमग्र आसीद् यां मायाभिरन्वचरन् मनीषिणः
यस्या हृदयं परमे व्योमन्सत्त्येनावृतममृतं पृथिव्याः ।
सा नो भूमिस्त्विषि बलं राष्ट्रे दधातूत्तमे ॥ 8 ॥

सागरै दुब्बी जिस धरती गी कड्डेआ बाहर मनीशियें गब्भै
जिस धरती दा अमरत हिरदा सच्चै कन्नै सिज्जा लब्भै ।
ओह धरती होई मेहरबान साढ़े देसै पर आदि युगै शा
देऐ तेज कन्नै बल स्हाकी सभनें थमां तां उत्तम लब्भै ॥

यस्यामापः परिचराः समानीरहोरात्रे अप्रमादं क्षरन्ति ।
सा नो भूमिर्भूरिधारा पयो दुहामथो उक्षतु वर्चसा ॥ 9 ॥

जिस धरती उप्पर दिन-रातीं बगदे रौंहदे मिट्टड़े पानी ।
छुंभे आहली धरत असेंगी देऐ दुद्ध ते बल लासानी ॥

यामश्विनावमिमातां विष्णुर्यस्यां विचक्रमे ।
 इन्द्रो यां चक्र आत्मनेऽनमित्रां शचीपतिः ।
 सा नो भूमिर्विसृजतां माता पुत्राय मे पयः ॥ 10 ॥

विष्णु ने मैं जिस पर पुट्टी रात ते दिन जिसी मापा करदे
 गदगद होइयै इन्द्र शचीपति जिस धरती नै मित्तरी करदे ।
 उ'ऐ धरती माऊ आंगर हिरखै कन्नै दुद्ध पलेआंदी
 बच्चे पान बरेस बधन ओह् उससै दुद्ध दे घुट भरदे ॥

गिरयस्ते पर्वता हिमवन्तोऽरण्यं ते पृथिवी स्योनमस्तु
 बभ्रुं कृष्णां रोहिणीं विश्वरूपां ध्रुवां भूमिं पृथिवीमिन्द्रगुप्ताम् ।
 अजीतोऽहतो अक्षतोऽध्यष्टां पृथिवीमहम् ॥ 11 ॥

धरती तुंदियां लौहकियां फ्हाड़ियां उच्चे बर्फू आहले परबत
 घाऽ बूट ते बूहटें खट्टे जाडें मोही सारी खलकत ।
 मिट्टी तुंदी भूरी काली लाल ते पीली रंग-बरंगी
 इस मिट्टी दी गोदा थोए शैल सरोखड़ जीवन अमरत ॥

यत् ते मध्यं पृथिवी यच्च नभ्यं यास्त ऊर्जस्तन्वः संबभूवुः
 तासु नो धेह्यभि नः पवस्व माता भूमिः पुत्रो अहं पृथिव्याः ।
 पर्जन्य पिता स उ नः पिपर्तु ॥ 12 ॥

तुंदी देह दे नाभि केन्द्र थों उस्सरदियां ऊर्जा दियां रिश्मां
 ऊर्जावान् ते शुद्ध पवित्तर तुंदे गि'ल्लुएंगी बना मां ।
 धरती तूं अम्बड़ी अस बच्चड़े रिश्ता नेई भुलाने जोगा
 पिता पर्जन्य प्रेरणा देऐ राष्ट्रभक्ति दा इ'यै करिश्मा ॥

यस्यां वेदिं परिगृह्णन्ति भूम्यां यस्यां यज्ञं तन्वते विश्वकर्माणः ।
 यस्यां मीयन्ते स्वरवः पृथिव्यामूर्ध्वाः शुक्राः आहुत्याः पुरस्तात्
 सा नो भूमिर्वर्धयद् वर्धमाना ॥ 13 ॥

यज्ञ रचाने लेई धरती पर, विश्वकर्मा केई बेद बनांदे
 उससै धरती पर जित्तू दे चिट्टे-उच्चे खम्भे लांदे ।
 मैन्तर पढ़ियै औहतां दिंदे, केई किस्में दे यज्ञ रचांदे
 उस धरती मां दे गुण सब्भै, उसी बधांदे असें बधांदे ॥

यो नो द्वेषत् पृथिवि यः पृतन्याद्
योऽभिदासान्मनसा यो वधेन।
तं नो भूमे रन्धय पूर्वकृत्वरि ॥ 14 ॥

धरती मां जेकर कोई दोखी, साढ़े कन्नै बैर कमाऽ
मनै च रक्खी द्वेश भाव साढ़े पर हमला करी टकाऽ।
धरती मां ऐसी सूरत इच जिगरा हिम्मत असें गी देआं।
साढ़े इचा हर कोई ब्हादर बनियै दुश्मन मार मकाऽ॥

त्वज्जातास्त्वयि चरन्ति मर्त्यास्त्वं बिभर्षि द्विपदस्त्वं चतुष्पदः
तवेमे पृथिवि पञ्च मानवा येभ्यो ज्योतिरमृतं मर्त्येभ्यः
उद्यन्सूर्यो रश्मिभिरातनोति ॥ 15 ॥

दों पैरें, चौं पैरें आहले पक्खरू बेंहत्तर तुसें बनाए
पंजें किस्में दे अस माहनूं धरती मां तुंदे गै जाए।
पंज-तत्ते नै घड़े-घड़ोए जिस लोई गी दिक्खा-करनें
लोई दे लश्कारे ओह साढ़े लेई सूरजै ने लश्काए॥

ता नः प्रजा संदुहतां समग्रा वाचो मधु पृथिवी धेहि मह्यम् ॥ 16 ॥

धरती मां दे धियां-पुत्तर अस रलियै पुरशारथ करचै।
बोल्ली साढ़ी मिट्टी होऐ इसी मखीरै कन्नै भरचै॥

विश्वस्य मातरमोषधीनां ध्रुवां भूमिं पृथिवीं धर्मणा धृताम्।
शिवां स्योनामनु चरेम विश्वहा ॥ 17 ॥

भांत-सभांती औशदियें दी माता जड़ी बूटियें आहली
एह् धरती शाश्वत सुख-सुबधा देने आहली।
इस धरती गी सदा धारेआ धरम-निजम ने
निजम पालियै करचै अस इस दी रखवाली॥

महत् सधस्थं महती बभूविथ महान् वेग एजथुवेपथुष्टे।

महांस्त्वेन्द्रो रक्षत्यप्रमादम्।

सा नो भूमे प्ररोचय हिरण्यस्येव संदृशि मा नो द्विक्षत कश्चन ॥ 18 ॥

मां तुस बड्डियां आसरा बड्डा तन-मन दी ताकत तुस बड्डी
सुत्रें आंगर रूप सनैहरा शैल नुहार तुसें ए कड्डी।

द्वेश-रैहत् अस बच्चे तुंदे हिरखै कन्नै रलियै रौहचै
इन्दर देव दी रक्खेआ अन्दर नन्द मनाचै खिड़ी-खिड़ी बौहचै ॥

अग्निभूम्यामोषधीष्वग्निमापो बिभ्रत्यग्निरश्मसु ।

अग्निरन्तः पुरुषेषु गोष्वश्वेष्वग्नयः ॥ 19 ॥

धरती दा एह तेज समाया, कुप्पड़-पानी औशधियें बिच
बलकारी एह तेज बस्सेआ पक्खरुएं, घोड़ें, गवें बिच ।
बिज्ज बने दे इस तेजै गी अन्तरिक्ख दे जलें धारेआ
ओज बने दा तेज बस्सेआ इ 'यै असें माहनुएं दे बिच ॥

अग्निर्दिव आ तपत्यग्नेर्देवस्योर्वन्तरिक्षम् ।

अग्निं मर्तास इन्धते हव्यवाहं घृतप्रियम् ॥ 20 ॥

धरती दा एह तेज द्युलोक दा उपहार ऐ
खु 'ल्ला अन्तरिक्ख दिब्ब अग्नी दां थाहर ऐ ।
माह्नुं धरती पर न इसी जगाऽ करदे
घ्यो दा मित्तर औहत पजाने लेई त्यार ऐ ॥

अग्निवासा पृथिव्या सितज्ञूस्त्विषीमन्तं संशितं मा कृणोतु ॥ 21 ॥

अगन-ओडनू आहली धरती असें गी गोडे मुंढ बठावै ।
अपना तेज ओज ते त्रिक्खापन साढी जिन्दू बिच पावै ॥

भूम्यां देवेभ्यो ददति यज्ञं हव्यमरंकृतम् ।

भूम्यां मनुष्या जीवन्ति स्वधयान्नेन मर्त्याः ।

सा नो भूमिः प्राणमायुर्दधातु जरदिष्टं मा पृथिवी कृणोतु ॥ 22 ॥

धरती उप्पर अमर देवतें लेई अस माह्नुं यज्ञ रचात्रें
नश्वर माह्नुं अस जीने लेई देवें दा दित्ता अन्न खन्नें ।
देवें दी किरपा नै सगोसार होई धरती माता 'शा
थ्होंदे प्राण सुखी ते लम्मी आरबला अस नन्द मनान्नें ॥

यस्ते गन्धः पृथिवि संबभूव यं बिभ्रत्योषधयो यमापः ।

यं गन्धर्वा अप्सरसश्च भेजिरे तेन मा सुरभिं कृणु

मा नो द्विक्षत कश्चन ॥ 23 ॥

धारियै तुन्दी खशबोई मां बूहटे हस्से
 धरती तुन्दी खशबोई जेहड़ी पानियें बस्सै ।
 गन्धर्वे ते अप्सराएं बी जिसी भोगेआ
 उ'ऐ खशबोई मां साढ़े अंग-अंग बस्सै ।
 द्वेश करै नेई कोई साढ़े शा नेई नस्सै ॥

यस्ते गन्धः पुष्करमाविवेश यं संजभ्रुः सूर्याया विवाहे ।
 अमर्त्याः पृथिवि गन्धमग्रे तेन मा सुरभिं कृणु
 मा नो द्विक्षत कश्चन ॥ 24 ॥

लोऽ सूरजै दी जिस खशबोऽ गी थां-थां दस्सै
 उ'ऐ खशबोऽ जेहड़ी कमलें-फुल्लें बस्सै ।
 जिस खशबोऽ दी तांहग करन सब देवी-देवते
 उ'ऐ खुशबोऽ हिरखै दी साढ़े मन बस्सै ।
 द्वैश करै नेई कोई साढ़े शा नेई नस्सै ॥

यस्ते गन्धः पुरुषेषु स्त्रीषु पुंसु भगो रुचिः ।
 यो अश्वेषु वीरेषु यो मृगेषूत हस्तिषु
 कन्यायां वर्चो यद् भूमे तेनास्मां अपि संसृज
 मा नो द्विक्षत कश्चन ॥ 25 ॥

मातृभूमि तुन्दी खशबोई मर्दे बिच त्रीमते बिच बी
 जागतें कुड़ियें, घोड़ें हाथियें कन्नै पशु पखेरुएं बिच बी ।
 मां तुंदे सभनें बच्चें बिच तुन्दी गै खशबोई बस्सै
 कैसी करना द्वेश कुसै नै ? साढ़े शा कोई नेई नस्सै ॥

शिला भूमिरश्मा पांसुः सा भूमिः संधृता धृता ।
 तस्यै हिरण्यवक्षसे पृथिव्या अकरं नमः ॥ 26 ॥

नमस्कार म्हाड़ा धरती गी बाहरा एह सि'ल-कुप्पड़ खुक्खल ।
 अन्दर सुत्रा चांदी धातां मारी दी धूड़ा दी बुक्कल ॥

यस्यां वृक्षा वानस्पत्या ध्रुवास्तिष्ठन्तिः विश्वहा ।
 पृथिवीं विश्वधायसं धृतामच्छावदामसि ॥ 27 ॥

धन्न-धन्न पालनहारी धरती जेहदे अमर रूप एह बूहटे।
जमदे बीऽ फिरी डूर मठोंदे, दिंदे नित ब्हाऊ दे झूटे॥

उदीराणा उतासीनास्तिष्ठन्तः प्रक्रामन्तः।
पद्भ्यां दक्षिणसव्याभ्यां मा व्यथिष्महि भूम्याम्॥ 28 ॥

इस धरती पर सौंदे-बौहदे जदूं खड़ोचै।
सज्जै-खब्बै पैरें टुरदे कदें नेई ढौचै॥

विमृग्वरीं पृथिवीमा वदामि क्षमां भूमिं ब्रह्मणा वावृधानाम्।
ऊर्जं पुष्टं विभ्रतीमन्नभागं धृतं त्वाभि नि षीदेम भूमे॥ 29 ॥

सील सभाऽ दी एह धरती ब्रह्मा ने बधाई
अन्न पदारथ सब्भै पाए इस दी झोली।
बलकारी सुखदाई सब किश धरती दे कच्छ
थ्होंदा उस गी जिस ने बेहियै गंठ फरोली॥

शुद्धा न आपस्तन्वे क्षरन्तु यो नः सेदुरप्रिये तं नि दध्मः।
पवित्रेण पृथिवि मोत् पुनामि॥ 30 ॥

इस दे बगदे पानी करदे जिन्द पवित्तर।
मारन रोढ़ी उसी करै जो खुट्ट चलित्तर॥

यास्ते प्राचीः प्रदिशो या उदीचीर्यास्ते भूमे अधराद् याश्च पश्चात्
स्योनास्ता मह्यं चरते भवन्तु मा नि पप्तं भुवने शिश्रियाणः॥ 31 ॥

माड़ा कर्म नेई करचै जीना होऐ पवित्तर-
दिशां देन सुख पूरब पच्छम दक्खन उत्तर।
इस धरती पर राँहदे-बौहदे बत्ता टुरदे
कदें नेई लगन अड्डो-खोड़े ख'ल्ल जां उप्पर॥

मा नः पश्चान्मा पुरस्तान्नुदिष्ठा मोत्तरादधरादुत।
स्वस्ति भूमो न भव मा विदन् परिपन्थिनो वरीयो यावया वधम्॥ 32 ॥

अगुआं-पिच्छुआं ख'ल्ला-उप्परा सभनें पासै।
र'वै खैर, नेई लब्भन डाकू-चोर चपासै॥

यावत् तेऽभिपश्यामि भूमे सूर्येण मेदिना ।
तावन्मे चक्षुर्मा मेष्टोत्तरामुत्तरां समाम् ॥ 33 ॥

जदूं तगर सूरजै दी लोई च अ'ऊं दिक्खां तुगी ।
मां सरोखड़ रक्खेआं नैनं प्राणं दा मिगी ॥

यच्छयानः पर्यावर्ते दक्षिणं सव्यमभि भूमे पार्श्वम्
उत्तानास्त्वा प्रतीची यत् पृष्ठीभिरधिशेमहे ।
मा हिंसीस्तत्र नो भूमे सर्वस्य प्रतिशीवरी ॥ 34 ॥

पिट्टु तुंदे पर सुखें टकाई सज्जै-खब्बै में परताई ।
सवां सुखें नै गूढ़ी नींदरा नेई मी मारै कोई आई ॥

यत् ते भूमे विखनामि क्षिप्रं तदपि रोहतु ।
मा ते मर्म विमृग्वरि मा ते हृदयमर्पिपम् ॥ 35 ॥

धरती मां अस हल चलांदे कदें निं तुई नक्सान पजाचै ।
उगन तौलै अन्न-सब्जियां जे किश बीऽ तुंदे बिच राहचै ॥

ग्रीष्मस्ते भूमे वर्षाणि शरद्धेमन्तः शिशिरो वसन्तः ।
ऋतवस्ते विहिता हायनीरहोरात्रे पृथिवि नो दुहाताम् ॥ 36 ॥

सोहा-स्याला बरखा-पतझड़ सीत बसैन्त एह रुतां माई ।
दिन रातां पल-पल ते खिन-खिन होन एह साढ़े लई सुखदाई ॥

याप सर्पं विजमाना विमृग्वरी यस्यामासन्नग्नयो ये अप्स्वन्तः ।
परा दस्यून् ददती देवपीयूनिन्द्रं वृणाना पृथिवी न वृत्रम् ॥
शक्राय दध्ने वृषभाय वृष्णे ॥ 37 ॥

पानियै अन्दर रौहने आहली अग्नी गी एह धारण करदी
करदी शोधन सभनें दा एह आपै बल्लै-बल्लै रिढ़दी ।
देवें गी जो नित सतांदे ओह् राकश एह दूर नसांदी
तांहियै छोड़ी वृत्र शतूना ब्हादर इन्दर राजे गी बरदी ॥

यस्यां सदोहविधाने यूपो यस्यां निमीयते ।
ब्रह्माणो यस्यामर्चन्त्यृग्भिः साम्ना यजुर्विदः ।

युज्यन्ते यस्यामृत्विजः सोममिन्द्राय पातवे ॥ 38 ॥

जिस धरती पर खम्भे गड्डी यज्ञ रचांदे
ब्रह्मा बनी परोहत ऋचां वेदें दियां गांदे ।
ऋत्विक् लाई समाधि मारदे अन्दर झांती
इन्द्र आत्मा लेई सोम रस त्यार करांदे ॥

यस्यां पूर्वे भूतकृत ऋषयो गा उदानृचुः ।
सप्त सत्त्रेण वेधसो यज्ञेन तपसा सह ॥ 39 ॥

जिस धरती पर रिशी पराने स्तुतियां गांदे ।
सत्त-सत्त सत्रें आह्ले बड्डे यज्ञ रचांदे ॥

सा नो भूमिरादिशतु यद्धनं कामयावहे ।
भगो अनप्रयुङ्क्तामिन्द्र एतु पुरोगवः ॥ 40 ॥

ओह धरती देऐ असें गी दौलत मनचाही ।
इन्द्र देवता अगड़े आइयै होन सहाई ॥

यस्यां गायन्ति नृत्यन्ति भूम्यां मर्त्या व्यैलबाः ।
युध्यन्ते यस्यामाक्रन्दो यस्यां वदति दुन्दुभिः ।
सा नो भूमिः प्रणुदतां सपत्नानसपत्नं मा पृथिवी कृणोतु ॥ 41 ॥

जिस धरती पर नचदे-गांदे खुशी मनान
गभरु रण-भेरी बज्जे तां लड़ने ई जान ।
उस धरती पर साढ़ा कोई शत्रु नेई होऐ
जे कोई मंदा करै वीर उसी दूर नठान ॥

यस्यामन्नं व्रीहियवौ यस्या इमाः पञ्च कृष्टयः ।
भूम्यै पर्जन्यपत्न्यै नमोऽस्तु वर्षमेदसे ॥ 42 ॥

नमस्कार पर्जन्य-पत्नी धरती रानी गी
जौ मुंजी सब अन्न असें गी जिस थमां थ्हांदे ।
पंज जातियां जिस धरती पर कार करदियां
बरखा बरै तां खेतर जिस दे खिड़ी-खिड़ी पौंदे ॥

यस्याः पुरो देवकृताः क्षेत्रे यस्या विकुर्वते
प्रजापतिः पृथिवीं विश्वगर्भामाशामाशां रण्यां न कृणोतु ॥ 43 ॥

जिस धरती दे खेतरें कम्म चला करदे न
जिस धरती पर देवें नगगर शैहर बसाए।
जिस धरती दी दिशा-दिशा बिच सगोसारी
प्रजापति उस गी साढ़े अनुकूल बनाए ॥

निधिं बिभ्रती बहुधा गुहा वसु मणिं हिरण्यं पृथिवी ददातु मे।
वसूनि नो वसुदा रासमाना देवी दधातु सुमनस्यमाना ॥ 44 ॥

धन समृद्धि देने आहली धरती माता
इसदे सुत्रे-रतनें मणियें भरे खजाने।
दिंदी हर उस बच्चे गी जो कार कमाऽ
ओह् होऐ परसिन्न दिलें दी सार पछानै ॥

जनं बिभ्रती बहुधा विवाचसं नानाधर्माणं पृथिवी यथौकसम्।
सहस्रं धारा द्रविणस्य मे दुहां ध्रुवेव धेनुरनपस्फुरन्ती ॥ 45 ॥

इस धरती पर केई बोल्लियां बोलने आहले
अपना-अपना धर्म नभांदे माहनूं बस्सन।
गौ आंगर मां देऐ सुख दियां ज्हारां धारां
परोआरै दे जीऽ जियां-जियां बस्सन रस्सन ॥

यस्ते सर्पो वृश्चिकस्तृष्टदंशमा हेमन्तजब्धो भृमलो गुहाशये।
क्रिमिर्जिन्वत् पृथिवि यद् यदेजति प्रावृषि तन्नः सर्पन् मोपसृपद्
यच्छिवं तेन नो मृड ॥ 46 ॥

मां धरती तुंदी सिश्टी दे सप्प ते बिच्चूं
नेकां डंगने आहले नेकां कीड़े ते तृणकंडे।
भर स्याले सौंदे, निकलन सरसर बरसांती
साढ़े कच्छ नेई औन देआं, मां रक्खेआं छिंडै ॥

ये ते पन्थानो बहवो जनायना रथस्य वर्त्मानसश्च यातवे।
संचरन्त्युभये भद्रपापास्तं पन्थानं जयेमानामित्रमतस्करं
यच्छिवं तेन नो मृड ॥ 47 ॥

तुंदे पैंडे सिद्धे बिकखड़ जि'न्दे उप्पर
चंगे माड़े सब्भै मनमरजी नै टुरदे।
गड्डे रिढ़दे रथ द्रौड़दे उंदे उप्पर
लब्भन नेई तुआंह डाकू चोर लुटेरे फिरदे ॥

मल्वं बिभ्रती गुरुभृद् भद्रपापस्य निधनं तितिक्षुः।
वराहेण पृथिवी संविदाना सूकराय वि जिहीते मृगाय ॥ 48 ॥

चंगे माड़े सब धरती दी गोदा मरदे
जीन्दे दा बी भार चुक्कियै टुरदी धरती।
बरखा कन्नै हिरख ते स्हेलड़चारा इसदा
सूरजदेव दे आले-दुआले फिरदी धरती ॥

ये ते आरण्याः पशवो मृगा वने हिताः सिंहा व्याघ्राः पुरुषादश्चरन्ति।
उलं वृकं पृथिवि दुच्छुनामित ऋक्षीकां रक्षो अप बाधयास्मत् ॥ 49 ॥

धरती माता तुंदे जंगल-जाड़ें बस्सन
शेर बाघ, रिच्छ, भेड़िये हिंसक प्राणी।
माल मवेशी थमां दूर दरेडे रक्खेआं
भरे कोटुएं गोढ़ें बिच नेई पान बरानी ॥

ये गन्धर्वा अप्सरसो ये चारायाः किमीदिनः।
पिशाचान्त्सर्वा रक्षांसि तानस्मद् भूमे यावय ॥ 50 ॥

गन्धर्व अप्सरां मक्खीचूस कंजूस लुटेरे।
राकश ते पिशाच औन नेई साढ़े नेड़े ॥

यां द्विपादः पक्षिणः संपतन्ति हंसा सुपर्णा शकुना वयांसि।
यस्यां वातो मातरिश्वेयते रजांसि कृण्वंश्च्यावयंश्च वृक्षान्
वातस्य प्रवामुपवामनुवात्यर्चिः ॥ 51 ॥

रंगबरंगे फंघ खलारी भरी डुआरियां
इस धरती साढ़ी पर पक्खरू आइयै उतरन।
ब्हारु ठंडी दे चलन फनाके नित-नित इत्थै
कदें-कदें नेह झक्खड़ झुल्लन रुक्ख बी पुट्टन ॥

यस्यां कृष्णामरुणं च संहिते अहोरात्रे विहिते भूम्यामधि ।
वर्षेण भूमिः पृथिवी वृतावृता सा नो दधातु भद्रया प्रिये धामनि धामनि ॥ 52 ॥

कालियां रातां दिन सनैहरे इस धरती पर रलियै रौहदे ।
बदल ब'रन तां रौंसलियें ब्हारें दे फेरे धारें पौंदे ॥

द्यौश्च मे इदं पृथिवी चान्तरिक्षं च मे व्यचः ।
अग्निः सूर्य आपो मेधां विश्वे देवाश्च संददु ॥ 53 ॥

अग्नी, सूरज, जलदेवता, पृथ्वी, अन्तरिक्ष, द्युलोक ।
मेधा बुद्धि देन सलकखनी मेटन म्हाड़े रोग ते सोग ॥

अहमस्मि सहमान उत्तरो नाम भूम्याम् ।
अभीषाडस्मि विश्वाषाडाशामाशां विषासहि ॥ 54 ॥

लाल आं अ'ऊं मातृभूमि दा, उच्चा जग ते म्हाड़ा नांऽ ।
हर बक्खी चरचे जित्तू दे हार नेई दिक्खी कुसै थां ॥

अदो यद् देवी प्रथमाना पुरस्ताद् देवैरुक्ता व्यसर्पो महित्वम् ।
आ त्वा सुभूतिमविशत् तदानीमकल्पयथाः प्रदिशश्चतस्रः ॥ 55 ॥

धरती मां तुंदी मैहमा देवी-देवतें गाई ।
चौनै चूकें खिल्लरी तुंदी गै बडेआई ॥

ये ग्रामा यदरण्यं या सभा अधिभूम्याम् ।
ये संग्रामाः समितयस्तेषु चारु वदेम ते ॥ 56 ॥

अस तुंदी बडेआई हर लामै बिच गाचै ।
जंगलें ग्रांए सभा-समितियें तगर पजाचै ॥

अश्व इव रजो दुधुवे वि तान् जनान् य आक्षियन् पृथिवीं यादजाः यत्
मन्द्राग्रेत्वरी भुवनस्य गोपा वनस्पतीनां गृभिरोषधीनाम् ॥ 57 ॥

घोडें दे खुर जि'यां मिट्टी धूड़ डुआंदे
माहनूं बस्तियां थाहर-थाहर खिंडरी न बसांदे ।
खुशरैहनी धरती गेतरा रक्खेआ करदी
बूहटें बेलें औशधियें गी गोदा धरदी ॥

यद् वदामि मधुमत् तद् वदामि यदीक्षे तद् वनन्ति मा ।
त्विषीमानस्मि जूतिमानवान्यान् हन्मि दोधतः ॥ 58 ॥

धरती मां अ'ऊं जे किश बोल्लां मिट्टा बोल्लां
जे किश दिक्खां म्हाड़े लेई होऐ हितकारी ।
पर जे दोखी तुंदे कन्नै दस्सै तलखी
अ'ऊं बी दस्सां सकत, सट्ट देआं उसी भारी ॥

शान्तिवा सुरभिः स्योना कीलालोघ्नी पयस्वती ।
भूमिरधिब्रवीतु मे पृथिवी पयसा सह ॥ 59 ॥

इस धरती पर र'वै शान्ति शैल अन्न ते अमरत पानी ।
हर कोई खाऽ-पीऐ, भोगै सुख चैनै दी रुत सुहानी ॥

यामन्वैच्छद्दहविषा विश्वकर्मान्तरर्णवे रजसि प्रविष्टाम्
भुजिष्यं पात्रं निहितं गुहा यदाविर्भोगे अभवन्मातृमदस्यः ॥ 60 ॥

बिच समुन्दर गेई धरती गी तुप्पन विश्वकर्मा जद टुरेआ ।
दुद्ध कटोरा भरियै धरती माऊ ने आई गळ्भै धरेआ ॥

त्वमस्यावपनी जनानामदितिः कामदुघा पप्रथाना ।
यत् ते ऊनं तत् त आ पूरयाति प्रजापतिः प्रथमजा ऋतस्या ॥ 61 ॥

उपजाऊ धरती तूं अदिति कामधेनु वरदाती भारी ।
ऋतज प्रजापति घाट्टा पूरै बिन्द नेई छोड़ै निगोसारी ॥

उपस्थास्ते अनमीवः अयक्ष्मा अस्मभ्यं सन्तु पृथिवि प्रसूताः
दीर्घं न आयुः प्रतिबुध्यमाना वयं तुभ्यं बलिहृतः स्याम ॥ 62 ॥

धरती दी गोदा लम्मियां उमरां रोगरैहत सब कटचै ।
लोड़ पवै बलिदानें दी तां पिच्छे नेई हटचै ॥

भूमे मातर्निधेहि मा भद्रया सुप्रतिष्ठितम् ।
संविदाना दिवा कवे श्रिया मां धेहि भूत्याम् ॥ 63 ॥

मां भूमि कल्याण करै देए परतिशठा ।
थ्होऐ दिब्ब ज्ञान समृद्धि जस ते निशठा ॥



काल सूक्त

अथर्ववेद दे इस सूक्तै इच काल दी मैहमा दा वर्णन कीता गेदा ऐ। एह काल सभनें दा सुआमी ऐ ते सभनें लोकलोकांतरें ते प्राणियें गी चक्कें आह्ला लेखा चलाऽ करदा ऐ। एह सहस्राक्ष ऐ, अनगिनत अक्खियें कन्नै सभनें गी दिक्खा करदा ऐ। अक्ष चक्कै दी धुरी गी बी आखदे न। एह काल भुवनें गी बी चक्के बनाइयै चलाऽ करदा ऐ। बाकी सब जीब ते बुड्डे होंदे न पर एह काल म्हेशां जुआन गै रौहदा ऐ। दुनिया दी हर चीज इस्सै काल इच जन्म लैंदी ऐ ते इस्सै इच समाई जंदी ऐ। साढ़ा मनुक्खी जीन रूपी पूर्ण कुम्भ बी इस्सै इच टिके दा ऐ। प्राण निकली जंदे न ते एह खाल्ली कुम्भ बी भन्नी ओड़दे न। मन प्राण तप सब काल इच गै टिके दे न। वेद ने इस काल दी उपमा सत्तें लगामें आहले घोड़े कन्नै दिती ऐ। सत्तें लगामें दा अर्थ ऐ सत्त प्राण। जेहड़े ज्ञानी समें दी मैहमा पछानियै इस घोड़े गी बस इच करियै ठीक चाल्ली चलांदे न ओह गै ठीक-ठकाने पुजदे न, बाकियें गी एह काल इद्धर-उद्धर घसीटी सु'टदा ऐ। मनुक्ख इस्सै काल इच तप करियै ब्रह्म ज्ञान पाई सकदा ऐ।

कालो अश्वो वहति सप्तरश्मिः सहस्राक्षो अजरो भूरिरेताः।

तमारोहन्ति कवयो विपश्चितस्तस्य चक्रा भुवनानि विश्वा ॥ 1 ॥

सत्त रिश्में आह्ला एह घोड़ा ज्हारें अक्खियें दिखदा रौहदा

कदें निं बुड्डा होने आह्ला सारे भुवन टपदा जंदा।

जि'न्दे कश लगाम अकली दी ओह नेई काल थमां बिंद डरदे।

उप्पर चढ़ियै बागां फड़ियै इस बैहतरगी बसै च करदे ॥

सप्त चक्रान् वहति काल एष सप्तस्य नाभीरमृतं न्वक्षः।

स इमा विश्वा भुवनान्यञ्जत् कालः स ईयते प्रथमो नु देवः ॥ 2 ॥

सत्त धुरियें पर सत्त चक्कें गी इ'यै काल चलांदा ।
इ'यै पैह्ला देव ऐ जेहड़ा कुल दुनिया प्रगटांदा ॥

पूर्णकुम्भोऽधिकाल आहितस्तं वै पश्यामो बहुधा नु सन्तः ।
स इमा विश्वा भुवनानि प्रत्यङ्काल तमाहुः परमेव्योमन् ॥ 3 ॥

उस 'च टिके दा कुम्भ भरोचा कई रूपें बिच लब्धै ।
उ'ऐ काल परम व्योम बिच भुवनें दे बी गब्धै ॥

स एव सं भुवनान्याभरत् स एव सं भुवनानि पर्यैत् ।
पिता सन्नभवत् पुत्र एषां तस्माद् वै नान्यत् परमस्ति तेजः ॥ 4 ॥

घरे दे उस लोक लोकान्तर सभनें गी ओह पालै ।
कदें बब्ब कदें पुत्तर बनियै फिरदा आलै-दुआलै ॥

कालाऽमूं दिवमतनयत् काल इमाः पृथिवीरुत ।
काले ह भूतं भव्यं चेष्टितं ह वि तिष्ठते ॥ 5 ॥

उस्सै रचेआ नीला अम्बर उस्सै धरत बनाई ।
भूत भविक्ख ते वर्तमान दी रचना उस रचाई ॥

कालो भूतिमसृजत काले तपति सूर्यः ।
काले ह विश्वा भूतानि काले चक्षुर्विपश्यति ॥ 6 ॥

इस्सै मूजब सूरज लिशकै इस्सै मूजब दिक्खन नैन ।
इ'यै दिंदा धन ते दौलत इस्सै दे हत्थ खुस्सी लैन ॥

काले मनः काले प्राणः काले नाम समाहितम् ।
काले सर्वा नन्दन्त्यागतेन प्रजा इमाः ॥ 7 ॥

मन बी इस्सै कालै दे बस इस्सै दे बस रौंहदे प्राण ।
होऐ सुकाल तां थ्होंदियां खुशियां नेई तां थ्होंदी नेई पछान ॥

काले तपः काले ज्येष्ठं काले ब्रह्म समाहितम् ।
काले हि सर्वस्येश्वरो यः पितासीत् प्रजापतेः ॥ 8 ॥

इस्सै काल च करी तपस्या थोंदा ज्ञान ते सब बडेआई ।
काल एह सभनें दा गै मालक, बब्ब इसी मनै दी लुकाई ॥

तेनेषितं तेन जातं तदु तस्मिन् प्रतिष्ठितम् ।
कालो ह ब्रह्म भूत्वा बिभर्ति परमेष्ठिनम् ॥ 9 ॥

जे किश पैदा होइयै टिकदा इसदी प्रेरणा इसदे सहारे ।
दइयै दौलत इलमा दी कई लौहके बड्डे इस उसारे ॥

कालः प्रजा असृजत कालो अग्रे प्रजापतिम् ।
स्वयंभूः कश्यपः कालात् तपः कालादजायत ॥ 10 ॥

सारी परजा प्रजापति बी जरमे उस्सरे उसदी गोदा ।
काल थमां गै आए स्वयंभू रिशी कश्यप ते तप बी ओह्दा ॥



सांमनस्य सूक्त

अथर्ववेद दे त्रिए काण्ड दा त्रीहमां सूक्त परोआरक ते समाजक सुख-समोध दे उपाऽ स'त्तें मन्त्रें इच मते शैल ढंगै कन्नै बखानदा ऐ। परोआर गै कुसै समाज जां राष्ट्र दे बकास दी नीह होंदे न कीजे परोआरें इच गै माहनुएं दा जन्म ते मुंढला बकास होंदा ऐ। परोआर दे हिरख-प्यार दी ब्हाऊ इच पले मठोए दे माहनूं समाजै इच बी हिरख-प्यार दी खश्बोऽ बखेरदे न। परोआर दी ब्हाऊ इच जेकर बिसलापन उज्जी पेदा होऐ तां उस ब्हाऊ च मठोए दे लोक समाजै इच बी बिस्स गै घोलदे न। वेद मन्त्रै इच आखे दा ऐ जे परोआर दे हर जीऽ गी द्वेश-भाव गी छिंडै गै रक्खियै इक-दुए कन्नै इ'यां हिरख करना लोड़चदा ऐ जि'यां नमीं सूई दी गौ अपने बच्छू कन्नै करदी ऐ। ओहदे इच कोई सुआर्थ नेई, कोई लुब्ध लालच नेई, बस ममता दी गै सीर ऐ। इ'यै जनेहा प्यार गै माऊ बब्बै गी धियें-पुत्तरें गी देना लोड़चदा ऐ। धियां-पुत्तर बी उंदें आखने पर चलन, भ्राएं-भैनें इच मता प्यार होऐ, पति-पत्नी आपूं च मिट्टा बोलन। बड्डें-बडेरें दा मान-सन्मान होऐ ते लौहकें गी उंदियां सीसां थ्हांदियां रौहन। सभनें गी खाने-पीने लाने गी बंडियै शैल मिलै ते सभनें दियां लोड़ां-थोड़ां पूरियां होंदियां रौहन। इ'यै जनेह परोआर इच कोई कलह-क्लेश नेई पौंदा, कोई कुसै नै खार नेई खंदा, कोई कुसै दा दिल नेई दुखांदा ते कोई निक्की-निक्की गल्ला रुस्सियै कूना जां क्लेश नेई पांदा। सब्भै रली-मिलियै परोआर दी तरक्की लेई अपना-अपना जोगदान दिंदे न।

अथर्ववेद संहिता काण्ड 3, सूक्त 30, मन्त्र 1-7

सहृदयं सांमनस्यमविद्वेषं कृ णोमि वः।

अन्योऽन्यमभिहर्यत वत्सं जातमिवाध्न्या ॥ 1 ॥

अ'ऊं कीते हिरखी हिरदे मन, द्वेश गी सु'ट्टेआ बाहर।
करो हिरख हुन आपूं इच जि'यां गौ-बच्छू दा प्यार ॥

अनुव्रतः पितुः पुत्रो मात्रा भवतु संमनाः ।
जाया पत्ये मधुमतीं वाचं वदतु शान्तिवाम् ॥ 2 ॥

पुत्तर पिता दे बर्ते गी पालै माऊ दी इच्छेआ करै पूरी ।
पति ते पत्नी मिट्ठा बोलन घरै च शान्ति र'वै सबूरी ॥

मा भ्राता भ्रातरं दिक्षन्मा स्वसारमुत स्वसा ।
सम्यञ्च सब्रता भूत्वा वाचं वदत भद्रया ॥ 3 ॥

भ्रा भ्राऊ नै बैर करै नेई भैनै इच बी होऐ प्यार ।
हिरख दी बता सदा सनोचन भले बचन ते भली गै कार ॥

येन देवा न वियन्ति नो च विद्विषते मिथः ।
तत् कृष्णः ब्रह्म वो गृहे संज्ञानं पुरुषेभ्यः ॥ 4 ॥

बक्ख होन नेई बड्डे-बड्डेरे आपूं बिच नेई होऐ द्वेश ।
बडेआई नै मिलियै रौहन रत्ती-भर नेई होऐ क्लेश ॥

ज्यायस्वन्तश्चित्तिनो मा वि यौष्ट संराधयन्तः सधुराश्चरन्तः ।
अन्योऽन्यस्मै वल्गु वदन्त एत सध्रीचीनान् वः संमनसस्कृणोमि ॥ 5 ॥

इक्क धुरी 'नै जुडियै किट्टे टुरना-बौहना ।
इज्जत देनी सीसां लैनियां, म्हेशां मिट्ठा बोलदे रौहना ॥

समानी प्रपा सह वोऽन्नभागः समाने योक्त्रे सह वो युनज्मि ।
सम्यञ्चोऽग्निं सपर्यतारा नाभिमिवाभितः ॥ 6 ॥

अरां जुड़ी दियां इक धुरी बिच तां गै अगें चक्का चलदा ।
खान-पीन लेई थोऐ बरोबर तां समोध राश्ट्रै इच बधदा ॥

सध्रीचीनान् वः संमनसः कृणोम्येकशुष्ठीन् संवननेन सर्वान् ॥
देवा इवामृतं रक्षमाणाः सायं प्रातः सौमनसो वोऽस्तु ॥ 7 ॥

घरै दे जीऽ तुस इक-दुए दी सुनो ते सेवा करदे जाओ ।
देवें आंगर स'ज-सवरै हिरख दा अमरत भरदे जाओ ॥



शिवसंकल्प सूक्त

यजुर्वेद दे चौहतिमें ध्याऽ दे इ'नें छें मन्त्रें च मनै दी मैहमा दा वर्णन ऐ। एह मन इन्ना तेज द्रौड़दा ऐ जे पलें-खिनें च कु'त्थुआं दा कु'त्थै जाई पुजदा ऐ। हून इत्थै ते हूनै सत्त समुंदर पार। सुखनें च बी जेल्लै शरीर इक्कै थाहर पेदा रौहदा ऐ, मन ज्हारें-लक्खें मीलें दियां दूरियां लंघियै दूरा-दूरा दे सैर-सपाटे करी औंदा ऐ। इसदी चाल कु'न मापी सकदा ऐ?

इस्सै मनै पर मनुक्खै दा सारा लोक-ब्यहार टिके दा ऐ। मनै अन्दर रौहदा ऐ चित्त जेहड़ा आत्मा दा सनेहा मन तगर पजाने आह्ला दूत ऐ। मन ओह सनेहा बुद्धि तगर ते बुद्धि उसी कर्म-इन्द्रियें ते ज्ञान-इन्द्रियें तगर पजांदी ऐ। इ'यां सब्भै क्रियां मनै पर आधारत न। मन जनेहा संकल्प करदा ऐ उ'ऐ नेहा कम्म इन्द्रियां करन लगी पौंदियां न। एह मन सभनें जोतें थमां मती लोऽ करने आह्ली जोत ऐ। इ'यै धर्म-कर्म करांदा ऐ ते इ'यै अधर्म बक्खी लेई जंदा ऐ। जे मनै च शिव संकल्प होन तां एह मन अमृत बनियै औखी-भारी च बी जीने दी शक्ति दिंदा ऐ पर जे मनै च मंदे अरादे होन तां एह मन अपने लेई ते दुएं गितै बी जैहर घोलदा ऐ। भूत, भविकख ते वर्तमान इस्सै मनै च टिके दे होंदे न। इस ने साढ़े शा जे किश करोआया उ'ऐ साढ़ा पछौकड़ ऐ ते जे किश कराऽ करदा ऐ, उस्सै च भविकख दे बीऽ न। सारा ज्ञान इस्सै मनै च ऐ। ध्रोइयै दिक्खने-पछानने दी लोड़ होंदी ऐ। इन्द्रियां ते घोड़े न एह सारथी इ'नें गी जिद्धर लेई जा उद्धर टुरी पोंदे न। जे सारथी समझदार होऐ तां लगामां कस्सियै रखदा ऐ ते घोड़ें गी शैल बत्ता पर चलाइयै ठीक टकाने पजाई दिंदा ऐ। जे सारथी गै बेखबर होऐ तां घोड़े जिद्धर मरजी टुरी पोंदे न। इस करी मनै गी हिरदै दी शरधा इच टकाइयै स्थिर रक्खने दी लोड़ ऐ।

यजुर्वेद संहिता, ध्या 34, मन्त्र 1-6

यज्जाग्रतो दूरमुदैति दैवं तदु सुप्तस्य तथैवेति।

दूरङ्गमं ज्योतिषां ज्योतिरेकं तन्मे मनः शिवसंकल्पमस्तु ॥ 1 ॥

जागदे ते म्हेशां जेहड़ा दूर-दूर जंदा ऐ
नींदर च सुत्ते दे बी थाहर-थाहर भौंदा ऐ।
जोतें दी जोत इक्कै दूर खिट्टां लाने आह्ला
होऐ मन म्हाड़ा शैल सुच्चे बचारें आह्ला ॥

येन कर्माण्यपसो मनीषिणो यज्ञे कृण्वन्ति विदथेषु धीराः।
यदपूर्वं यक्षमन्तः प्रजानां तन्मे मनः शिवसंकल्पमस्तु ॥ 2 ॥

जेहदे कन्नै बुद्धिमान कार किरत करा दे न
जेहदे करी यज्ञकर्म धीरें दे सरा दे न।
प्राणियें च बस्से दा एह जक्ख र्हान करने आह्ला
होऐ मन म्हाड़ा शैल सुच्चे बचारें आह्ला ॥

यत्प्रज्ञानमुत चेतो धृतिश्च यज्ज्योतिरन्तरमृतं प्रजासु।
यस्मान्ऽऋते किंचन कर्म क्रियते तन्मे मनः शिवसंकल्पमस्तु ॥ 3 ॥

ग्यानै नै भरोचा मन धीरजै दी खोह् जेहड़ा
जीवें अन्दर जोत बनी करै करदा लोऽ जेहड़ा।
जेहदे बिन कुसै दा निं कम्म कोई चलने आह्ला
होऐ मन म्हाड़ा शैल सुच्चे बचारें आह्ला ॥

येनेदं भूतं भुवनं भविष्यत्परिगृहीतममृतेन सर्वम्।
येन यज्ञस्तायते सप्तहोता तन्मे मनः शिवसंकल्पमस्तु ॥ 4 ॥

अमर तत्त जेहड़ा, जिस भूत गोदा साम्भै दा
वर्तमान हत्थें च, भविकख जिसी हाम्बै दा।
पंज ज्ञान इन्द्रियें ते बुद्धि हंकार आह्ला
मन म्हाड़ा होऐ शैल सुच्चे बचारें आह्ला ॥

यस्मिन्नृचः साम यजूंषि यस्मिन् प्रतिष्ठिता रथनाभाविवाराः।
यास्मिंश्चित्तं सर्वमोतं प्रजानां तन्मे मनः शिवसंकल्पमस्तु ॥ 5 ॥

ऋक् साम यजुर्वेद टिके दे न जेहदे बिच।
अरां जि'यां चक्कै दियां टिकी दियां चक्कै बिच ॥

सभनें दे चित्त चेते गंडी ब'न्नी लैने आह्ला ।
होऐ मन म्हाड़ा शैल सुच्चे बचारें आह्ला ॥

सुषारथिरश्वानिव यन्मनुष्यान्नेनीयतेऽभीशुभिर्वाजिन इव
हृत्प्रतिष्ठं यदजिरं जविष्ठं तन्मे मनः शिवसंकल्पमस्तु ॥ 6 ॥

चतर सजान रथवान जि'यां घोड़े' गी
नसांदा बाग डोर फड़ी उ'आं एह् मनुक्खै गी ।
हिरदे च टिके दा जोआन सदा रौहने आह्ला
होऐ मन म्हाड़ा शैल सुच्चे बचारें आह्ला ॥



यज्ञ

यजुर्वेद दे इस मन्त्र इच माहनूं गी अपना जीवन परोपकार जां सभनें दे भले लेई जीने दी प्रेरणा दिती गेदी ऐ। यज्ञ शब्द यज्, धातु थमां बने दा ऐ जेहदे त्रै अर्थ न देवपूजा, संगतिकरण ते दान। एह् त्रैवे अर्थ परोपकार कन्नै जुड़े दे न, इसकरी ओह् हर कम्म जेहदे कन्नै सभनें दा भला होऐ, यज्ञ आखेआ जंदा ऐ। जि'यां अग्निहोम इच पाई दी औहत्त चपासम गी पवित्तर करदी ऐ ते चपासै खश्बोऽ खलारदी ऐ उ'आं गै माहनूं दे सब कर्म, ओह्दा ज्ञान, विज्ञान, सन्तान दी पालमां, सुनना-सनाना सब समाज, देश ते संसार दे भले आसतै होना लोड़चदा ऐ। तां गै उसी खुशी थ्होग ते ओहदे कम्मं राहें दुएं गी बी खुशी गै थ्होग।

वाजश्च मे प्रसवश्च मे प्रयतिश्च मे प्रसितिश्च मे
धीतिश्च मे क्रतुश्च मे स्वरश्च मे श्लोकश्च मे
श्रवश्च मे श्रुतिश्च मे ज्योतिश्च मे स्वश्च मे यज्ञेन कल्पन्ताम्

म्हाड़ा विज्ञान यज्ञ लेई, म्हाड़ी सन्तान यज्ञ लेई,
म्हाड़ा एह् संजम यज्ञ लेई, कर्म दा बन्धन यज्ञ लेई,
म्हाड़ा एह् धीरज यज्ञ लेई, म्हाड़े सब कारज यज्ञ लेई,
बचनें दा अमरत यज्ञ लेई, म्हाड़ा जस कीरत यज्ञ लेई,
सब सुनन सनान यज्ञ लेई, ते आत्मज्ञान यज्ञ लेई।
परोपकार ऐ यज्ञ रचाना, नन्द गै बंडना नन्द गै पाना ॥



महानाम्न्यार्चिक

सामवेद संहिता

विदा मघवन् विदा गातुमनुशंसिषो दिशः ।
शिक्षा शचीनां पते पूर्वीणां पुरुवसो ॥ 641 ॥

मघवा जानीजान तुस सब दे
भगतें गी बी दिशां दखाओ ।
तुस बुद्धि ऐश्वर्य दे सुआमी
असें बी उंदी बत्ता पाओ ॥ 641 ॥

आभिष्टवमभिष्टिभिः स्वाऽऽर्न्नाशुः ।
प्रचेतन प्रचेतयेन्द्र द्युम्नाय न इषे ॥ 642 ॥

सूरजै आंगर लिशकादे तुस
असेई चतन्न करी लशकाओ ।
छन्दै, जस-धन दमैं थोन
जि'न्दे नै उ'ऐ कम्म करोआओ ॥ 642 ॥

एवा हि शक्रो राये वाजाय वज्रिवः ।
शविष्ठ वज्रिन्वृञ्जसे ।
मंहिष्ठ वज्रिन्वृञ्जसे आ याहि पिब मत्स्व ॥ 643 ॥

दुष्टें गी दण्ड देने आहले
धन ते बल देने लेई आओ ।
बलशाली इन्द्र छन्दै तुस ।
आइयै अमरत पियो पलाओ ॥

विदा राये सुवीर्य भवो वाजानां पतिर्वशांमनु ।
मंहिष्ठ वज्रिन्वृञ्जसे यः शविष्ठः शूराणाम् ॥ 644 ॥

बलशाली शूरें दे शूर साढ़ी मंशा दे अनुकूल ।
होइयै खुश देओ उत्तम बल उत्तम धन सुखें दा मूल ॥

यो मंहिष्ठो मघोनामंशुर्न शोचिः ।

चिकित्त्वो अभि नो नयेन्द्रो विदे तमु स्तुहि ॥ 645 ॥

सब धनियें शा अति धनवान् प्रकाशमान ते अति विद्वान् ।

इन्द्र असें गी बत्ता पान, स्तुति करचै ते थोए ज्ञान ॥ 645 ॥

ईशे हि शक्रस्तमूतये हवामहे जेतारमपराजितम् ।

स नः स्वर्षदति द्विषः क्रतुश्छन्द ऋतं बृहत् ॥ 646 ॥

रक्खेआ लेई देओ इन्द्र गी आला, कदें नेई ओह हारने आह्ला

सुनियै बिनती जित्तियै बैरी, धर्म कर्म तारने आह्ला ॥

इन्द्रं धनस्य सातये हवामहे जेतारमपराजितम् ।

स नः स्वर्षदति द्विषः । स नः स्वर्षदति द्विषः ॥ 647 ॥

दौलत लेई देचै इन्द्र गी आला, कदें नेई ओह हारने आह्ला ।

सुनियै बिनती जित्तियै बैरी साढ़े कष्ट टारने आह्ला ॥

पूर्वस्य यत्ते अद्रिवोऽशुर्मदाय । सुम्न आधेहि नो वसो ।

पूर्तिः शविष्ठ शस्यते ।

वशी हि शक्रो नूनं तन्नव्यं संन्यसे ॥ 648 ॥

सर्वव्यापी अजर सनातन तुंदे अर्पण साढ़ा जीवन ।

करो पालमां सब सुख देओ बार-बार अस करचै बन्दन ॥

प्रभो जनस्य वृत्रहन्समर्थेषु ब्रवावहे ।

शूरो यो गोषु गच्छति सखा सुशेवो अद्वयुः ॥ 649 ॥

दुष्टविनाशक सब थां व्यापक अति दयालु मित्तर सच्चा ।

देओ बाणी दी शक्ति तां विद्वानें इच करचै चरचा ॥

एवा ह्ये३ इव एवा ह्यग्ने । एवाहीन्द्र । एवा हि पूषन्

एवा हि देवाः ॐ एवाहि देवाः ॥ 650 ॥

इक्कै ईश्वर आखो उस गी अग्नि इन्द्र पूषा भाएं ।

उ'ए ओ३म् सभनें देवें इच भाएं बुलाओ बखरे नाएं ॥



भाग - II



लेख-क्रम

1. राष्ट्रभाव	71
2. प्राणसूक्त	80
3. ब्रह्मचर्य सूक्त	86
4. योग	93
5. परिवार	96
6. श्लेष्टतम कर्म-यज्ञ	102
7. सरस्वती	107
8. मन-आवर्तन सूक्त	113
9. श्रद्धा सूक्त	116
10. दान	118
11. सन्तान	120
12. सत्य-असत्य	122
13. द्वेश-ईरखा	124
14. व्यक्ति	126
15. ऋत	128
16. ग्यानी उपदेशक	130
17. नारी	132
18. सामवेद पूर्वार्चिक	134

1. राष्ट्रभाव

राष्ट्र दा मतलब ऐ कुसै देसै दी भूमि ते उस उप्पर रौहने आहले लोक । यजुर्वेद दे दसमें ध्याऽ दे पैहले च 'ऊं' मेंतरें इच राष्ट्र दी तरक्की दे उपाऽ दस्से गेदे न । एह उपाऽ इ'यां न-राष्ट्र दी भूमि दी खेती दी उपज ते उत्थै चलदे उद्योगें च बढ़ोतरी करियै राष्ट्र सम्पदा च बाढ़ा करना । उस राष्ट्र सम्पदा दा फैदा सभनें नागरिकें गी थोए इस दा जतन करना । सभनें लेई शिक्षा, स्वास्थ्य, खेड़ां, नाच, संगीत आदि मनोरंजन दे साधनें दा प्रबन्ध करना, दुधारू पशुएं दी पालमां दी व्यवस्था करना, लोकें च अनुशासन ते देशभक्ति दी भावना जगाना तां जे ओह अपनी मातृभूमि दी रक्खेआ लेई मर मिटने तई तयार रौहन ।

लोक ठीक समें शासन सत्ता गी कर (टैक्स) दिंदे रौहन ते शासन आम जनता दी रक्षा दे सारे प्रबन्ध करै । शासन करने आहले आपूं बी चरित्रवान होन ते लोकें गी बी चरित्रनिर्माण ते अध्यात्म लेई प्रेरत करन ।

राष्ट्र इच रौहने आहले समझदार ते दिब्ब खूबियें आहले विद्वानें गी पैहलें मेंतर इच गै देव गलाए दा । ओह देव पुरुष शासनसत्ता ते जनसत्ता दे बश्कार पुल दा कम्म करदे न ते राष्ट्र दे बकास इच प्रमुख भागीदार होंदे न । ओह शासकें गी इ'यै जनेहियां योजनां सुझांदे न जिं'दे राहें राष्ट्र दा बकास बी होऐ ते राष्ट्र इस सुख चैन बने दा र'वै । इ'नें देवें गी आखेआ गेदा ऐ जे ओह अपनी खूबियें कनै शासकें ते जनता गी प्रभावत करियै उं'दे इच बी ओह गुण भरने दा जतन करदे रौहन ।

यजुर्वेद, ध्या 10, मन्त्र 1-4

अपो देवा मधुमतीरगृभ्णन्नूर्जस्वती राजस्वश्चितानाः ।

याभिर्मित्रावरुणावभ्यषिञ्चन् याभिरिन्द्रमनयन्नत्यरातीः ॥

यजु 10.1

शासकें गी समझाने आहले देसै दे विद्वान देव सब
 शैल सन्हाकडे शक्तिशाली ऐसे ढंग सुझांदे न।
 जिं'दे कत्रै राजा-परजा करचोरें गी दण्ड दोआइयै
 राजा दी परतिशठा करदे सुख ते चैन बधांदे न॥

वृष्ण ऊर्मिरसि राष्ट्रदा राष्ट्रं मे देहि स्वाहा वृष्ण ऊर्मिरसि
 राष्ट्रदा राष्ट्रममुष्मै देहि।
 वृषसेनोऽसि राष्ट्रदा राष्ट्रं मे देहि स्वाहा वृषसेनोऽसि
 राष्ट्रदा राष्ट्रममुष्मै देहि ॥ 2

शासक तुस सागरै दी तरंग ओ देस दी रक्खेआ करने आहले।
 राष्ट्रप्रेम दे भाव गी असें गी देइयै सब गी प्रेरत करेओ॥
 हर कोई दानी त्यागी बनी जा, हर कोई देसै लई होऐ स्वाहा।
 हर कोई चाह करै मरने दी. ऐसी राष्ट्रीयता भरेओ॥

अर्थेत् स्थ राष्ट्रदा राष्ट्रं मे दत्त स्वाहार्थेत् स्थ राष्ट्रदा राष्ट्रममुष्मै
 दत्तौजस्वती स्थ राष्ट्रदा राष्ट्रं मे दत्त स्वाहौजस्वती स्थ राष्ट्रदा राष्ट्रममुष्मै
 दत्तापः परिवाहिणी स्थ राष्ट्रदा, राष्ट्रं मे दत्त स्वाहापः परिवाहिणी स्थ
 राष्ट्रममुष्मै दत्तापां पतिरसि राष्ट्रदा राष्ट्रं मे देहि स्वाहायां पतिरसि राष्ट्रदा
 राष्ट्रममुष्मै देह्यपां गर्भोऽसि राष्ट्रदा राष्ट्रं मे देहि स्वाहाऽपां गर्भोऽसि राष्ट्रदा
 राष्ट्रममुष्मै देहि ॥³

राष्ट्र दे देवो, तुस गै राष्ट्रसम्पदा पैदा करने आहले।
 ओजस्वी तुस राष्ट्र दे रथ गी अगड़ी बत्ता पाने आहले॥
 दिक्खेओ परजा दा जो शासक बंडै परजा इच धन सारा।
 सब गी थोए राष्ट्रसम्पदा कोई निं र'वै गरीब बचारा॥

सूर्यत्वचस स्थ राष्ट्रदा राष्ट्रं मे दत्त स्वाहा सूर्यत्वचस स्थ राष्ट्रदा
 राष्ट्रममुष्मै दत्त सूर्यवर्चस स्थ राष्ट्रदा राष्ट्रं मे दत्त स्वाहा सूर्यवर्चस स्थ
 राष्ट्रदा राष्ट्रममुष्मै दत्त मान्दा स्थ राष्ट्रदा राष्ट्रं मे दत्त स्वाहा मान्दा स्थ राष्ट्रदा
 राष्ट्रममुष्मै दत्त व्रजक्षित स्थ राष्ट्रदा राष्ट्रं मे दत्त स्वाहा व्रजक्षित स्थ राष्ट्रदा
 राष्ट्रममुष्मै दत्त वाशा स्थ राष्ट्रदा राष्ट्रं मे दत्त स्वाहा वाशा स्थ राष्ट्रदा
 राष्ट्रममुष्मै दत्त शविष्ठा स्थ राष्ट्रदा राष्ट्रं मे दत्त स्वाहा शविष्ठा स्थ राष्ट्रदा
 राष्ट्रममुष्मै दत्त शक्वरी स्थ राष्ट्रदा राष्ट्रं मे दत्त स्वाहा शक्वरी स्थ राष्ट्रदा

राष्ट्रममुष्मै दत्त जनभृत स्थ राष्ट्र दा राष्ट्रं मे दत्त स्वाहा जनभृत रथ राष्ट्रदा
 राष्ट्रममुष्मै दत्त विश्वभृत स्थ राष्ट्रदा राष्ट्रं मे दत्त स्वाहा विश्वभृत स्थ राष्ट्रदा
 राष्ट्रममुष्मै दत्तापः स्वराज स्थ राष्ट्रदा राष्ट्रममुष्मै दत्त । मधुमतीर्मधुमतीभिः
 पृच्यन्तां महि क्षत्रं क्षत्रियाय वन्वाना अनाधृष्टाः सीदत महीयसी महिक्षत्रं
 क्षत्रियाय दधतीः ॥

राष्ट्र दे देवो ! सूरज आंगर तुस प्रकाश देने आहले ओ
 अपनी लोई नै राष्ट्र दे हर माहनू गी तुस चमकाओ ।
 राष्ट्र दे देवो ! सूरज आंगर तुस तेजस्वी ओजस्वी ओ
 राष्ट्र दे हर माहनू दे अन्दर बी तुस तेज ते ओज जगाओ ।
 राष्ट्र दे देवो ! तुस खुशरौहने म्हेशां नन्द मनांदे रौंहदे
 राष्ट्र दे हर माहनू गी बी खुशियां बंडो नन्द पजाओ ।
 राष्ट्र दे देवो ! तुस गौपालक दुद्ध-देहीं दी ब्हार ऐ तुं'दै
 राष्ट्र दे घर-घर गवां होन ते घर-घर गोशाला बनवाओ ।
 राष्ट्र दे देवो ! तुस संजमी अनुशासन इच रौहने आहले
 राष्ट्र दे हर माहनू गी बी अनुशासन दा पाठ पढ़ाओ ।
 राष्ट्र दे देवो ! तुस बलिष्ठ ओ अपनी सेहतू दे रखवाले ।
 राष्ट्र दे हर माहनू गी बी सेहतमन्द बलिष्ठ बनाओ ।
 राष्ट्र दे देवो ! तुस बलशाली सेना राहें देश दे रक्षक ।
 सशस्त्र सेना गी राष्ट्र दी रक्षा लेई राष्ट्र प्रेम सखलाओ ।
 राष्ट्र दे देवो ! जनता लई भंडारे अन्न दे भरे रौहन
 जे अन्न बची जा तां दूए देसैं दी जनता लेई पजाओ ।
 राष्ट्र दे देवो ! तुस अध्यात्तम ते चरित्र दे पालनहारे ।
 देसैं दे हर माहनू गी चरित्र धरम दा पाठ पढ़ाओ ।
 सारी परजा रली-मिलियै प्रेमभाव नै रवै राष्ट्र इच
 राष्ट्र दी रक्खेआ लेई क्षत्रियें दी सेना दा रंग जमाओ ।

भद्रमिच्छन्त ऋषयः स्वर्विदस्तपो दीक्षामुपनिषेदुरग्रे ।

ततो राष्ट्रं बलमोजश्च जातं तदस्यै देवा उपसंनमन्तु ॥

अथर्व. 19.41.1.

भला चाहने आहले ग्यान दे प्रेमी रिशिये
निश्चा करि तप कीता ते निर्माण राष्ट्र दा।
लोकें दा उत्साह जगाया ताकत थहोई
होआ जनकल्यान उ'ऐ कल्यान राष्ट्र दा॥

यत्र ब्रह्म च क्षत्रं च सभ्यञ्चौ चरतः सह।
तल्लोकं पुण्यं प्रज्ञेयं यत्र देवाः सहाग्निना॥ यजु. 20.25

राष्ट्र दे रथ दे ब्रह्म क्षत्र एह् दोऐ पहिये
किट्टे चलदे रौह्ण ठीक ते रथ बी चलदा।
जित्थै ग्यानी ग्यान दी अग्नी बाली रखदे
उ'ऐ खुआंदा पुन्य राष्ट्र ते अगड़ा बधदा॥

आ ब्रह्मन् ब्राह्मणो ब्रह्मवर्चसी जायताम् आ राष्ट्रे
राजन्यः शूर इषव्योऽतिव्याधी महारथो जायताम्।
दोग्धी धेनुर्वोढानडवानाशुः सप्तिः पुरन्धिर्योषा
जिष्णू रथेष्ठाः सभेयो युवास्य यजमानस्य वीरो जायताम्।
निकामे निकामे नः पर्जन्यो वर्षतु फलवत्यो
न ओषधयः पच्यन्तां योगक्षेमो नः कल्पताम्॥ यजु 22.22

ब्रह्म प्रभो! इस राष्ट्र दे ब्राह्मण होन ब्रह्मवर्चस्वी
क्षत्रिय महारथी दुश्मन गी जित्तने आहले होन।
गवां देन दुद्धै दियां सीरां घोड़े द्रौड़न तेज
दांद होन बलशाली उच्चे शैल भार गी ढौन॥
सचज्जल नारियां ग्राएं ते शैहरें गी रौनक देन
जागत ब्हादर रथी जि'नें जित्तां गै जित्तां थहोन।
बरखा बरै बेल्लै-बेल्लै सिर फल औखधां पक्कन।
जे किश लोड़दा थहोऐ, सब चैन सुखै ने रौह्ण॥

इहैवैधि-माप च्योष्ठाः पर्वत इवाविचाचलिः।
इन्द्र इवैह ध्रुवास्तिष्ठेह राष्ट्रमु धारय॥ ऋ.10.173.2

सब्भै राष्ट्रनागरिक अपने अपने थाह् रें
परबत आंगर अविचल होइयै लग्गै रौह् न ।
हर कम्म उं 'दा राष्ट्रोन्नति करने आह्ला ।
इंदर आंगर टिके दे रौह् न भ्रष्ट नेई होन ॥

ऋचं वाचं प्रपद्ये मनो यजुः प्रपद्ये साम प्राणं प्रपद्ये श्रोत्रं
प्रपद्ये । वागोजः सहौजौ मयि प्राणापानौ ॥ यजु 36.1.

ऋचा रूपिणी ग्यान भरी बाणी मिगी थोऐ
यजु रूप ते कर्मशील होऐ म्हाड़ा मन ॥
साम रूप बनी जान प्राण भगतिरस डुब्बै
प्राण अपान दी ताकत रक्खै एह सोहगा तन ॥
बाणी दा बल मिगी बनाई दे ओजस्वी
तां जे बंडी सकां सभनें गी अपना ग्यान धन ॥

यन्मे छिद्रं चक्षुषः हृदयस्य मनसोः वा अतितृण्णम्
बृहस्पति मे तद् दधातु । शंनो भवतु भुवनस्य यस्पतिः ॥ 36.2

जे कोई दोश बचे दा अक्खी मन हिरदे इच
बृहस्पति म्हाड़े उस दोश गी दूर करी देऐ ।
सारे जग दी पालमां करने आह्ला ईश्वर
साढ़ी जिंदड़ियें इच शान्ति चैन भरी देऐ ॥

भूर्भुवः स्वः । तत्सवितुर्वरेण्यं भर्गो देवस्य धीमहि
धियो यो नः प्रचोदयात्

सारे जग गी रचने आह्ला सविता ईश्वर
ओह्दा बरने जोग तेज सब गी चमकाऽ ।
ओह् सच्चिदानन्द, तेज उस दे गी ध्याचै
जो साढ़ी अकली गी सिद्धी बत्ता पाऽ ॥ 36.3

कया नःचित्रः आ भुवत् ऊती सदावृधः सखा ।
कया शचिष्ठया वृता ॥ 36.4

म्हेशां साढ़ा मित्तर प्रभु मैत्री इच बाद्धा करदा ऐ।
चर्ज असें ऐ, उ'ऐ जानै कि'यां-कि'यां रखेआ करदा ऐ॥

कस्त्वा सत्योः मदानां मंहिष्ठोः मत्सदन्धसः दृढा
चिदारुजे वसु ॥ 36.5

अभीषुणः सखीनामविता जरितृणाम्। शतं भवास्यूतिभिः ॥

तुगी मिलने दी इच्छेआ आहले तु'दे नै जो मैत्री करदे।
तू सौ चाल्ली रखवाला ऐं, नेई बढेपै शा ओह डरदे॥

कया त्वां न ऊतिभिः प्रमन्दसे वृषन्। कया स्तोतृम्यः आभर।

सुखें दी बरखा करने आहले, कि'यां-कि'यां रखेआ करदे ओ।
खुश होइयै, तुस स्तुतियां करदे भगतें दी झोली भरदे ओ॥

इन्द्रः विश्वस्य राजति। शं नोऽस्तु द्विपदे शं चतुष्पदे ॥ 8 ॥

ऐश्वर्ये दे मालक प्रभु तुस सारे जग पर करदे शासन।
करो भला दोपाएं चौपाएं दा ते सब दा पालन॥

शं नो मित्रः शं वरुणः शं नो भवत्वर्थमा।

शं न इन्द्रः बृहस्पतिः शं नः विष्णुरुक्रमः ॥ 9 ॥

मित्र वरुण अर्थमा प्रभु तुस सदा करो साढ़ा कल्याण।
इन्द्र बृहस्पति व्यापक विष्णु सब नाएं इच तु'दा गान॥

शं नो वातः पवतां शं नस्तपतु सूर्यः

शं नः कनिक्रदद् देवः पर्जन्यः अभिवर्षतु ॥ 10 ॥

पवन असें गी करै पवित्तर, सूरज तपै कल्याण करै।
गड़गड़ गरजै बद्दल लोड़ मताबक पानी दान करै॥

अहानि शं भवन्तु नः शं रात्रीः प्रतिधीयताम्।

शं नः इन्द्राग्नी भवतामवोभिः शं न इन्द्रावरुणा रातहव्या।

शन्न इन्द्रापूषणा वाजसातौ शमिन्द्रा सोमा सुविताय शंयो ॥

दिन ते रातां बीतन सुखैलियां करन सदा कल्याण ।
इन्द्राग्नि बरुणादि रूप प्रभु देन सुखें दा दान ॥

शं नो देवीरभिष्टये आपो भवन्तु पीतये । शंयोरभिस्त्रवन्तु नः ॥ 12 ॥

दिब्ब जलें दियां दिब्ब शक्तियां रक्खेआ करदियां रौह्ण ।
निरमल मिट्ठा जल लेई बरखा चौनें पास्सै पौन ॥

स्योना पृथिवि नो भवानृक्षरा निवेशनी । यच्छा नः शर्म सप्रथाः ॥ 13 ॥

धरती! देआं खु'ल्ला सुथरा थाहर असें गी रौह्ने लेई ।
नां कंडेआला नां पथरीला, शैल सुखें नै सौने लेई ॥

आपो हिष्ठा मयोभुवस्ता न ऊर्जे दधातन । महे रणाय चक्षसे ॥ 14 ॥

पानियो! तुस सुख शान्ति देओ, देही च ताकत बनी र'वै ।
जिंदड़ी ऐ संग्राम जिसी जित्तेने दी ताकत घनी र'वै ॥

यो वः शिवतमो रसः तस्य भाजयत इह नः । उशती इव मातरः ॥ 15 ॥

प्रभु जी! असें बनाऽ अपने आनन्द दा हिस्सेदार उ'आं ।
बच्चे गी पलेआंदी मां हिरखै ने दुद्ध दी धार जिंयां ॥

तस्मा अरे गमाम वो यस्य क्षयाय जिन्वथ । आपो जनयथा च नः ॥ 16 ॥

प्रभु जी! जिंदे कन्ने रौह्चै जित्थै रौह्चै ।
पानियें आंगर इकमिक होइयै रलियै रौह्चै ॥

द्यौः शान्तिरन्तरिक्षं शान्तिः पृथिवी शान्तिरापः शान्तिः औषधयः
शान्तिः वनस्पतयः शान्तिर्विश्वे देवाः शान्तिः ब्रह्म शान्तिः सर्व
शान्तिः शान्तिरेव शान्तिः सा मा शान्तिरेधि ॥ 17 ॥

शान्ति होऐ द्युलोक इच अन्तरिक्ष इच
धरती उप्पर पानियें इच बी शान्ति होऐ ।
वनस्पतियां औषधियां सब्भै देन शान्ति
ब्रह्म शान्ति सब्भै शान्ति मिगी बी थोऐ ॥

दृते दृंह मा मित्रस्य मा चक्षुषा सर्वाणि भूतानि समीक्षन्ताम्।
मित्रस्यस्याहं चक्षुषा सर्वाणि भूतानि समीक्षे मित्रस्य चक्षुषा समीक्षामहे ॥ 18 ॥

सबै प्राणी मिगी मैत्री दी नजरी दिक्खन
अ'ऊं बी सभनें गी मैत्री दी नजरी दिक्खां।
सबै इक-दुए कन्ने मैत्री गै रखचै
अ'ऊं बी मनै च पक्का मैत्री भाव गै रक्खां ॥

दृते दृंह मा। ज्योक्ते संदृशि जीव्यासं ज्योक्ते संदृशि जीव्यासम् ॥ 19 ॥

मैत्री भाव च पक्का करी देओ, तुंदे दर्शनें लेई अ'ऊं जियां।

नमस्ते हरसे शोचिषे नमस्तेऽस्तु अर्चिषे।
अन्यान् ते अस्मत् तपन्तु हेतयः पावकोऽस्मभ्यं शिवो भव ॥ 20 ॥

नमस्कार प्रभु तुसें, पापियें गी जो हरदे
सब दे पूजन जोग, पवित्तर करने आहले।
हे पावक प्रभु! साढ़े लेई कल्याण करो तुस
वज्र पवै उं'दे पर पाप जो करने आहले ॥

नमस्तेऽस्तु विद्युते नमस्ते स्तनयित्तवे।
नमस्ते भगवन्नस्तु यतः स्वः समीहसे ॥ 21 ॥

गर्जन करदी बिज्ज इच बी विद्यमान तुस।
नमस्कार भगवान जित्थै बी वर्तमान तुस ॥

यतो यतः समीहसे ततो नो अभयं कुरु।
शं नः कुरु प्रजाभ्योऽभयं नः पशुम्यः ॥ 22 ॥

जिस थाहरा कोई भै आवै उत्थुआं असें निडर करी देना।
माहनुए पशुए थमां मनै इच भै नेई निर्भयता भरी देना ॥

सुमित्रियाः नः आपः ओषधयः सन्तु दुर्मित्रियाः तस्मै
सन्तु। योऽस्मान् द्वेष्टि यं च वयं द्विष्मः ॥ 23 ॥

साढ़े लेई जल ओषधियां मित्तरें आंगर न ।
जो सभनें नै बैर करै उस लेई नेई होन ॥

तच्चाक्षुर्देवहितं पुरस्ताच्छुक्रमुच्चारत् पश्येम
शरदः शतं जीवेम शरदः शतं शृणुयाम शरदः शतम् ।
प्रब्रवाम शरदः शतमदीनाः स्याम शरदः शतं भूयश्च शरदः शतात् ॥ 24 ॥

देवें दी अक्ख सलक्खनी सूरज निकली आया
सौ ब'रें तक अस इसगी दिखदे गै रौहचै ।
सौ ब'रें दा जीना सुनना बोलना थ्होऐ
सौ ब'रें थमां बद्ध बी जीचै दीन निं होचै ॥



2. प्राणसूक्त

अथर्ववेद, जारमां काण्ड चौथा सूक्त

वेदें इच प्राणविद्या दा वर्णन केई थाहरें थ्हांदा ऐ। अथर्ववेद दे जाहरमें काण्ड दा चौथा सूक्त प्राणसूक्त ऐ जेह्दे छब्बी मन्त्रें इच प्राण दी मैहमा गै बखानी गेदी ऐ। एह सारा संसार प्राण दे अधीन ऐ। उ'ऐ सब दा मालिक ऐ ते उस्सै अन्दर सब किश टिके दा ऐ। सतमें ते अठमें मन्त्रै इच प्राणायाम दियें चौनें स्थितियें दा ब्यौरा ऐ। सतमें मन्त्रै इच प्राण दे च'ऊं रूपें-शरीर दे अंदर जंदे (आयते), शरीर थमां बाहर औंदे (परायते), किश चिर शरीर दे अंदर ठैहरदे (तिष्ठते), ते किश चिर बाहर ठैहरदे (आसीनाय) प्राणें गी नमन कीते दा ऐ। एह चारे स्थितियां पूरक, रेचक, अन्तः कुम्भक ते बाह्य कुम्भक खुआदियां न। अठमें मन्त्रै इच प्राण, अपान, पराचीन ते प्रतीचीन गी नमस्कार कीता गेदा ऐ। प्राण पूरक ऐ जेह्ड़ा शक्ती देने आहली शुद्ध ब्हाऊ गी फेफड़ें तगर पजांदा ऐ, अपान शरीरै दी अशुद्ध ब्हाऊ गी ते मल-मूतर आदि दूशत तत्तें गी बाहर कढदा ऐ। पराचीन बाहरी कुम्भक ऐ ते प्रतीचीन अन्तः कुम्भक ऐ। प्राणायाम राहें शरीरै गी मतियें बमारियें थमां छुटकारा थ्हांदा ऐ इस्सै करी प्राण गी भेषज आखेआ गेदा ऐ। जाहरमें मन्त्रै इच ग्लाए दा ऐ जे प्राण गै रोग ते मौंती दा कारण ऐ। इसदा इ'यै मतलब ऐ जे प्राण ठीक चाल्ली नेई चलन तां रोग आई घेरदे न ते जेल्लै प्राण निकली जान ते मौत आई जंदी ऐ। सोह्लमें मन्त्रै इच च'ऊं किस्में दे इलाज आथर्वणी, आङ्गीरसी, दैवी ते मनुष्यजा दा जिकर ऐ जेह्ड़े प्राण-शक्ती दे होने करी गै असर करदे न। अथर्वा ऋषि ने जि'नें दुआइयें गी तुप्पेआ चलाया उंदे राहें कीता जाने आह्ला इलाज आथर्वणी चिकित्सा ऐ। शरीरै इच रौहने आहले रस राहें कीता जाने आह्ला अङ्गिरा ऋषि द्वारा शुरु कीते दा मानसिक इकाग्रता कन्नै कीता जाने आह्ला इलाज आङ्गीरसी चिकित्सा ऐ। पंजें भूतें अप, तेज, वायु, आकाश ते पृथ्वी राहें कीती जाने आहली प्राकृतिक चिकित्सा गै दैवी चिकित्सा ऐ। मनुक्खें जेहड़ियां दुआइयां तुप्पियां न उं'दे राहें कीती जाने आहली मनुष्यजा चिकित्सा खुआंदी ऐ। पर एह सारियां दुआइयां ते चिकित्सां तां गै बमारी दूर करने च कामयाब होंदियां

न जे शरीरै इच प्राण शक्ति बची दी होऐ। जे प्राण शक्ति गै खातमे पर होऐ तां दुआइयां जां दुए इलाज किश असर नेई करी सकदे। सब चाल्ली दे इलाज प्राणशक्ति दा सहारा लइयै गै चलदे न। अट्टे चक्रें आहली देह प्राण रूपी धुरी उप्पर गै चला करदी ऐ। (अष्टाचक्रं वर्तते एकनेमि 22वां मन्त्र) एह अट्ट चक्र न मूलाधार, स्वाधिष्ठान, मणिपूर, अनाहत, विशुद्ध, जीवन, आज्ञा ते ब्रह्मचक्र। प्राणायाम राहें इनें चक्रें थमां सब शक्तियां थहोंदियां न।

जदूं तगर मनुक्ख जींदा ऐ प्राण म्हेशां अपना कम्म करदे रौहदे न। मनुक्ख दे सुत्ते होने पर बी प्राण ते जागदे रौहदे न। सूरज, चन्द्रमा, मेघ, ब्हा, पृथ्वी सभनें इच प्राण दा तत्त मज्जूद ऐ। सूखम रूपै इच प्राण गै गर्भाशय इच थाहर बनाइयै गर्भ गी पालदा ऐ ते मुड़ियै दूई देह लेइयै ओंदा ऐ। इससै करी प्राण गै सारी श्रिष्टी दा सुआमी ऐ। अथर्ववेद दा एह प्राण सूक्त प्राण दे सब रूपें गी बखानदा ऐ।

अथर्ववेद काण्ड-11 (सूक्त 4)

प्राणाय नमो यस्य सर्वमिदं वशे।

यो भूतः सर्वस्येश्वरो यस्मिन्त्सर्वं प्रतिष्ठितम् ॥ 1 ॥

नमन प्राणरूप उस प्रभु गी सारी दुनियां जेहदे बस इच।
जो सभनें दा मालिक ते सारे गै टिके दे जेहदे अंदर॥

नमस्ते प्राण क्रन्दाय नमस्ते स्तनयित्वै।

नमस्ते प्राण विद्युते नमस्ते प्राण वर्षते ॥ 2 ॥

यत्प्राण स्तनयित्नुनाऽभिक्रन्दत्योषधीः।

प्र वीयन्ते गर्भान्दधतेऽथो बह्वीर्वि जायन्ते ॥ 3 ॥

नमन मेघरूपप्राणें गी गर्जदे लिशकदे बरखा करदे।
जिं'दी गर्ज ते बरखा करि सब ओषधियां ते अन्न उपजदे॥

यत्प्राण ऋतावागतेऽभिक्रन्दत्योषधीः।

सर्वं तदा प्र मोदते यत्किंच भूम्यामधि ॥ 4 ॥

इस धरती दे सब्भै प्राणी बरखा रितु दे आई पुज्जने पर।
खिड़ी-खिड़ी पौंदे नंद मनांदे सब ओषधियें दे खिड़ने पर॥

यदा प्राणो अभ्यवर्षीद्वर्षेण पृथिवीं महीम् ।

पशवस्तत्प्र मोदन्ते महो वै नो भविष्यति ॥ 5 ॥

मेघरूप प्राण बरखा करी धरती गी खुशहाल बनांदे ।

पशु-पखेरु नच्ची टप्पी, मौज ते मेले खूब मनांदे ॥

अभिवृष्टा ओषधयः प्राणेन समवादिरन् ।

आयुर्वै नः प्रातीतरः सर्वा नः सुरभीरकः ॥ 6 ॥

बरखा नै सिजियां औशधियां मेघप्राण गी आखा करदियां ।

तुसैं गै साढ़ी उमर बधाई अंग-अंग खुशबुआं भरियां ॥

नमस्ते अस्त्वायते नमो अस्तु परायते ।

नमस्ते प्राण तिष्ठत आसीनायोत ते नमः ॥ 7 ॥

अन्दर जंदे बाहरै औंदे कुम्भक रेचक प्राण खुआंदे ।

किश चिर अंदर-बाहर ठैहरी प्राणायाम रूप बनी जंदे ॥

नमस्ते प्राण प्राणते नमो अस्त्वपानते ।

पराचीन ते नमः प्रतीचीनाय ते नमः सर्वस्मै त इदं नमः ॥ 8 ॥

नमन प्राण गी ते अपान गी नमन व्यान गी ते समान गी ।

इस जिंदू गी जिंदा रखदे सब रूपें इच नमन प्राण गी ॥

या ते प्राण-प्रिया तनूर्या ते प्राण प्रेयसी ।

अथो यद् भेषजं तव तस्य नो धेहि जीवसे ॥ 9 ॥

तेरे करी एह देह सन्हाकड़ी, तेरी ते सभनें दी प्यारी ।

तूं गै औशध तेरी मदती जीचै अस एह जिंदड़ी सारी ॥

प्राणः प्रजा अनु वस्ते पिता पुत्रमिव प्रियम् ।

प्राणो ह सर्वस्येश्वरो यच्च प्राणति यच्च न ॥ 10 ॥

जिं'यां बब्ब बेटे गी खट्टै, इ'यां प्राण ने परजा खट्टी ।

उ'ऐ मालिक जड़ चेतन दा, जीव, फ्हाड़, नदियां ते मिट्टी ॥

प्राणो मृत्युः प्राणस्तक्मा प्राणं देवा उपासते ।

प्राणो ह सत्यवादिनमुत्तमे लोके आ दधत् ॥ 11 ॥

प्राण गये जे आई मौत, प्राण करस्तै पे ते रोग ।

प्राणसाधना सच्चे-सुच्ये गी दिंदी ऐ उत्तमलोक ॥

प्राणो विराट् प्राणो देष्ट्री प्राणं सर्व उपासते ।

प्राणे ह सूर्यश्चन्द्रमाः प्राणमाहुः प्रजापतिम् ॥ 12 ॥

प्राण विराट् गी सब्भै पूजन, प्राण गै प्रेरक ते उपदेशक ।

प्राण गै सूरज, प्राण चन्द्रमा, प्राण प्रजापति सिश्टी सिरजक ॥

प्राणापानौ ब्रीहियवावनड्वान् प्राण उच्यते ।

यवे ह प्राण अहितोऽपानो ब्रीहिरुच्यते ॥ 13 ॥

जिंदू दा रथ प्राण गै खिचदे, प्राण अपान दमें रूपें इच ।

जौ दे सत्तू चौलें दा भत्त, प्राण अपान रौहन ई'दे इच ॥

अपानति प्राणति पुरुषो गर्भे अन्तरा ।

यदा त्वं प्राण जिन्वस्यथ स जायते पुनः ॥ 14 ॥

जीव बी प्राण अपान दे राहें गर्भाशय बिच थाहर बनांदा ।

प्राण तूं उल्लै पाली पोसी मुड़ी धरती ते जनम दोआंदा ॥

प्राणमाहुर्मातरिश्वानं वातो ह प्राण उच्यते ।

प्राणो ह भूतं भव्यं च प्राणे सर्वं प्रतिष्ठितम् ॥ 15 ॥

प्राण मातरिश्वा ईश्वर ते प्राण फनाका ब्हाऊ दा ।

प्राण भूत ते वर्तमान, सब किश प्राण टकाऊ दा ॥

आथर्वणीराङ्गीरसीर्देवीर्मनुष्यजा उत ।

ओषधयः प्र जायन्ते यदा त्वं प्राण जिन्वसि ॥ 16 ॥

चौनें किस्में दे इलाज बी प्राण चले तां चलदे न ।

ओषधियें दे बूहटे बी जे प्राण चले तां फलदे न ॥

यदा प्राणे अम्यवर्षीद्वर्षेण पृथिवीं महीम् ।
ओषधयः प्र जायन्तेऽथो याःकाश्च वीरुधः ॥ 17 ॥

मेघ प्राण जद धरती उप्पर बरखा शैल बरूहांदे न ।
तां गै फुटदे डूर ते बेलां-बूहटे जीना पांदे न ॥
यस्ते प्राणेदं वेद यस्मिंश्चासि प्रतिष्ठितः ।
सर्वे तस्मै बलिं हरानमुष्मिँल्लोक उत्तमे ॥ 18 ॥

जिन तु'दी मैहमां जानी, जि'ने प्राणसाधना कीती ।
उस ग्यानी लेई देवें उत्तम लोक इच भेंट ऐ अर्पन कीती ॥

यथा प्राण बलिहतस्तुम्यं सर्वाः प्रजा इमाः ।
एवा तस्मै बलिं हरान्यस्त्वा शृणवत्सुश्रवः ॥ 19 ॥

प्राणप्रभु एह सारियां परजां जियां तुसेंगी दिन्दियां भेटां ।
उ'आं गै तु'दी बाणी गी सुनने आहले गी दिन्दियां भेटां ॥

अन्तर्गर्भश्चरति देवतास्वाभूतो भूतः स उ जायते पुनः ।
स भूतो भव्यं भविष्यत्पिता पुत्रं प्र विवेशा शचीभिः ॥ 20 ॥

देवें अंदर बिचरन करदा प्राण एह मुड़ियै देह इच औंदा ।
भविक्ख ते वर्तमान इच ब्यापै जि'यां बब्ब-बेटे इच रौंहदा ॥

एकं पादं नोत्खिदति सलिलाद्धंस उच्चरन् । यदङ्ग स
तमुत्खिदेन्नैवाद्य न श्वः स्यान्न रात्री नाहः स्यान्न व्युच्छेत्कदा चन ॥ 21 ॥

सूर्यात्मा प्राण दा इक पैर ऐ टिके दा जे ओह लै चुक्की ।
नां अज्ज कल दिन रात प्रभात सब काल बंड गै जा मुक्की ॥

अष्टाचक्रं वर्तत एकनेमि सहस्राक्षरं प्र पुरो नि पश्चा ।
अर्थेन विश्वं भुवनं जजान यदस्यार्धं कतमः स केतुः ॥ 22 ॥

अट्ट चक्के दी देह टुरा, दी अगें-पिच्छें प्राणधुरी ते ।
इक हिस्सें प्रभु जगत, सिरजेआ, प्रकाशरूप ऐ दुएं हिस्सें ॥

यो अस्य विश्वजन्मन ईशो विश्वस्य चेष्टतः।
अन्येषु क्षिप्रधन्वने तस्मै प्राण नमोऽस्तुते ॥ 23 ॥

जनम लेइयै केई कर्म गी करने आहलें दे तुस स्वामी।
सभनें इच ओ ब्यापे प्राणप्रभु, नमन तुसें गी नमन तुसें गी।

यो अस्य सर्वजन्मन ईशो सर्वस्य चेष्टतः।
अतन्द्रो ब्रह्मणा धीरः प्राणो मानुतिष्ठतु ॥ 24 ॥

सब जनमें इच सबकर्म गी करदे प्राणीजगत दे स्वामी।
संग र'वो म्हाड़े तुस धीरज ते संदोख देने इच नामी ॥

ऊर्ध्वः सुप्तेषु जागार ननु निर्यङ् नि पद्यते।
न सुप्तमस्य सुप्तेष्वनु शुश्राव कश्चन ॥ 25 ॥

प्राणी भाएं सुत्ते होन, प्राण म्हेशां रौह्न जागदे।
कदे नीं सौना उं'दा सुनेआ प्राणी-देह गी उ'ऐ सांभदे ॥

प्राण मा मत्पर्यावृतो न मदन्यो भविष्यसि।
अपां गर्भमिव जीवसे प्राण बध्नामि त्वा मयि ॥ 26 ॥

प्राण र'वो तुस म्हाड़े कनै म्हाड़े शा बक्खरे नेई होवो।
जि'यां पानिये इच बड़वानल इ'यां गै म्हाड़े अन्दर होवो ॥



3. ब्रह्मचर्य सूक्त

अथर्ववेद दे जाहरमें काण्ड दे पजमें सूक्त इच ब्रह्मचर्य ते ब्रह्मचारी दी मैहमा दा वर्णन ऐ। ब्रह्म दा अर्थ ऐ बड्डा, महान् ते ग्यान। ईश्वर सभनें थमां बड्डा ते सब किश जानने आह्ला ऐ इस करी उसी ब्रह्म आखदे न। तंगदिली थमां उप्पर उठियै अपने गी उदार बनाना, सभनें दा भला सोचना ते करना गै इन्सान दी बडेआई ऐ। ग्यान पाने लेई ते महान् बनने लेई मन ते इन्द्रियें गी संजम इच रक्खियै गुरु दे आश्रम इच रौहने आहले विद्यार्थी गी ब्रह्मचारी गलाया जंदा ऐ। इस सूक्त इच ब्रह्मचारी ते ओहदे ब्रह्मचारी गुरु दी मैहमा दा सरोखड़ वर्णन ऐ। गुरु विद्यार्थी दी त्रौं दिनें तगर परीख्या लैदा ऐ ते ओहदी लगन दिक्खियै गै उसी विद्या दिंदा ऐ। जि'यां जगग करने आह्ला जजमान समिधां कनै अग्नी प्रज्वलत करदा ऐ उ'आं गै गुरु ब्रह्मचारी दी लगन तपस्या ते मेहनत दियां समिधां प्रज्वलत करी दिंदा ऐ। विद्यार्थी धरती ते गासा दा ग्यान पाइयै उसी संभाली रखदा ऐ तां जे उसी अगली पीढ़ी तगर पजाई सकै। जिंदू दे पैहले पंजीह ब'रै ब्रह्मचर्य आश्रम होंदा ऐ। उस दे परैत गृहस्थ आश्रम इच जाइयै बी मन ते इन्द्रियें गी खु'ल्ली छुट्ट नेई देनी लोड़चदी। इस सूक्त इच गलाए दा ऐ जे शासक ब्रह्मचर्य दी ताकत कनै गै राश्ट्र दी रक्खेआ करी सकदा ऐ। संजमी आचार्य गी गै मते ब्रह्मचारी थहोंदे न। कन्या बी ब्रह्मचर्य दा पालन करियै जुआन पति गी प्राप्त करदी ऐ। इन्द्र ब्रह्मचर्य राहें सुर्ग इच देवें गी आहनदा ऐ। देवताएं ब्रह्मचर्य राहें मौती गी जित्तेआ ऐ। ब्रह्मग्यान गी पाइयै ब्रह्मचारी मते गुनें गी धारन करदा ऐ ते ओह ग्यान सभनें इच बंडदा ऐ।

ब्रह्मचर्य सूक्त

(अथर्ववेद, काण्ड 11, सूक्त 5)

ब्रह्मचारी इष्णन् चरति रोदसी उभे तस्मिन् देवाः संमनसः भवन्ति ।

स दाधार पृथिवीं दिवं च सः आचार्य तपसा पिपतिं ॥1॥

ब्रह्मचारी दमें लोकें इच विचरन करदा
तां जे धरती गासै दा ओह पाई लै ग्यान।
बड़े बड़े विद्वान् बी उसदी मदती औंदे।
तप कनै गुरु गी दिंदा सन्तोख महान्॥

ब्रह्मचारिणं पितरः देवगणाः पृथक् देवा अनुसंयन्ति सर्वे ।
गन्धर्वाः एनमन्वायन् त्रयः त्रिंशत् त्रिशता षट्सहस्रा सर्वान् सः
देवान् तपसा पिपर्ति ॥ 2 ॥

जिन्दी गिनतरी त्रीहें सैंकड़ें ज्हारें हुन्दी
पितर, देव, गुरुजन ते सोहगे कलाकार।
सभनें गी तप कनै दिंदा ओह सन्तोख
जो बी देने इ ग्यान ब्रह्मचारी गी त्यार॥

आचार्यः उपनयमानः ब्रह्मचारिणं कृणुते गर्भम् अन्तः ।
तं रात्रीः तिस्रः उदरे बिभर्ति, तं जातं द्रष्टुभमिसंयन्ति देवा ॥ 3 ॥

ब्रह्मचारी गी गुरु जनेऊ पांदे मौके
त्रै रातां कनै रखदा परीख्या लैन्दा।
भी उसगी विद्वान् गुरुजन दिक्खन औंदे
जियां माऊ दे ढिड्डा जागत पैदा हुंदा॥

इयां समित् पृथिवी, द्यौः द्वितीया, उत् अन्तरिक्षं समिधा पृणाति ।
ब्रह्मचारी समिधा मेखलया श्रमेण लोकान् तपसा पिपर्ति ॥ 4 ॥

धरती दी पैहली समिधा, द्युलोक दी दूई
अन्तरिक्ष दी त्री समिधा नै सिश्टी चलदी।
ब्रह्मचारी दियां तप, ब्रह्म ते मेहनत समिधां
शैल भखदियां तां जिंदड़ी दी जोत चमकदी॥

पूर्वः जातः ब्रह्मणः ब्रह्मचारी घर्म वसानः तपसा उदतिष्ठत् ।
तस्मात् जातं ब्राह्मणं ब्रह्म ज्येष्ठं देवाश्च सर्वे अमृतेन साकम् ॥ 5 ॥

ब्रह्मग्यान गी पाना चाहे जे ब्रह्मचारी
 लगन तपस्या लई इक त्रिखी तांहग लोड़दी।
 राह तपस्या दी गै दिंदी उच्चा ग्यान
 उ'ऐ अमरता ते देवें दे संग जोड़दी॥

ब्रह्मचारी एति समिधा समिद्धः कार्ष्ण वसानः दीक्षितः दीर्घश्मश्रु।
 स सद्यः एति पूर्वस्मात् उत्तरं समुद्रं लोकान् संगृह्य मुहुः आचरिक्कत् ॥ 6 ॥

दीक्षित होइयै शैल चमकदा समिधा कनै
 लम्मी दाढ़ी दुर्बल देह ते सूरत सादी।
 इक समुद्र चा निकली दूए अल्ल जा करदा
 लोकें गी कर किट्टा करदा ग्यान-मुनादी॥

ब्रह्मचारी जनयन् ब्रह्म अपः लोकं प्रजापतिं परमेष्ठिनं विराजम्।
 गर्भः भूत्वा अमृतस्य योनौ इन्द्रः ह भूत्वा असुरान् ततर्ह ॥ 7 ॥

ब्रह्मचारी अमृतविद्या दे गर्भ इच रहियै, ब्रह्मज्ञानी बनियै विराट लोक इच जम्मेआ।
 प्रजापतिः परमेष्ठी ते इन्द्र पद पाइयै, आसुरी भावें गी ब्रह्मचारी ने थ'म्मेआ॥

आचार्यः ततक्ष नभसी उभे इमे उर्वी गम्भीरे पृथिवीं दिवं च।
 ते रक्षति तपसा ब्रह्मचारी तस्मिन् देवाः संमनसः भवन्ति ॥ 18 ॥

आचार्य ने दमें लोकें दा ग्यान तपाशी
 पृथिवी ते द्युलोक तराशी अगगे रक्खे।
 ब्रह्मचारी तप राहें ग्यान दी रक्खेआ करदा
 सभै देव विद्वान् समर्थन उसदा करदे॥

इमां भूमिं पृथिवीं ब्रह्मचारी भिक्षाम् अजभार प्रथमः दिवं च।
 ते कृत्वा समिधौ उप आस्ते तयोः अर्पिता भुवनानि विश्वा ॥ 9 ॥

पैहलें ते ब्रह्मचारी गी दौनें लोकें दा
 ग्यान एह सारा भिक्षारूपै इच गै थ्होआ।
 ब्रह्मचारी ने किट्टे न्हाइयै लोकें च दित्ता
 जिंदे राहें ग्यान एह दुनियां इच बंडोआ॥

अर्वाक् अन्यः परः अन्यः दिवः पृष्ठात् गुहा निधी निहितौ ब्राह्मणस्य ।
तौ रक्षति तपसा ब्रह्मचारी तत् केवलं कृणुते ब्रह्म विद्वान् ॥ 10 ॥

भूमिलोक ते द्युलोक दी पिट्ठी थमां जो
ग्यान खजाना थोआ केवल ब्रह्मचारी गी ।
उस ने तप करियै ओह ग्यान बचाई रखेआ ।
तां जे मिली सकै विद्या अगली पीढ़ी गी ॥

अर्वाक् अन्यः इतः अन्यः पृथिव्या अग्नी समेता नभसी अन्तरा इमे ।
तयोः श्रयन्ते रश्मयः अधिदृढाः तानातिष्ठति तपसा ब्रह्मचारी ॥ 11 ॥

धरती ते अग्नि दियां किरणां खूब लिश्कदियां
द्युलोक इच लिश्कन चन्न सूरज दियां किरणां ।
एह सब अपने-अपने थाहर चमकदियां
इ 'नें गी करदियां मात ब्रह्मचारी दियां किरणां ॥

अभिक्रन्दन्, स्तनयन् वरुणः शितिङ्गः बृहत्शेषः अनु भूमौ जभार ।
ब्रह्मचारी सिञ्चति सानौ रेतः पृथिव्यां तेन जीवन्ति प्रदिशः चतस्रः ॥ 12 ॥

जि 'यां कड़कदा गर्जन करदा काला बद्दल
भूमि पर ब 'रदा उसी उपजाऊ करदा ।
उ 'आं गै ब्रह्मचारी ब्रह्मग्यान दी ताकत
धरती पर्वत चौनें पास्सै सब गी बंडदा ॥

अग्नौ सूर्ये चन्द्रमसि मातरिश्वन् ब्रह्मचारी अप्सु समिधमादधाति ।
तासामर्चीषि पृथक् अभ्रे चरन्ति तासामाज्यं पुरुषः वर्ष आपः ॥ 13 ॥

जेल्लै ब्रह्मचारी अग्नी इच समिधां रखदा ।
ब्लाऊ कन्नै ज्वाला घ्यो दी भाप बनाइयै
सूरज चन्न ते बदलें ताई लेई जंदियां
पही बनी पानी धरती पर फुंगां बरहांदियां ॥

आचार्यः मृत्युः वरुणः सोमः ओषधयः पयः ।
जीमूताः आसन् सत्वानः तैरिदं स्वः आभृतम् ॥ 14 ॥

मृत्युः वरुण सोम औशधि दुद्ध ते बदल
एह सारे गुन गुरुकुल दे गुरु इच रौहदे न।
ओह दिंदा एह सबै गुन अपने शिष्ये गी
तां गै उंदे जीवन यज्ञ सफल होन्दे न॥

अमा घृतं कुणुते आचार्य भूत्वा वरुणः यत् यत् ऐच्छत् प्रजापतौ।
तत् ब्रह्मचारी प्रायच्छत् स्वान् मित्रः अधि आत्मन ॥ 15 ॥

गुरु बनांदा गुरुकुल गी पुष्टिदायक घर
सब दे पालन लई वरुण ओह जे किश चांहदा।
ब्रह्मचारी गुरु दा आखा सिर मत्थै रक्खी
मित्रे लई अपने लई गुरु लई सब लेई औंदा ॥

आचार्यः ब्रह्मचारी ब्रह्मचारी प्रजापतिः।
प्रजापति विराजति विराट् इन्द्र अभवत् वशी ॥ 16 ॥

आचार्य बी होए ब्रह्मचारी ते ब्रह्मचारी राजा बी होए।
तां गै इन्द्र विराट बने ते परजा उसदे बस इच होए ॥

ब्रह्मचर्येण तपसा राजा राष्ट्रं विरक्षति।
आचार्यः ब्रह्मचर्येण ब्रह्मचारिणम् इच्छते ॥ 17 ॥

ब्रह्मचर्य दे बल कनै गै राजा राष्ट्र दी रक्षा करदा।
आचार्य बी ब्रह्मचर्य राहें ब्रह्मचारी गी घड़दा ॥

ब्रह्मचर्येण कन्या युवानं विन्दते पतिम्।
अनड्वान् ब्रह्मचर्येण अश्वः घासं जिगीर्षति ॥ 18 ॥

ब्रह्मचर्य पूरा करी कन्या ब्रह्मचारी मरहाज गी पाऽ।
ब्रह्मचर्य दे बल घोड़ा घा खाई जंग जितने गी जाऽ ॥

ब्रह्मचर्येण तपसा देवा मृत्युम् अपाध्नत।
इन्द्रः ह ब्रह्मचर्येण देवेभ्यः स्वः आभरत ॥ 19 ॥

ब्रह्मचर्यं दे तप कनै देवें मौती गी जित्ती लेआ।
ब्रह्मचारी इन्दर ने देवें कनै सुर्ग गी भरी लेआ।

ओषधयः भूतभव्यं अहोरात्रे वनस्पतिः।
संवत्सरः सह ऋतुभिः ते जाताः ब्रह्मचारिणः ॥ 20 ॥

वनस्पतियां ते ओषधियां भूतभविक्ष्व दिनरात।
ऋतुं दे संग संवत्सर सब ब्रह्मचारी दे साथ ॥

पार्थिवाः दिव्याः पशवः आरण्याः ग्राम्याः च ये।
अपक्षा पक्षिणः च ये ते जाताः ब्रह्मचारिणः ॥ 21 ॥

धरती द्युलोक दे प्राणी जंगलें ते ग्रांएं दे वासी।
पशु पखेरु सब्भै होई जंदे ब्रह्मचारी दे साथी ॥

पृथक् सर्वे प्राजापत्याः प्राणान् आत्मसु बिभ्रति।
तान् सर्वान् ब्रह्म रक्षति ब्रह्मचारिणि आभृतम् ॥ 22 ॥

प्रजापति ने पैदा कीते जो बी प्राणी,
ब्रह्मचारी उन सब गी अपने अन्दर रखदा।
ब्रह्मचारी ने जिन सब गी धारण कीते दा,
ब्रह्मग्यान गै उन सब दी रक्षा ऐ करदा ॥

देवानामेतत् परिवृतम् अनभ्यारूढं चरति रोचमानम्।
तस्माज्जातं ब्राह्मणं ब्रह्म ज्येष्ठं देवाः च सर्वे अमृतेन साकम् ॥ 23 ॥

दिब्ब गुनें भरेआ ब्रह्मचारी कुतै नई दबदा।
ब्रह्मग्यान दा अमृत लई देवें संग जुड़दा ॥

ब्रह्मचारी ब्रह्म भ्राजत् बिभर्ति तस्मिन् देवा अधि विश्वे समोताः।
प्राणापानौ जनयन् आत् व्यानं वाचं मनः हृदयं ब्रह्म मेधाम् ॥ 24 ॥

सारे दिब्ब गुण ब्रह्मचारी दे अंदर ओँदे, जेल्लै, उज्जवल ब्रह्मग्यान ओह धारण करदा।
प्राणापान व्यान दी ताकत पैदा करियै, वाणी हिरदे च मेधा दा ग्यान देई सकदा ॥

चक्षु श्रोत्रं यशः अस्मासु धेहि अन्नं रेतः लोहितम् उदरम् ॥ 25 ॥

अक्खां कन्न अन्न ढिड्डु रगत ते वीरज दा बी
ग्यान असें गी दे ते फही यश बी थहोऐ।

तानि कल्पत् ब्रह्मचारी सलिलस्य पृष्ठे तपः अतिष्ठत् तप्यमानः समुद्रे।
सः स्नातः बभ्रुः पिंगलः पृथिव्यां बहु रोचते ॥ 26 ॥

ग्यान दे सागर इच तप करियै जेल्लै स्नातक होई निकलदा।
भूरा लाल होई धरती पर ब्रह्मचारी ओह् खूब चमकदा ॥



4. योग

यजुर्वेद दे जाहरमें ध्याऽ दे शुरू दे चौहदें मेंतरें च योग दी चर्चा बीज रूपै च कीती गेदी ऐ जेहदी बिस्तार कनै व्याख्या पतञ्जलि दे योग सूत्रें च ऐ। पैहले मेंतर च गै आखै दा ऐ जीवात्मा गी तत्त तुप्पने लेई मन ते बुद्धि गी योग इच गै लाना पौंदा ऐ। पैहले मनै दे संकल्पें गी थ'म्मना ते फही मस्तिष्क थमां निकलदियें धारणाएं जां (धियः) चित्तबिरतियें गी रोकना एह गै योग ऐ जेहदे कनै आत्मा अपने सरूप इच टिके दा नजरी औन लगदा ऐ। चित्त बिरतियें गी रोकने दा इक उपाऽ ऐ ईश्वरप्रणिधान। चौथे मेंतर च इस दा जिकर ऐ। आखे दा ऐ जे ग्यानी लोक उस सर्वग्यानी, सारी स्त्रिष्टी दे यज्ञ गी चलाने वाले ब्रह्म दी मैहमा दा ध्यान करियै मन ते बुद्धि गी काग्र करदे न।

युञ्जानः प्रथमं मनस्तत्त्वाय सविता धियः।

अग्नेर्ज्योतिर्निचाय्य पृथिव्याऽअध्याभरत् ॥ 1 ॥

जीवात्मा ने तत्त तुप्पने लेई मन बुद्धि गी योग च लाइयै।
विशे भोग दुनिया दे तज्जे ब्रह्माग्नि दी जोत जगाइयै॥

युक्तेन मनसा वयं देवस्य सवितुः सवे।

स्वर्गाय शक्त्या ॥ 2 ॥

स्रष्टा दी इस स्रिष्टी गी अस सुर्ग बनाने दी इच्छेआ करचै
सविता देव दी प्रेरणा नै योग दी शक्ती मनै च भरचै॥ 2 ॥

युक्त्वाय सविता देवान्स्वर्यतो धिया दिवम्।

बृहज्योतिः करिष्यतः सविता प्रसुवाति तान् ॥ 3 ॥

योग दा चानन करने आहले आत्मसाधना इच रुज्जे दे।
देवें गी द्युलोकप्राप्ति लेई प्रेरत करदा रौंहदा सविता॥ 3 ॥

युञ्जते मनऽउत युञ्जते धियो विप्रा विप्रस्य बृहतो विपश्चितः ।

वि होत्रा दधे वयुनाविदेकऽइन्मही देवस्य सवितुः परिष्टुतिः ॥ 4 ॥

करी इकागर मन ते बुद्धि सर्वग्यानी दे ग्यान गी जानो
इक्कलै जिस धारी दी दुनियां उस सविता दी स्तुति बखानो ॥ 4 ॥

युजे वां ब्रह्म पूर्वं नमोभिर्वि श्लोकऽएतु पथ्येव सूरैः ।

शृण्वन्तु विश्वे अमृतस्य पुत्राऽआ ते धामानि दिव्यानि तस्थुः ॥ 5 ॥

सुनी लैओ सब अमृतपुत्रो पुज्जी गे जो उच्चे थाहर ।

नर नारी सब जुड़ो ब्रह्म नै मैहमा गाओ अन्दर बाहर ॥ 5 ॥

यस्य प्रयाणमन्वन्यऽ इद्ययुर्देवा देवस्य महिमानमोजसा

यः पार्थिवानि विममे सऽएतशो रजांसि देवः सविता महित्वना ॥ 6 ॥

जिंदी बत्ता देव चलादे जिंदी चमक करी चमकादे ।

पृथ्वी ते द्युलोक बनाइयै जो इं'दे अंदर बस्सादे ॥ 6 ॥

देव सवितः प्रसुव यज्ञं प्रसुव यज्ञपतिं भगाय ।

दिव्यो गन्धर्वः केतपूः केतं नः पुनातु वाचस्पति र्वाचं न स्वदतु ॥ 7 ॥

हे प्रेरक प्रभु! यज्ञपति गी प्रेरियै योग दा यज्ञ रचाओ ।

पावक! बुद्धि करो पवित्तर सच्चे मिट्टे बोल बुलाओ ॥

इमं नो देव सवितर्यज्ञं प्रणय देवाव्यं सखिविदं सत्राजितं धनजितं स्वर्जितम्

ऋचा स्तोमं समर्धय गायत्रेण रथन्तरं बृहद् गायत्रवर्त्तनि स्वाहा ॥ 8 ॥

सुखसंपत ते गुणी मितरें दे दाता योग गी इ'यां बधाओ

ऋग्गायत्र ते स्वाहा राहें धरती दा रथ शैल चलाओ

देवस्यत्वा सवितुः प्रसवेऽश्विनो बाहुभ्यां पूष्णो हस्ताभ्यां

आददे गायत्रेण छन्दसाङ्गिरस्वत् पृथिव्याः सधस्थादग्निं

पुरीष्यमङ्गिरस्वदाभर त्रैष्टुभेन छन्दसाङ्गिरस्वत् ॥ 9 ॥

सविता दी इस म्रिष्टी अंदर मन वाणी ते कर्म कन्ने

प्राण अपान गी बस इच करियै योगयज्ञ अस शैल रचाचै

मत बुद्धि दा मेल कराइयै गाई गायत्री अगग भखाचै
धरती पर मिली रौहने आहले सब जीवें गी सुखी बनाचै ॥ 9 ॥

अभिरसि नार्यसि त्वया वयमग्निं शकेम खनितुं सधस्य आ ।

जागतेन छन्दसाङ्गिरस्वत् ॥ 10 ॥

में माहनू आत्माग्नि तुप्पनां, तेरे बिन एह करी नई सकनां ।

नारी तूं खुरपी ऐं जेहदे ने अध्यात्तम खोदी सकनां ॥ 10 ॥

हस्त आधाय सविता बिभ्रदभिं हिरण्ययीम्
अग्ने ज्योतिर्निचाय्य पृथिव्या अध्याभदानुष्टुभेन छन्दसाङ्गिरस्वत् ॥

हत्थ सनैहरी खुरपी फड़ियै माहनू ने अध्यात्तम पाया ।
दमें मिलियै ओहदी लोई कनै धरती गी लिशकाया ॥

प्रतूर्त्तं वाजिन्नाद्रव वरिष्ठामनु संवतम् ।
दिवि ते जन्म परमन्तरिक्षे तव नाभिः पृथिव्यामधि यो रि त्

जून मनुक्खी इच गै योद्धा योग दी बत्ता गैं बधाऽ ।
द्युमस्तिष्क श्वां श्चोए जोती हिरदेगास इच प्रभु गी पाऽ ॥

युञ्जाथां रासभं युवमस्मिन् यामे वृषण्वम् ।

अग्निं भरन्तमस्मयुम् ॥ 13 ॥

यम नियमें दा पालन करियै सुख संतोख बर्हाने आले
समझाओ तुस मिट्टड़े बोलें सब गी योग दे भेत नराले ॥

योगेयोगे तवस्तरं वाजे वाजे हवामहे ।

सखाय इन्द्रमूतये ॥ 14 ॥

योग दी बत्ता दे अस साथी, औख जे इस बत्ता कोई लब्धै ।
बिनती प्रभु दे अगें करदे उ'आ सज्जै उ'आ खब्बै ॥



5. परिवार

यजुर्वेद दे पञ्जमें ध्याऽ इच परिवार गी सुर्ग बनाने आहले पति पत्नी दे गुणें दी चर्चा कीती गेदी ऐ। सुखी परिवारें राहें गै पूरा संसार सुख शांति प्राप्त करी सकदा ऐ। इक-दुए आस्तै सच्चा सुच्चा हिरख रक्खने आहले पति-पत्नी दा वर्णन इ'नें मैतरें च थ्हांदा ऐ।

अग्नेस्तनूरसि विष्णावे त्वा सोमस्य तनूरसि विष्णावे
त्वातिथेरातिथ्यसि विष्णावे त्वा श्येनाय त्वा सोमभृते
विष्णावे त्वाग्नये त्वा रायस्पोषसदे विष्णावे त्वा ॥ यजु 5.1 ॥

तू करदी बस्तार प्रेम दा तू करदी बस्तार शांति दा
तू परौहनाचारी परौहनें दी आत्मोन्नति लई तुगी बरेआ।
विष्णु जेहड़ा शांति दिंदा सभनें ऐश्वर्ये गी दिंदा।
उस विष्णु गी पाने लई तुंदे हिरखै दी बत्त गी फड़ेआ ॥

अग्नेर्जनित्रमसि वृषणौ स्थ उर्वश्यस्यायुरसि पुरुरवा असि।
गायत्रेण त्वा छन्दसा मन्थामि त्रैष्टुभेन त्वा छन्दसा
मन्थामि जागतेन त्वा छन्दसा मन्थामि ॥ 5.2 ॥

तू उर्वशी हिरखै नै म्हाड़ा मन बस्सै च करने आहली
पुरुरवा ग्यानी तुस हिरख जगाने आहले, जीन ओ म्हाड़ा।
इक-दूए शा ग्यान ते हिरख दी ताकत लइयै मन्थन करचै
सुख शांति ऐश्वर्य जो थ्होऐ मिलियै जग इच बंडचै सारा ॥

भवतं नः समनसौ सचेतसावरेपसौ
मा यज्ञं हिंसिष्टं मा यज्ञपतिं जातवेदसौ शिवौ भवतमद्य नः ॥ 5.3 ॥

तुस दम्पति दमें ग्यानी निरमल शिवसंकल्पें आहले
तन मन आत्मा निर्मल रक्खियै सभनें दा कल्याण गै करेओ।
तां गै सफल होग एह जिन्दड़ी तां गै आत्मा रौहग पवित्तर
जीवन यज्ञ ते यज्ञपति आत्मा दी हानि कदें निं करेओ ॥

अग्नावग्निश्चरति प्रविष्ट ऋषीणां पुत्रो अभिशस्तिपावा ।
स नः स्योनः सुयजा यजेह देवेभ्यो हव्यमप्रयुच्छन्त्स्वाहा ॥ 5.4 ॥

इक आत्माग्नि पति जां पत्नी दूए आत्माग्नि बिच मिलियै
रिशियें दा अनुयायी बनियै सब विध्नें शा रक्षा करदा ।
सभनें लई सुखकारी दिब्ब गुणें कनै जीवन गी भरियै
शैल बचारे दी हवि पाइयै चौनें पाससें रोशन करदा ॥ यजु 5.4 ॥

आपतये त्वा परिपतये गृह्णामि तनूनब्रे शाक्वराय शक्वन ओजिष्ठाय ।
अनाघृष्टमस्यानाघृष्यं देवानामोजोऽनभिशास्त्यभिशास्तिपा
अनभिशास्तेन्यमञ्जसा सत्यमुपगेषं स्विते मा धाः ॥ 5.5 ॥

च 'ऊं' पासेआ अपनी रक्षा लई जिंदू दी बेड़ी नेने लई
में बरेआ तुगी आत्मा ते शरीर दी शक्ति पाने लई ।
सब विध्नें दा नाशक, दिब्ब गुणें दी रक्षा करने आह्ला
तूं ओजस्वी, तुगी में बरेआ सच्च दी बत्ता जाने लई ॥

अग्ने व्रतपास्त्वे व्रतपा या तव तनूरियं सा मयि यो मम तनूरेषा सात्वयि ।
स नौ व्रतपते व्रतान्यनु मे दीक्षां दीक्षापतिर्मन्यतामनु तपस्तपस्पतिः ॥ 5.6 ॥

तुस पालमां व्रतनिजमें दी करने ते करोआने आहले
म्हाड़ी जिंदड़ी तुं'दी जिंदड़ी, तुं'दी जिंदड़ी जिंदड़ी म्हाड़ी ।
दौनें दे व्रत निजम बी सांझे, दीक्षा सांझी तप बी सांझा
दीक्षापति ते तपस्पति! स्वीकारेओ तप ते दीक्षा म्हाड़ी ॥

अंशुरंशुष्टे देव सोमाप्यायतामिन्द्रायैकधनविदे ।
आ तुभ्यमिन्द्रः प्यायतामा त्वमिन्द्राय प्यायस्व ॥
आप्पाययास्मान्तसखीन्तसन्या मेधया स्वस्ति
ते देव सोम सुत्यामशीय । एष्टा रायः प्रेषे भगाय
ऋतमृतवादिभ्यो नमो द्यावापृथिवीभ्याम् ॥ यजु 5.7 ॥

जतन करा दी जो परमेशर गी मिलने दा ओह
म्हाड़ी आत्मा तुं'दे लेई ते तुंदी आत्मा म्हाड़े लई ।

अ'ऊं बी भोगां तुस बी भोगो मित्तर जन बी भोगन सारे
अध्यातम ते दुनियावी ऐश्वर्य मिले जो स्हाड़े लई।
धन्न तु'दियां ग्यान रश्मियां धन-धन तुंदी मेधा बी
नमस्कार तुं'दे मां-बब्बै ते सच्चे आचार्ये लई ॥

या ते अग्नेऽयःशया तनूर्वर्षिष्ठा गह्वरेष्ठा।
उग्रं वचो अपावधीत्त्वेषं वचो अपावधीत्स्वाहा।
या ते अग्ने रजःशया तनूर्वर्षिष्ठा गह्वरेष्ठा।
उग्रं वचो अपावधीत्त्वेषं वचो अपावधीत्स्वाहा।
या ते अग्ने हरिशया तनूर्वर्षिष्ठा गह्वरेष्ठा।
उग्रं वचो अपावधीत्त्वेषं वचो अपावधीत्स्वाहा ॥ 5.8 ॥

तुं'दी सुन्ने जेही जिंदड़ी ऐ सुख बर्हांदी
क्रूर ते त्रिक्खी वाणी गी उस दूर नठाया।
तुं'दी लिश्कनी जिंदड़ी ऐ दिल जित्ते आह्ली
मंदी रुक्खी बाणी गी उस मार मुकाया ॥

तप्तायनी मेऽसि वितायनी मेऽस्यवतान्मा नाथितादवतान्मा व्यथितात्।
विदेदग्निनभो नामाग्ने अङ्गिर आयुना नाम्नेहि योऽस्यां पृथिव्यामसि यत्तेऽनाधृष्टं
नाम यज्ञियं तेन त्वा दधे विदेदग्निनभो नामाग्ने अङ्गिर आयुना नाम्नेहि यो
द्वितीयस्यां पृथिव्यामसि यत्तेऽनाधृष्टं नाम यज्ञियं तेन त्वा दधे विदेदग्निनभो
नामाग्ने अङ्गिर आयुना नाम्नेहि यस्तृतीयस्यां पृथिव्यामसि यत्तेऽनाधृष्टं नाम
यज्ञियं तेन त्वा दधे। अनु त्वा देववीतये ॥ यजु 5.9 ॥

ताप-तपे लेई तूं आसरा तूं गै धन-सम्पत्ति दा घर,
मिगी बचाया ताप कशा ते हर चाल्ली दी पीड़ कशा।
अंग-अंग इच रमे दे सुआमी तुंदा नांऽ म्हाड़े दिल बसदा,
कुतै बी बिचरो धरती गासै जस कमाइयै आओ म्हेशां ॥

सिंहासि सपत्नसाही देवेभ्यः कल्पस्व
सिंहासि सपत्नसाही देवेभ्यः शुन्धस्व
सिंहासि सपत्नसाही देवेभ्यः शुम्भस्व ॥ यजु 5.10 ॥

तूं ऐ म्हाड़ी वीरशेरनी पापनाशिनी
दिब्ब गुणें लई मिगी म्हेशां तूं समरथ करेआं ।

तूं ऐ म्हाड़ी वीरशेरनी पापनाशिनी, म्हाड़े अंदर दिब्ब गुणें लेई शुद्धि भरेआं
तूं ए म्हाड़ी वीरशेरनी पापनाशिनी दिब्बगुणें लेई मिगी पवित्तर निरमल करेयां ॥

इन्द्रघोषस्त्वा वसुभिः पुरस्तात्पातु प्रचेतास्त्वा रुद्रैः पश्चात्पातु मनोजवास्त्वा
पितृभिर्दक्षिणतः पातु विश्वकर्मा त्वादित्यैरुत्तरतः पात्विदमहं त्वं वार्षहिर्धा
यज्ञानि सृजामि ॥ यजु 5.11 ॥

अगगें-पिच्छें सज्जै खब्बै चौनें पासेआ
प्रियतम रक्खेआ तुं'दी करन मन, बुद्धि, आत्मा ।
में ते यज्ञ शा तत्ता पानी दूर करा नीं
तुं'दी रक्खेआ करै पवित्तर अन्तरात्मा ॥

सिंह्यसि स्वाहा सिंह्यस्यादित्यवनिः स्वाहा सिंह्यसि ब्रह्मवनिः क्षत्रवनिः
स्वाहा सिंह्यसि सुप्रजावनि रायस्पोषवनिः स्वाहा सिंह्यस्यावह देवान्यजमानाय
स्वाहा भूतेभ्यस्त्वा ॥ यजु 5.12 ॥

ग्यान दियें किरणें शा लोऽ ते प्रेरणा देने आहली देवी
तूं ऐं म्हाड़ी वीर शेरनी अ'ऊं तेरे उप्पर बलिहारी ॥
ब्रह्मसेविनी क्षत्रसेविनी बच्चे शैल पालने आहली
धन-दौलत दी रक्खेआ करदी अ'ऊं तेरे उप्पर बलिहारी ॥
अ'ऊं यजमान देवयज्ञ दा तूं देवें गी सहने आहली
अ'ऊं इसै लई बरेआ तुगी जे मिगी बनाएं जनहितकारी ॥

ध्रुवोऽसि पृथिवीं दृंह ध्रुवक्षिदस्यन्तरिक्षं ।
दृंहाच्युतक्षिदसि दिवं दृंहाग्नेः पुरीषमसि ॥ 5.13 ॥

प्रियतम तुस पक्के निश्चे थ्वां कदें निं डिगदे
दिब्ब गुणें दी अग्नी गी करेओ प्रज्वल्लत
पृथ्वी देह, अन्तरिक्ष मन, द्यु मस्तिष्क गी
सच्च दी बत्ता टुरने लई तुस करेओ प्रेरत

युञ्जते मन उत युञ्जते धियो विप्रा विप्रस्य बृहतो विपश्चितः ।
वि होत्रा दधे वयुनाविदेक इन्मही देवस्य सवितुः परिष्टुतिः स्वाहा ॥ 5.14 ॥

मनै दी चित्त बिरतियें गी इक थाहर टकाइयै
योगी जन उस परमेश्वर दा ध्यान करा दे।
सब किश जानने करने आहले जिस इक्कले ने
धारे दा जग उस सविता दा गान करा दे॥

इदं विष्णुर्विचक्रमे त्रेधा निदधे पदम्।

समूढमस्यपांसुरे स्वाहा ॥ 5.15 ॥

स्रिष्टी त्रों गें कन्नै मापी दी विष्णु ने
पही बी गें ओह नजरी नई आवा दी॥

इरावती धेनुमती हि भूतं सूयवसिनी मनवे दशस्या।

व्यस्कभ्ना रोदसी विष्णवेते दाधर्थ पृथिवीमभितो मयूरवैः स्वाहा ॥ 16 ॥

विष्णु ने थ'म्मे दे दमें द्युलोक ते पृथिवीलोक बी
अपनी धारण शक्ति कन्नै धरती विष्णु ने गै धारी।
माहनुएं लई दिंदी ऐ अन्न ते पशुएं लई दिंदी ऐ चारा।
सब किश उसै दा दिते दा अस जाचै उस तों बलिहारी॥

देवश्रुतौ देवेष्वघोषतं प्राची प्रेतमध्वरं

कल्पयन्ती ऊर्ध्वं यज्ञं नयतं मा जिह्वरतम्।

स्वगोष्ठमा वदतं देवी दुर्ये आयु मा निर्वादिष्टं।

प्रजां मा निर्वादिष्टमत्र रमेथां वर्ष्मन् पृथिव्याः ॥ 17 ॥

दिव्यप्रेरणा पाने आहले पति पत्नी तुस करो घोशना
बत्त प्रगति दी चलो पृथ्वी ते देवयजन गी खूब बधाओ।
निश्ठा कदे निं त्रुटे भाएं कई मुसीबतां रस्ता रोकन
जागरूक बन अपना जीवन ते जनजीवन सफल बनाओ॥

विष्णोर्नु कं वीर्याणि प्रवोचं यः पार्थिवानि विममे रजांसि।

यो अस्कभाद्दुत्तरं सधस्थं विचक्रमाणस्त्रेधोरुगायो विष्णवे त्वा ॥ 18 ॥

जिसने त्रों कदमें मापे पृथिवी-द्युलोक
उस विष्णु दे पराक्रमें गी कि'यां सुनाना।

जिसदी मैहमा जीवजैन्त सब गा करदे न
उसदे कम्मं दी मैहमा दा केह ठकाना ॥ 18 ॥

दिवो वा विष्णोऽ उत वा पृथिव्या महो वा विष्णोऽ उरोरन्तरिक्षात् ।
उभा हि हस्ता वसुना पृणस्वा प्रयच्छ दक्षिणादोत सव्याद्विष्णवे त्वा ॥ 19 ॥

द्युलोक थ्वां अन्तरिक्ष थ्वां धरती थ्वां बी
विष्णु ! हत्थ दमें सम्पत्ति कन्नै भरी देओ ।
सज्जे हत्थें आध्यात्मिक ते खब्बें भौतिक
शक्ति देइयै देहयज्ञ गी पूरा करी देओ ॥

प्रतद्विष्णु स्तवते वीर्येण मृगो न भीमः कुचरो गिरिष्ठाः ।
यस्योरुषु त्रिषु विक्रमणेष्वधिक्षियन्ति भुवनानि विश्वाः ॥ 20 ॥

परबतवासी शेर आंगर जो सब थां बिचरै
उस विष्णु दे बल दियां स्तुतियां सब करदे न ।
जिसदे त्रौं विशाल कदमें दे बिच समाए
सब्भै भुवन ते सब्भै लोक वास करदे न ॥



6. श्रेष्ठतम कर्म-यज्ञ

ऋग्वेद ज्ञान दा वेद ऐ, सामवेद उपासना दा, अथर्ववेद विज्ञान दा ते यजुर्वेद कर्म दा वेद ऐ। यजुर्वेद दे पैहले मन्त्र इच गै मनुक्खै गी श्रेष्ठतम कर्म करने दी आग्या दिती गेदी ऐ। श्रेष्ठतम कर्म यज्ञ ऐ ते यज्ञ दा मतलब ऐ ओह सारे कम्म जिंदे करने पर सिर्फ अपना गै नेई सभनें दा भला होंदा ऐ। मनुक्ख भले कम्म तां गै करी सकदा ऐ जे ओहदे इच उ'नें कम्मं गी करने दी तांहग जागै ते उ'नें गी करने दी समर्था बी होऐ। ओहदियां इन्द्रियाँ रोग रहत ते ताकतबर होन। ओहदे मनै इच कुटलता ते पाप नेई होऐ। ओह अपने सुआतम गी पछानै ते सविता देव थमां प्रेरणा लेइयै भले कम्म करने दा ब्रत धारै। यजुर्वेद दे पैहले ध्याऽ दे इ'नें पैहले पं'जे मन्त्रे इच श्रेष्ठतम कर्म करने आस्तै इ'नें गल्लें दी गै चर्चा ऐ।

यजुर्वेद दे त्रीए ध्याऽ इच बी यज्ञ दा बर्णन ऐ। भौतिक जग दा बर्णन करदे-करदे मनुक्खै दे जीवन जग दी तरफ बी इशारा ऐ। भौतिक अग्नी गी जि'यां शैल समिधां कन्नै बालियै घ्यो ते समग्री दियां औहता दित्तियां जंदियां न ते जग थ्वां निकली खुशबोई सभनें थाहरें जाई पुजदी ऐ उ'आं गै माहनू मनै दी मैल साफ करियै जेल्लै भले कम्म करदा ऐ, उसलै उसी अपने पराये दा कोई फर्क नजरी नेई आँदा। ओह सभनें गी अपना समझदा ऐ ते जड़-चेतन सभनें च प्रभु दे दर्शन करदा ऐ। सत्कर्म दियें समिधाएं राहें गै ओह परमात्मा गी परसिन्न करने दा जतन करदा ऐ। ओहदे अंदर ग्यान दी रोशनी जागी पौंदी ऐ ते अट्टें पैहर प्रभु दी जोत बी जगदी रौहदी ऐ। नौमें मन्त्र इच साफ करी दित्ता गेदा ऐ जे सूरज अग्नी वर्चस्-सब इक्कै रूप न। इ'यां भौतिक जग ते अध्यात्मक जग दौनें दा बर्णन ऐ।

इषे त्वोर्जे त्वा वायव स्थ देवो वः सविता प्रार्पयतु
 श्रेष्ठतमाय कर्मण आप्यायध्वमध्वन्या इन्द्राय भागं
 प्रजावतीरनमीवा अयक्ष्मा मा व स्तेन ईशत माघशंसो
 ध्रुवा अस्मिन् गोपतौ स्यात बह्वीर्यजमानस्य पशून् पाहि ।
 यजुर्वेद 1.1

साधक ! तुस ओ प्राण देह नेई तुसें प्रेरणा सविता देऐ ।
 सब लई भले कम्म करने दी इच्छा कनै ताकत देऐ ॥
 इन्द्रियें दी करो दिक्खभाल उंदें शा शैल कम्म कराओ ।
 सब रोगें शा रैहत्त रक्खियै आत्मा गी संतोख पजाओ ॥
 तुंदे उप्पर कदें कोइ बी चोर जां पापी राज निं करे ।
 आत्मा गोपति अपने पशुएं दी रक्खेआ करोआऽ ते करै ॥

वसोः पवित्रमसि द्यौरसि पृथिव्यसि मातरिः श्वनो घर्मोऽसि
 विश्वधा असि । परमेण धाम्ना दृंहस्व मा ह्वामा ते यज्ञपतिर्ह्वावीत् ।
 यजुर्वेद 1.2

साधक तू शरीर-दौलत गी आत्मा राहें करें पवित्तर ।
 तूं विशाल पृथ्वी दे आंगर चमकीला छुलोक दे आंगर ॥
 तूं प्राणें दी गर्मी पावक तूं जिंद-ब्रह्मण्ड दा धारक ।
 कदें गलत बत्ता निं टुरेआं परम धाम दे कन्ने जुड़ेआं ॥

वसोः पवित्रमसि शतधारं वसोः पवित्रमसि सहस्रधारम् ।
 देवस्त्वा सविता पुनातु वसोः पवित्रेण शतधारेण सुप्वा कामधुक्षः ?
 यजुर्वेद 1.3

तूँ ज्हारें धारें दे कन्ने जिंदू गी करी सकें पवित्तर ।
 सविता ज्हारें धारें कन्ने शैल करि तुंगी करन पवित्तर ॥
 तूं केहड़ी गौ दा दुद्ध पीता माया गौ दा जां सविता दा ?

सा विश्वायुः सा विश्वकर्मा सा विश्वधायाः ।
 इन्द्रस्य त्वा भागं सोमेनातनन्मि विष्णो हव्यं रक्ष ॥ 1.4

सविता गौ सब कर्म कराए, सब गी धारै सब दा जीवन ।
 उस सविता दे सोम दुध थ्वां तृप्ति पाइयै होग्गा पावन ।
 हे प्रभु म्हाड़ी रक्खेआ करेओ तुं'दे अगें करां समर्पन ॥

अग्ने व्रतपते व्रतं चरिष्यामि तच्छकेयं तन्मे राध्यताम् ।
 इदमहमनृतात् सत्यमुपैमि ॥ यजुर्वेद 1.5

ब्रतें दे सुआमी अग्नि देव में ब्रत गी पूरा करी सकां ।
 पाप ते झूठ गी छोड़ी सच्चाई दी बत्ता टुरी सकां ॥

यज्ञ

(यजुर्वेद ध्या 3)

समिधाग्निं दुवस्यत घृतैर्बोधयतातिथिम् ।
 आस्मिन् हव्या जुहोतन ॥ 1 ॥

पूजो यज्ञ दी अग्नी गी समिधाएं कन्ने
 गतिशील इस अग्नी गी घ्यो पाई जगाओ ।
 यज्ञकर्म जो कीते, करदे जा करदे ओ
 प्रभु दे चरणें बिच गै अर्पन करी टकाओ ॥

सुसमिद्धाय शोचिषे घृतं तीव्रं जुहोतन ।
 अग्नये जातवेदसे ॥ 2 ॥

शैल भरवी दी लिशका करदी यज्ञ अग्नी एह
 घ्यो पवित्तर दी गै ओहत इसी चढ़ाओ ।
 मन दी मैल साफ करी शुभ कर्म दे राहें
 प्रभु रूपै दे जड़-चेतन इच दर्शन पाओ ॥

तं त्वा समिद्धिरङ्गिरो घृतेन वर्द्धयामसि ।
 बृहच्छोचा यविष्टय ॥ 3 ॥

अंग-अंग इच बस्सने आहले प्रभु अङ्गिर
 ग्यान राहें अपनी मैहमां दे दरस कराओ ।

शुभ कर्म दी जोत में अर्पन करां तुसें गी
तुस मिगी अपने कनै जोड़ो ते लशकाओ ॥

उप त्वाग्ने हविष्मतीर्घृताचीर्यन्तु हर्यत ।

जुषस्व समिधो मम ॥ 4 ॥

सच्चा ग्यान पाइयै म्हाड़ियां ज्ञानेन्द्रियां
कर्मैन्द्रियें राहें उत्तम कर्म करान ।
तुं'दे तगर जे पुज्जां म्हाड़े प्यारे प्रभु जी
सत्कर्म दियां समिधां तुसें परसिन्न बनान ॥

भूर्भुवः स्वर् द्यौरिव भूम्ना पृथिवीव वरिम्णा ।

तस्यास्ते पृथिवि देवयजनि पृष्ठेऽग्निमन्नादमन्नाद्यायादधे ॥ 5 ॥

सच्चिदानन्द प्रभो ! द्युलोक ते पृथिवी आंगर
में सभनें गी अपना समझां ते अपनांऽ ।
जित्थै देवयज्ञ होआ दे उस धरती पर
अन्नभक्खी अग्नी गी अन्न दे लेई बुहालां ॥

आयं गौः पृश्निरक्रीदसदन् मातरं पुरः ।

पितरं च प्रयन्स्वः ॥ 6 ॥

जीव ग्यान लेई माता दी गोदी अ'ल टुरेआ ।
ग्यान थहोआ ते परमपिता जोति नै जुड़ैआ ॥

अन्तश्चरति रोचनास्य प्राणादपानती ।

व्यख्यन् महिषो दिवम् ॥ 7 ॥

ग्यान दी रोशनी अंदर जागी
प्राणें तन मन निर्मल कीता ।
मैल दा परदा हटेआ, पूजक ने
प्रभु दरसन दा रस पीता ॥

त्रिंशद्भाम विराजति वाक् पतङ्गाय धीयते ।

प्रतिवस्तोरह द्युभिः ॥ ८ ॥

अट्टै पैहर ते त्रीह मुहूर्ते अंदर प्रभु दी जोत गै जगदी ।
सुखै-दुखै इच हर दिन बाणी उस्सै प्रभु दा नांऽ ऐ जपदी ॥

अग्निज्योतिर्योतिरग्निः स्वाहा

सूर्यो ज्योतिर्योतिः सूर्यः स्वाहा ।

अग्निर्वर्चो ज्योतिर्वर्चः स्वाहा

सूर्यो वर्चो ज्योतिर्वर्चः स्वाहा

ज्योतिः सूर्यः सूर्यो ज्योतिः स्वाहा ॥ ९ ॥

अग्नी जोती, जोती अग्नी,
कर्म ग्यान ऐ, ग्यान कर्म ऐ,
सूरज जोती, जोती सूरज,
गति ग्यान ऐ, ग्यान गति ऐ,
अग्नी शक्ती, शक्ती अग्नी,
सूरज शक्ती, शक्ती सूरज,
ग्यान कर्म ते शक्ती पाइयै,
स्वार्थ तज्जी जीवन सुधरै ॥



7. सरस्वती

ज्ञान दी अधिष्ठात्री देवी सरस्वती दा भारती संस्कृति इच मता उच्चा थाहर ऐ। वेदमन्त्रेण इच इसदे त्रौ रूपेण इक नदी, मां ते देवी दा वर्णन कीता गेदा ऐ। 'अम्बितमे नदीतमे देवितमे सरस्वति' ऋग्वेद 2.41.16. सरस्वती नदी हुन लुप्त होई गेदी ऐ ब अजे बी प्रयाग इच गंगा यमुना सरस्वती इने त्रौ नदिये दा संगम मन्नेआ जंदा ऐ। स्नान करदे मौकै भारत दिये जि 'ने सते नदिये दा आवाहन कीता जंदा ऐ उंदे इच सरस्वती शामिल ऐ।

गंगे च यमुने चैव गोदावरी सरस्वती ।
नर्मदे सिन्धु कावेरि जलेऽस्मिन् सन्निधिं कुरु ॥

मते सारे वेदमन्त्रेण इच सरस्वती दा सरबंध बाणी ते बुद्धि कन्ने दस्सेआ गेदा ऐ। उसी मिट्टी ते सच्ची बाणी गी प्रेरत करने आहली, पवित्तर बुद्धि गी जगाने आहली ते ऋत दी रक्खेआ करने आहली आखेआ गेदा ऐ। उसी जग्गे इच औने दा साद्दा दित्ता जंदा ऐ तां जे ओह जजमाने गी ज्ञान ते सब चाल्ली दी ताकत देऐ। इत्थै दित्ते दे दौने सूक्ते इच बी सरस्वती दे इ 'ने रूपे दा वर्णन कीते दा ऐ।

सरस्वती सूक्त

(ऋग्वेद 6.61)

इयमदाद् रभसमृणच्युतं दिवोदासं वध्यश्वाय दाशुषे ।
या शश्वन्तमाचरदादावसं पणिं ता ते दात्राणि तविषा सरस्वति ॥

सरस्वती मां दियां मेहरां मतियां
देने आहले गी होर बी दिंदी,
सुआरथिये गी मारी मुकांदी।
शैल लुआद विद्या सम्पत देई
भगतें गी खुशहाल बनांदी ॥

इयं शुष्मेभिबिसखा इबारूजत् सानु गिरीणां तविषेभिरूर्मिभिः
पारावतध्नीमवसे सुवृक्तिभिः सरस्वतीमाविवासेम धीतिभिः ॥ 2 ॥

मोहमाया अग्यान दे परबत
तुंदियां ग्यानतरंगा त्रोड़न।
ध्यान करा करने आं उं 'दा
असें गी शुभ कर्मे अ'ल मोड़न ॥

सरस्वति देवनिदो निबर्हय प्रजां विश्वस्य बृसयस्य मायिनः ।
उत क्षितिभ्यो वनीरविन्दो विषमेभ्योऽस्रवो वाजिनीवति ॥ 3 ॥

देवनिन्दकें गी मत बख्खो
छलियें दा तुस करो संहार।
सब चाल्ली दे धन दी मालक
भरी देओ सच्चें दे भंडार ॥

प्रणो देवी सरस्वती वाजेभिर्वाजिनीवती ।
धीनामवित्र्यवतु ॥ 4 ॥

ग्यानशक्तिभण्डार दी मालक
देवी सरस्वती देइयै शक्ती।
रक्खेआ साढ़ी करै निरंतर
अकली गी पा बत्ता सिद्धी ॥

यस्त्वा देवि सरस्वत्युपब्रूते धने हिते ।
इन्द्रं न वृत्रतूर्ये ॥ 5 ॥

जिस भलाई लेई मंगी दौलत
मां सरस्वती पुज्जियै दिती।
पर जे मंदी मंशा जागी
इंद्र देव सब पुढी कीती ॥

त्वं देवि सरस्वत्यवा वाजेषु वाजिनी
रदा पूषेव नः सनिम् ॥ 6 ॥

ग्यानशक्तीभण्डार दी मालक
तूं देवि मां असें बचांदी।
पालनहारे पूषा आंगर
पालमां करेआं जायां दिंदी ॥

उत स्या नः सरस्वती घोरा हिरण्यवर्तनिः ।
वृत्रघ्नी वष्टि सुष्टुतिम् ॥ 7 ॥

उसलै रूप भयंकर ओह्दा
जेल्लै पापें दा दण्ड दिंदी।
तां बी खीर भला गै करदी
अरजां भेटां साढ़ियां सुनदी ॥

यस्या अनन्तो अहुतरूवेषश्चरिष्णुरर्णवः ।
अमश्चरति रोरुवत् ॥ 8 ॥

जेह्दे ग्यान दी लोऽ अनैन्त ऐ
सिद्धी बत्ता पाने आहली।
शुभ कर्म लई प्रेरत करियै
उच्चे थाहर पजाने आहली ॥

या नो विश्वा अतिद्विषः स्वसूरन्या ऋतावरी ।
अतन्नेहव सूर्यः ॥ 9 ॥

उ'ऐ सिश्टीनिजम चलांदी
बैर दवेश दे भाव मटांदी।
शैल बचारें दे साथें ओह्
सूरजै सांहीं असें लशकांदी ॥

उत नः प्रिया प्रियासु सप्त स्वसा सुजुष्टा ।
सरस्वती स्तोम्या भूत् ॥ 10 ॥

इ'यै जनेही देवी सरस्वती
सब प्यारें शा प्यारी लग्गै।

सत्तै भैनां खुशियां बंडन
जस कीरत गांदे मिल सब्भै ॥

आपप्रुषी पार्थिवान्युरु रजो अन्तरिक्षम् ।
सरस्वती निदस्पातु ॥ 11 ॥

अन्तरिक्ष छुलोक ते पृथिवी
मन मस्तिष्क शरीर चलाऽ ।
इ'यै बिनती मां सरस्वती
निंदने जोग निं कर्म कराऽ ॥

त्रिषधस्था सप्तधातुः पञ्चजाता वर्धयन्ती
वाजे वाजे हव्या भूतू ॥ 12 ॥

सत धातुएं त्रौं गुणें इच
देवी सरस्वती दा बासा ।
पं'जें प्राणियें दे बकास लई
उस्सै दे सहारे दी आसा ॥

प्र या महिम्ना महिनासु चेकिते द्युम्नेभिरन्या अपसामपस्तमा ।
रथ इव विम्बने बृहती कृतोपस्तुत्या चिकितुषा सरस्वती ॥ 13 ॥

सभनें शा जो मती कमेरी
जेह्दी मैहमा सब्भै जानन ।
रथ आंगर सब भार चुकदी
ग्यानी उसदी सार पछानन ॥

सरस्वत्यभि नो नेषिवस्यो मापस्फरीः पयसा मा न आधक् ।
जुषस्व नः सख्या वेश्या च मा त्वत्क्षेत्राण्यरणानि गन्म ॥ 14 ॥

हर दिन असें ई मां सरस्वति
पिच्छे नेई अगड़े गै नेआं ।
ग्यानप्रे मरससिज्जे रौह्चै
हर खेतर दा परिचै देआं ॥

सरस्वती सूक्त

(ऋग्वेद 7.95)

प्र क्षोदसा धायसा सस्र एषा सरस्वती धरुणमायसी पूः ।
प्र वाबधाना रथ्येव याति विश्वा अपो महिना सिन्धुरन्या ॥ 1 ॥

लोह दुर्ग साहीं राखी करदी
ग्यानरूप जल धारी बगदी ।
अपने ग्यान दी मैहमा राहें
जड़ अग्यानी सोचां हरदी ॥

एका चेतत् सरस्वती नदीनां शुचिर्यती गिरिभ्य आसमुद्रात् ।
रायश्चेतन्ती भुवनस्य भूरे घृतं पयो दुदुहे नाहुषाय ॥

परबत थमां समुंदर तक पुजदी
सब नदियें इच मती पवित्तर ।
माहन् गी दिंदी नमीं चेतना
जि'यां दुद्ध ते घ्यो पवित्तर ॥

स वावृधे नर्यो योषणासु वृषा शिशु वृषभो यज्ञियासु
स वाजिनं मघवद्भ्यो दधाति विसातये तन्वं मामृजीत ॥ 3 ॥

सरस्वती माउ दिता ग्यान
धियें-पुत्तरें होर बधाया !
जग्गभूमिए इच जजमानें
इस्सै ग्यान थमां बल पाया ।
ध्यातम दी बरखा च न्हाइयै
अपनी जिंदू गी चमकाया ॥

उत स्या नः सरस्वती जुषाणोपश्रवत् सुभगा यज्ञेऽस्मिन् ।
मितजुभिर्नमस्यैरियाना राया युजा चिदुत्तरा सखिम्यः ॥

ऋ. 7.95.4

बत्त जिन्दगी जग ऐ सुच्चा
 आइयै सुनी लो साढ़ी प्रार्थना ।
 रिशी मुनियें बी तुं'दी शरणीं
 पुज्जी पाई योग-साधना ॥

इमा जुह्वाना युष्मदा नमोमिः प्रतिस्तोमं सरस्वति जुषस्व ।
 तव शर्मन् प्रियतमे दधाना उप स्थेयाम शरणं न वृक्षम् ॥
 ऋ 7.95.5

स्तुतियां करियै सद्धा करनें
 खुश होवो तुस खुशियां बंडी ।
 देओ सबर संतोख ते शक्ती
 शिकल दपैहरी जि'यां छां ठंडी ॥

अयमु ते सरस्वति वसिष्ठो द्वारा वृतस्य सुभगे व्यावः ।
 वर्ध शुभ्रे स्तुवते रासि वाजान्यूयं पात स्वस्तिभिः सदा नः ॥
 ऋ. 7.95.6

तुं'दे प्यारे रिशि वसिष्ठ ने
 खोहली दित्ते ऋत दे दुआर ।
 तुसें पालमां करनी साढ़ी
 खोहली ग्यान-अन्न भण्डार ॥



8. मन-आवर्तन सूक्त

यत् ते यमं वैवस्वतं मनो जगाम दूरकम् ।
तत् ते आवर्तयामसि, इह क्षयाय जीवसे ॥ ऋ 10.58.1

तुंदा मन जेहड़ा नराश होई यम दे दरवाजे अ'ल नस्सै ।
उसी अ'ऊं मोड़ियै ल्या करना तां जे इत्थै जीऐ बस्सै ॥

यत् दे दिवं यत् पृथिवीं मनो जगाम दूरकम् ।
तत् ते आवर्तयामसि इह क्षयाय जीवसे ॥ ऋ 10.58.2

तुंदा मन जो दूर-दूर धरती द्युलोक तगर जाई नस्सै
उसी अ'ऊं मोड़ियै ल्या करनां तां जे इत्थै जीऐ बस्सै ॥

यत् ते भूमिं चतुर्भुष्टिं मनो जगाम दूरकम् ।
तत् ते आवर्तयामसि, इह क्षयाय जीवसे ॥ ऋ 10.58.3

तुंदा मन जो चौनें पासेआ वुटदी धरती पिच्छें नस्सै ।
उसी अ'ऊं मोड़ियै ल्या करनां तां जे इत्थै जीऐ बस्सै ॥

यत् ते चतस्रः प्रदिशः मनो जगाम दूरकम् ।
तत् ते आवर्तयामसि, इह क्षयाय जीवसे ॥ 4 ॥

तुंदा मन जो चौनें बक्खी च'ऊं दिशाएं पिच्छें नस्सै ।
उसी अ'ऊं मोड़ियै ल्या करनां तां जे इत्थै जीऐ बस्सै ॥

यत् ते समुद्रमर्णवं मनो जगाम दूरकम्
तत् ते आवर्तयामसि, इह क्षयाय जीवसे ॥ 5 ॥

तुंदा मन जो दूर समुंदर ते बदलें तक जाई नस्सै ।
उसी अ'ऊं मोड़ियै ल्या करनां तां जे इत्थै जीऐ बस्सै ॥

यत् ते मरीचीः प्रवतः मनो जगाम दूरकम् ।
तत् ते आवर्तयामसि, इह क्षयाय जीवसे ॥ 6 ॥

तुं'दा मन जो सूरज चन्न दियें किरणें दे पिच्छें नस्सै ।
उसी अ'ऊं मोड़ियै ल्या करनां तां जे इत्थै जीऐ बस्सै ॥

यत् ते अपः यत् औषधीः मनो जगाम दूरकम् ।
तत् ते आवर्तयामसि, इह क्षयाय जीवसे ॥ 7 ॥

तुं'दा मन जो दूर जलें ते औषधियें दे पिच्छें नस्सै ।
उसी अ'ऊं मोड़ियै ल्या करनां तां जे इत्थै जीऐ बस्सै ॥

यत् ते सूर्य यत् उषसं मनो नगाम दूरकम् ।
तत् ते आवर्तयामसि, इह क्षयाय जीवसे ॥ 8 ॥

तुं'दा मन जो दूर भ्यागा ते सूरज दे पिच्छें नस्सै ।
उसी अ'ऊं मोड़ियै ल्या करनां तां जे इत्थै जीऐ बस्सै ॥

यत् ते पर्वतान बृहतः मनो जगाम दूरकम् ।
तत् ते आवर्तयामसि, इह क्षयाय जीवसे ॥ 9 ॥

तुं'दा मन जो दूर-दूर उच्चे फाड़ें दे पिच्छें नस्सै ।
उसी अ'ऊं मोड़ियै ल्या करनां तां जे इत्थै जीऐ बस्सै ॥

यत् ते विश्वमिदं जगत् मनो जगाम दूरकम् ।
तत् ते आवर्तयामसि, इह क्षयाय जीवसे ॥ 10 ॥

तुं'दा मन जो इस दुनियां इच दूर दूर तक जाई नस्सै ।
उसी अ'ऊं मोड़ियै ल्या करनां तां जे इत्थै जीऐ बस्सै ॥

यत् ते पराः परावतः मनो जगाम दूरकम् ।
तत् ते आवर्तयामसि, इह क्षयाय जीवसे ॥ 11 ॥

तुं'दा मन जो दूर-दूर थमां मता दूर-दूर जाई नस्सै ।
उसी अ'ऊं मोड़ियै ल्या करनां तां जे इत्थै जीऐ बस्सै ॥

यत् ते भूतं च भव्यं च मनो जगाम दूरकम् ।
तत् ते आवर्तयामसि, इह क्षयाय जीवसे ॥ 12 ॥

तुं'दा मन जो कदें भूत ते कदें भविक्ख दे पिच्छें नस्सै ।
उसी अ'ऊं मोड़ियै ल्या करनां तां जे इत्थै जीऐ बस्सै ॥



१. श्रद्धासूक्त

श्रद्धया अग्निः समिध्यते, श्रद्धया हूयते हविः ।

श्रद्धां भगस्य मूर्ध्नि वचसो वेदयामसि ॥ ऋ 10.151.1

कम्म करने लई होऐ श्रद्धा तां गै दिलै च अगग भड़कदी ।

तां गै देस धरम लई कुर्बानी देने दी गल्ल निकलदी ।

पक्की श्रद्धा गै माहनू दी जिंदगी गी इक जगग बनांदी

पक्की श्रद्धा गै माहनू शा कम्म करांदी भाग जगांदी ॥

प्रियं श्रद्धे ददतः प्रियं श्रद्धे दिदासतः ।

प्रियं भोजेषु यज्वस्विदं मे उदितं कृधि ॥ 2 ॥

जो दूएं गी दिंदा खुशियां जां जो खुशियां देना चाह

श्रद्धे उं'दा भला करो ते उ'नेंगी बी सब खुशियां देओ ।

जो संसारै दे सुख भोग जगगभाव नै बंडियै भोगन

सदा होऐ कल्यान गै उं'दा मंशा सब्भै पूरियां करेओ ॥

यथा देवा असुरेषु, श्रद्धां उग्रेषु चक्रिरे ।

एवं भोजेषु यज्वस्वस्माकम् उदितं कृधि ॥ 3 ॥

जि'यां देवतें श्रद्धा रक्खियै असुरें गी बी बत्त सुझाई ।

उ'आं गै अस बंडियै खाचै स्हाड़ी बी तुस करो भलाई ॥

श्रद्धां देवाः यजमानाः वायुगोपा उपासते ।

श्रद्धां हृदय्यया आकूत्या श्रद्धया विन्दते वसुम् ॥ 4 ॥

श्रद्धा कत्रै प्राणायाम ते यज्ञकर्म गी जो नित करदे ।

श्रद्धा उंदे हिरदे इच ते भंडारे दौलन नै भरदे ॥

श्रद्धां प्रातर्हवामहे , श्रद्धां मध्यन्दिनं परि ।
श्रद्धां सूर्यस्य निमृचि श्रद्धे श्रद्धापयेह नः ॥ 5 ॥

सुबह शाम ते कड़क दपैहरीं अस तुई सदा करदे श्रद्धा !
स्हाड़े दिल दमाक इच आइयै तूं पाई जा सिद्धी बत्ता ॥



10. दान

न वा 3 देवाः क्षुधमिद् वधं ददुरुताशितमुपगच्छन्ति मृत्यवः ।
उतो रयिः पृणतो मोप दस्यत्युतापृणन् मर्दितारं न विन्दते ॥

ऋ० 10.117.1.

देवें मौत सिरफ दित्ती नई भुक्खें गी गै
ढिड्डु भरे दे जिंदे ओह बी मरदे लब्भे ।
दानी दा ऐश्वर्य खतम नेई हुंदा दिक्खेआ
कंजूस धनी गी सुख देने आहले नेई लब्भे ॥

ये वृक्णासोऽधि क्षमि निमितासो यतस्त्रुचः ।
ते नो व्यन्तु वार्य देवत्रा क्षेत्रसाधसः ॥

ऋ 3.8.7

इस धरती पर दिब्ब गुणें आहले देवें चा
जेहड़े होन संजमी साधक परोपकारी ।
उं'दे तक पुज्जै दित्ता दा दान सार्थक
हर खेतर इच पेदे दाने देन फुलबाड़ी ॥

ऋचोऽक्षरे परमे व्योमन् यस्मिन् देवा अधिविश्वे निषेदुः
यस्तन्नवेद किमृचा करिष्यति य इत् तद् विदुस्त इमे समासते ॥

ऋ 1. 164.39

ऋचा वेद दियां अक्खरें इच ते परम व्योम इच देव
उसगी नेई जानेआ जिस ओह वेद पढ़ि केह लैग ।
जिन दिक्खी लैता उसगी हिरदे दे गासै अंदर
ओह उससै दे होई जाडन ते सोग रोग नेई रौहग ॥

वायुरनिलममृतमथेदं भस्मान्तं शरीरम्
ओं कृतो स्मर । क्लिबे स्मर । कृतं स्मर ।
यजु. 40.15

अमर आत्मा मरदा नेई तूं थाहर बदलदा
जो शरीर तुगी थ्होआ एह भस्म होई जाना ।
तूं कर याद ओ३म् गी अपने कर्म गी बी
देह राहें कर कर्म ओ३म् गी नेई भुलाना ॥



११. सन्तान

असंमृष्टो जायसे मात्रोः शुचिर्मन्त्रः कविरुदतिष्ठो विवस्वतः।
घृतेन त्वावर्धयन्नग्न आहुत धूमस्ते केतुरभवद् दिवि श्रितः॥

आहुत अग्नी (सन्तान) तूं मैली पैदा होई ही
मां ने ते दाई ने धोइयै, निरमल कीता।
माता-पिता ने घ्यो पाइयै तुगी शैल बधाया
ग्यानी गुरुएं ग्यान देई चमकाई दित्ता॥

ऋ. 5.11.3

अधासु मन्द्रो अरतिर्विभावाव स्यति द्विवर्तनिर्वनेषाट्।
ऊर्ध्वा यच्छ्रेणिर्न शिशुर्दन् मक्षू स्थिरं शेवृधं सूत माता॥

ऋ. 10.61.20

मां ने सुखदाई बच्चे गी पैदा कीता
ओह् स्थिरबुद्धि संजमी नांऽ चमकाने आह्ला।
जंगल इच मंगल करी दिंदा मिट्टा बोली
पौढ़ियें आंगर उच्चा-उच्चा चढ़ने आह्ला॥

यदा पिपेष मातरं पुत्रः प्रमुदितो धयन्। एतत्तदग्ने ऽनृणो
भवाम्यहतौ पितरौ मया। सम्पृच स्थ सं मा भद्रेण पृङ्क्त
विपृच स्थ वि मा पाप्मना पृङ्क्त॥

यजु. 19.11

मां दी छाती दा दुद्ध पीऐ खुशी-खुशी गै
बड्डा होआ, एह् कर्जा हून कि'यां मुकाना?
माता पिता गी सुखी करां अ'ऊं सेवा करियै
करना म्हाड़ा भलै गै पापें थवां छुड़ाना।

इन्द्र कृतुं न आ भर पिता पुत्रेभ्यो यथा ।
शिक्षा णो अस्मिन् पुरुहूत यामनि जीवा ज्योतिरशीमहि

ऋ. 7.32.26

इन्द्र ! पिता पुत्ररें गी टुरना जि'यां सखांदा
उस चाल्ली गै असें कर्म करना सखलाओ ।
बार-बार सद्धा करने आं तुसें प्रभु जी
न्हेरे रस्ते पेदे असें जोत दिखलाओ ॥

विवस्वन्नादित्यैष ते सोमपीथस्तस्मिन् मत्स्व ।
श्रदस्मै नरो वचसे दधातन यदाशीर्दा दम्पती वाममश्नुतः
प्रमान् पुत्रो जायते विन्दते वस्वधा विश्वाहारपण्धते गृहे ॥

यजु. 8.5

सुख शान्ति देने आहले गृहस्थाश्रम इच
तुस दम्पती र'वो सुखै ने नंद मनाओ ।
धन बी पाओ, म्हेशां निरमल रौहने आहला
आशा पूरियां करै जो ब्हादर पुत्र पाओ ॥



१२. सत्य-असत्य

सुविज्ञानं चिकितुषे जनाय सच्चासच्च वचसी पस्पृधाते ।
तयोर्यत् सत्यं यतरदृजीयस्तदित् सोमोऽवति हन्त्यासत् ॥

ऋ. 7.104.12

भले-बुरे दा फरक समझने आह्ला ग्यानी
जानी लै जे इक-दूए पर जित्त पाने दा,
सच्च ते झूठ जतन करदे पर ईश्वर म्हेशां
सच्च सरल दा रक्षक झूठ गी नेई पछानदा ॥

व्रतेन दीक्षामाप्नोति दीक्षयाप्नोति दक्षिणाम् ।
दक्षिणा श्रद्धामाप्नोति श्रद्धया सत्यमाप्यते ॥

यजु.19.30

व्रत धारन करी थ्होंदी दीक्षा, दीक्षा थमां प्रतिष्ठा ।
पाई प्रतिष्ठा श्रद्धा थ्होंदी, उस थमां सच इच निष्ठा ॥

अग्ने व्रतपते व्रतं चरिष्यामि तच्छकेयं तन्मे राध्यताम् ।

इदमहमनृतात् सत्यमुपैमि ॥ यजु.1.5.

व्रत दे सुआमी प्रभो! सफल होऐ व्रत म्हाड़ा ।
सच्च दी बत्त टुरां, झूठ थ्वां करां कनारा ॥

तमु षटुहि यो अन्तः सिन्धौ सूनुः ।
सत्यस्य युवानमद्रोघवाचं सुशेवम् ॥

अथर्व. 6.1.2

उ'ऐ पुत्त जवान प्रशंसा करने जोगा
जेहड़ा बोलै बचन द्वेशरैहत हितकारी ।

सेवा करने आह्ला मातापिता गुरुएं दी
सच्चाई पर चलै-चलाऽ दुनिया सारी ॥

सत्यमूचुर्नरः एषा हि चक्रुर्नु स्वधामृभवो जग्मुरेताम् ।
विभ्राजमानांश्चमसाम् अहेवावेनत् त्वष्टा चतुरो ददृश्वान् ॥

ऋ. 4.33.6

सच्चे माह्नुं सच्च बोलदे जि'यां बोलदे उ'आं करदे ।
दूरा दिक्खने आह्ले शिल्पी चौनें पास्सें रोशनी भरदे ॥



13. द्वेश-ईरखा

यथा भूमिर्मृतमना मृतान्मृतमनस्तरा ।
यथोत मम्रुषो मन एवेर्ष्योर्मृतं मनः ॥

अथर्व 6.18.2.

जियां भूमि मोए मन आहली सोची निं सकदी
माहनूं दे मुरदे दा मन बी मुरदा होंदा ।
इ'यां गै ईरखा करने आहले दा मन मोआ
भला-बुरा सोची नेई सकदा कुढ़दा रोंहदा ॥

अतीव यो मरुतो मन्यते नो ब्रह्म वा यो निन्दियत् क्रियमाणम् ।
तपूंषि तस्मै वृजिनानि सन्तु ब्रह्म द्विषं द्यौरभिसंतपाति ॥

अ. 2.12.6.

सुनो ज्ञानियो! जो अपने गी बड्डा मनदा
स्थाड़े कीते ग्यान कर्म दी निंदेआ करदा
इसी तपाने आहले पाप गै आई घेरन
ब्रह्म द्वेशी दे उप्पर द्यौ थ्वां ताप गै ब'रदा ॥

द्विषो नो विश्वतोमुखाति नावेव पारय । अप नः शोशुचदधम् ॥ 4.33.7

हे ईश्वर! सब पाससै दिक्खी सकने आहले
बेड़ी आहनो द्वेश दा सागर पार कराओ ।
द्वेश गै होंदा सब पापें दा कारन बड्डा
द्वेश ते सब्भै पापें गी अगगी इच पाओ ॥

इदमुच्छ्रेयोऽवसानमागां शिवे मे द्यावापृथिवी अभूताम् ।
असपत्ना प्रदिशो मे भवन्तु न वै त्वा द्विषो अभयं नो अस्तु ॥

19.14.1.

अंत द्वेश दा करियै गै होना कल्यान
धरती ते द्युलोक दमै सुखकारी होन।
दिशें सारियें तुप्पी निं वैरी कोई लब्धै
बैर द्वेश नेई कुसै ने पही डर कुत्थुआं औन ॥ 19.14.1

प्रति पन्थामपदमहि स्वस्तिगामनेहसम् ।
येन विश्वाः परि द्विषो वृणक्ति विन्दते वसु ॥

यजुर्वेद 4.29

मंगलमयी ते पाप रहत बत्ता जे जागा।
सब द्वेशें गी छोड़ी ऐश्वर्ये गी पागा ॥



14. व्यक्तित्व

ऋचो नामास्मि यजूंषि सामानि नामास्मि ।
ये अग्नयः पाञ्चजन्या अस्यां पृथिव्यामधि ।
तेषामसि त्वमुत्तमः प्र नो जीवातये सुव ॥

यजु 18.77

धरती पर जो पंज अग्नियां उंदे चा एह उत्तम अग्नी
व्यक्ति गै ऋक् व्यक्ति गै यजु व्यक्ति गै साम बी होंदा ।
व्यक्ति गै परिवार चलांदा व्यक्ति गै समाज राष्ट्र बी
व्यक्ति दा व्यक्तित्व गै इस दुनियां गी रौहने जोग बनांदा ॥

दिवं च रोह पृथिवीं च रोह राष्ट्रं च रोह द्रविणं च रोह ।
प्रजां च रोहामृतं च रोह रोहितेन तन्वं सं स्पृशस्व ॥

अथर्व. 13. 1.34

माहनू चढ़दा जा तूं उप्पर जिंदगी दियां पैड़ियां सब्भै ।
ब्रह्मचर्य इच विद्या पाई फही गृहस्थ परिवार बनाई ।
बानप्रस्थ दी त्री पैड़ी चढ़ियै जग दी सेवा दा व्रत लेइयै
सन्यास दी चौथी पैड़ी चढ़ियै लेआं ब्रह्म गी पाई ॥

उद्यानं ते पुरुष नावयानं जीवातुं ते दक्षतातिं कृणोमि ।
आ हि रोहेममृतं सुखं रथमथ जिविर्विदथमावदासि ॥

अथर्व. 8.1.6.

माहनू उप्पर गै चढ़दा जा थुआढ़ा कम्म नेई ऐ डिगना
सभनें खूबिये कर्त्रे भरी जिंदगी थुआढ़ी ।
चढ़ियै इस सुखदाई अमृत जिंदू रथ पर
ग्यान गोष्ठिये इच बोलेआं होई अगाड़ी ॥

एक एवाग्निर्बहुधा समिद्ध एकः सूर्यो विश्वमनु प्रभूतः ।
एकैवोषा सर्वमिदं विभति एकं वा इदं वि बभूव सर्वम् ॥

ऋ.8.58.2

इक्कै अग्नी कई चाल्लीं बलदी ते लिशकदी
इक्कै सूरज उगदा जग गी रोशन करदा ।
इक्कै उषा औंदी सब किश चमकाई दिंदी
इक्कला माहनू निश्चा करै ते सब करी सकदा ॥

प्रियं मा कृणु देवेषु प्रियं राजसु मा कृणु ।
प्रियं सर्वस्य पश्यत उत शूद्र उतार्ये ॥

अथर्व. 19.62.1

ग्यानी ब्राह्मण क्षत्री सब दा बनी जां प्यारा ।
वैश्य शूद्र बी मन्नन मिगी अक्खियें दा तारा ॥



15. ऋत

इमामगृम्णन् रशनामृतस्य पूर्व आयुषि विदथेषु कव्या ।
सा नोऽस्मिन्सुत आ बभूव ऋतस्य सामन्त्सरमारपन्ती ॥

यजु 22.2

ग्यानगोशियें इच ऋत निजम दी डोरी फगड़ी
ब्रह्मचारियें इत्थै स्हाड़े तगर पजाई ।
सच्च ते सदाचार दी बत्ता पाने आहली
डोरी जिसी थोई उस ओहदी मैहमा गाई ॥

माहिर्भूर्मा पृदाकुर्नमस्त आतानानर्वा प्रेहि ।
घृतस्य कुल्या उप ऋतस्य पथ्या अनु ॥

यजु. 6.12

सप्प आंगर जैहरी नेई बनेआं नां गै भेड़िये आंगर
अहंकार गी दूर सुट्टेआं नरम स्था गै बनेआं ।
जो बी लब्धै उसी हिरख दियां सीरां बंडी
सच्च ते सदाचार दी बत्ता अगड़ा बधेआं ॥

परि चिन्मर्तो द्रविणं ममन्यादृतस्य पथा नमसा विवासेत् ।
उत स्वेन क्रतुना सं वदेत श्रेयांसं दक्षं मनसा जगृभ्यात् ॥

ऋ 10.31.2.

माहनू जे धन दौलत चाह राह ऋत दे निजमें दी जाऽ
अपने कर्में राहें बोलै तां गै मनै दी ताकत पाऽ ॥

ऋतस्य गोपा न दभाय सुक्रतुस्त्री पवित्रा हृद्यन्तरा दधे ।
विद्वान्त्स विश्वाभुवनाभि पश्यत्यवाजुष्टान् विध्यति कर्ते अव्रतान् ॥

ऋ. 9.73.8.

ऋत दा रक्षक कुसै थ्वां नेई दबदा डरदा
त्रै पवित्रता उसदे हिरदे अंदर रौहन।
सब लोकें गी जानने आह्ला प्रभु दिक्खार्दा
दुराचारियें गी दे धिक्का गड्ढे पौन ॥

शुची वो हव्या मरुतः शुचीनां शुचि हिनोम्यध्वरं शुचिभ्यः ।
ऋतेन सत्यमृतसाप आयज्छुचिजन्मानः शुचयः पावकाः ॥

सदाचारियें दे जीवन दे कर्म पवित्तर
उंदा जीवन जग्ग पवित्तर र'वै सुनिश्चत।
खुद पवित्तर ऋत दी बत्ता चलने आह्ले
सदाचार राहें सच्चाई करन प्रतिशठत ॥



16. ग्यानी उपदेशक

वाचस्पतये पवस्व वृष्णो अंशुभ्यां गभस्तिपूतः
देवो देवेभ्यः पवस्व येषां भागोऽसि ॥ यजु.7.1

वाचस्पते तुसें जनता शुरु करियै मनदी
ग्यान दिये किरणें कत्रें तुस होई पवित्तर।
याद र'वै जे जनता दा गै तुस हिस्सा ओ
सिद्धी बत्ता पाओ उसी तुस बनियै मित्तर ॥

आ देवानामपि पन्थामगन्म यच्छक्नवामतदनु प्रवोढुम्।
अग्निर्विद्वान्स यजात् सेदु होता सोऽध्वरान्तस ऋतुन् कल्पयति ॥

ऋ 10.2.3

अग्नी ऐ विद्वान् ग्यान दीं रोशनी ज्वाला
जनता गी साद्धा दिन्दा ते जग रचांदा।
अस बी चलचै अग्निदेव दी दस्सी बत्ता
करी सकचै कर्तव्य कर्म जो ओह् करोआंदा ॥

जातो जायते सुदिनत्वे अह्नां समर्य आ विदथे वर्धमानः।
पुनन्ति धीरा अपसो मनीषा देवया विप्र उदियति वाचम् ॥

ऋ 3.8.5

ग्यानगोशियें इच जो अगें-अगें बधियै
बुरे दिनें गी भले दिनें इच बदली सकदा।
दिब्ब गुणें आह्ला ओह् धीर मेधाबुद्धि नै
उत्तम भाशन देने थवां पिच्छें नेई हटदा ॥

अहश्चकृष्णामहरर्जुनं च वि वर्वेते रजसी वेद्याभिः।
वैश्वानरो जायमानो न राजावातिरज्ज्योतिषाग्निस्तमांसि ॥

ऋ 6.9.1

काली रात ते चिट्टा दिन घुम्मा करदे न
धरती ते गासै गी उ'ऐ घुमाऽ करदे न।
वैश्वानर उपदेशक राजें आंगर प्रगटी
ग्यान दी जोत नै न्हेरा घुप्प मिटाऽ करदे न॥

पुनरेहि वाचस्पते देवेन मनसा सह ।
वसोष्पते नि रमय मच्चेवास्तु मयि श्रुतम् ॥

अथर्व 1.1.2

बाणी दे ते ग्यानरूप ऐश्वर्य दे सुआमी
गुरुजन दिब्ब मनै नै आइयै असें पढ़ाओ।
खेढ-खेढ इच सिकखी लैचे जे किश दस्सो
जे किश सुनचै भुल्लै नेई तुस इ'यां सुनाओ ॥



17. नारी

सुमङ्गली प्रतरणी गृहाणां सुशेवा पत्ये श्वशुराय शंभूः ।
स्योना श्वश्रूवे प्र गृहान् विशोमान् ॥

अथर्व. 14.2.26

स्योना भव श्वशुरेभ्यः स्योना पत्ये गृहेभ्यः
स्योनास्यै सर्वस्यै विशे स्योना पुष्टायैषां भव ॥

वहीं 14.2.27

मंगलमयी गृहस्थें लई तूं सब कश्टें शा तारने आहली ।
सौहरे घर जाई सस्स-सौहरे ते पति दी सेवा करने आहली ॥
सुख देआं तूं सस्स सौहरें गी पति प्यारे गी बी सुख देआं ।
सुख देआं सारे टब्बरै गी सभनें दा तूं पोशन करेआं ॥

कियती योषा मर्यतो वधूयोः परिप्रीता पन्यसा वार्येण ।
भद्रा वधूर्भवति यत् सुपेशाः स्वयं सा मित्रं वनुते जने चित् ॥

ऋग् 10.27.12

पत्नी दी चाह करने आहले पति गी कैसी नारी चाहिदी ?
पति दी चाल-ढाल गी दिक्खी करै जो उसनै पूरी प्रीती ।
रूपवती कल्यानी नारी जिसने आपूं चुनेआ साथी
पति गी लगै मती प्यारी उसने सच्ची प्रीत ऐ कीती ॥

अथः पश्यस्व मोपरि संतरां पादकौ हर ।
मा ते कशप्लकौ दृशन्स्त्री हि ब्रह्मा बभूविथ ॥

ऋग्. 8.33.19

खल्ल दिक्खियै सिद्धी टुरेआं उप्पर दिखदी निं डिग्गी पवें
छाती जंघां रौहन ढकी दियां गृहस्थ जग दी ब्रह्मा तूं गै ॥

महे नो अद्य सुविताय बोध्युषो महे सौभगाय प्र यन्धि ।
चित्रं रयिं यशसं धेह्यस्मे देवि मर्तेषु मानुषि श्रवस्युम् ॥

ऋ. 7.75.2

उषा मानुषी देवी तूं जागी जा भाग जगाने लई
बंडने लई असें सभनें इच आत्मसुखें दी बड्डी दौलत ।
जियां उषा सूरज गी आहनी चौनें पास्सै रोशन करदी
उ'आं गै तूं दे असें गी नांऽ रोशन जो करै सन्तति ॥



18. सामवेद पूर्वार्चिक

1. अग्ने विवस्वत् आभर अस्मभ्यम् ऊतये महे ।
देवो ह्यसि नो दृशे ॥ 1.1.10

अग्निरूप प्रभु असें गी रोशनी देने आहले ।
रक्खेआ करेओ सिद्धी बत्ता नेने आहले ॥

2. आ जुहोता हविषा मर्जयध्वं निहोतारं गृहपतिं दधिध्वम् ।
इडस्पदे नमसा रातहव्यं सपर्यता यजतं पस्त्यानाम् ॥ 1.7.1.

निष्काम कर्म राहें अपने गी करी पवित्तर
ध्यान करो उस प्रभु दा जो घर दा रखवाला ।
जगग करो सतकार करो भगति दे कत्रै
हर थाहर ऐ ईश्वर दा जो सब देने आहला ॥

3. यदि वीरो अनुष्यादग्निमिन्धीत मर्त्यः
आजुह्वद्धव्यमानुषक् शर्म भक्षीत दैव्यम् ॥ 1.9.2.

जे कर माहनू अग्निरूप ईश्वर गी पूजी
उस दे अगें अपना आप समर्पन करदा ।
तां उसी मिथो वीर साहसी इस दुनिया इच
परम मोक्ष दा पूरा नंद ओह पाई सकदा ॥

4. जातः परेण धर्मणा यत्सवृद्धि सहाभुवः ।
पिता यत्कश्यपस्याग्निः श्रद्धा माता मनुः कविः ॥ 1.9.10

धरम-करम जो करै प्रगट ओहदे लई होंदे
प्रभु जी तुस अपने भगतें दे संग गै रौहदे ।
मननशील कवि जो आत्मा गी दिक्खी लैंदा
उसदी मां श्रद्धा ते पिता तुस आपूं होंदे ॥

5. इत एत उदारुहन्दिवः पृष्ठान्या रुहन् ।
प्र भूर्जयो यथा पथो घामङ्गिरसो ययुः ॥ 1.10.2

इत्थुआं गासा उप्पर चढियै अङ्गिरा जि'यां ।
द्युलोक गी पाई लैंदे, तूं जित्त पा उ'आं ॥

6. राये अग्ने महे त्वा दानाय समिधीमहि ।
ईडिष्वा हि महे वृषं द्यावा होत्राय पृथिवी ॥ 1.10.3

अग्निरूप प्रभु अस हिरदे इच तुसें ध्यांदे
श्होए मती समृद्धि, उसदा दान बी करचै ।
पृथ्वी ते द्युलोक च पूजा हुंदी तुंदी
बरखा होए समें पर इस लई जगग बी करचै ॥

7. सोमः पूषा च चेततुर्विश्वासां सुक्षितीनाम् ।
देवत्रा रथ्योर्हिताः ॥ 54 !

धरती आदि सब भुवनें दे त्रेढे रस्ते ।
पालक सौम्य प्रभु उंदे पर दुरना दस्सै ॥

8. ये ते पन्था अधो दिवो येभिर्व्यश्वमैरयः ।
उत श्रोषन्तु नो भुवः ॥ 72 ॥ अथर्व. 7.55.1

द्यु दे ख'ल्ल धरती पर ब्हा तुस प्रेरत करदे ।
तां अस इक-दूए दी गल्ल सुनी बी सकदे ॥

9. दोषो आगाद् बृहद् गाय द्युमद् गामन्नाथर्वण ।
स्तुहि देवं सवितारम् ॥ 77 ॥ सामवेद 2.7.3.

माहनू जेकर दोश पाप तुगी आई घेरन
जानकार ग्यानी गुरु दी शरनीं इच जायां ।
स्तुति प्रार्थना करियै उस थ्वां सिकखेआ लेइयै
पैदा करने आह्ले सविता प्रभु गी ध्यायां ॥

10. क इमं नाहुषीध्वा इन्द्रं सोमस्य तर्पयात्
स नो वसून्या भरत् ॥90॥ 2.8.6.

प्रजा लई प्रभु इन्द्र मेंघ इच सोम भरी दे।
बरखा बरै ते स्हाड़े लई समृद्धि करी दे॥

11. सदा व इन्द्रश्चकृषदा उपो नु स सपर्यन्
न देवो वृतः शूर इन्द्रः ॥ 96 ॥ 2.9.3

माहनू! इन्द्र प्रभु तुगी म्हेशा कोल बुलाऽ।
भगति करै मनै नै जो ओह उसगी पाऽ॥

12. अरं ते इन्द्र श्रवसे गमेम शूर त्वावतः।
अरं शक्र परेमणि ॥ 209 ॥ 2.10.6

हे बलशाली प्रभो करियै अस तुंदी पूजा।
जस गी पाई लैचे ते मुक्ति दा फल दूजा॥

13. इमे ते इन्द्र सोमाः सुतासो ये च सोत्वाः।
तेषां मत्स्व प्रभूवसो ॥ 212 ॥ 2.10.9.

ऐश्वर्यवान् प्रभु तुंदे भगत जो सौम्य सन्त।
देओ उ'नैंगी तुस सुख-शान्ति ते पूरा आनन्दः॥

14. इन्द्र उक्थेभिर्मन्दिष्ठो वाजानां च वाजपतिः
हरिवान्सुतानां सखा ॥ 226 ॥ 12.12.4

पापें दा नाशक बलशाली स्तुतियें नै खुश होऐ।
अस ओहदी सन्तान ओह स्हाड़ा मित्तर आंगर होऐ॥



